



WANTOK



OCEAN BLUE

Tuna in oil
Rait teist
yah!

Wan Wik, Januari 26 - Februari 1, 2006 NAMBA 1644 NIUSPEPA BILONG YUMI OL PNG STRETI! K1.00 long Mosbi tasol - Ausait Mosbi K1.30



OPOSISEN LUKLUK LONG 2007

"Heksen i stap long kona tasol, 15 min moa na ol pipel yet bai makim busol ol i lukim i stap long gavman... Sapos ol senis i kamap, em i orait tu. Bilong wanem sampela ol minista i no mekim gut wok long opis ol i hofim na tu sampela i hofim opis we ol i nogot gupela save long wok bilong en." - Oposisen Lida Peter O'Neill - Lukim stori long PES 3

SEKIM NEM BILONG OL
YUNIVESITI SUMATIN I
KISIM SKUL FI MANI HELPIM
I KAM LONG GAVMAN
- Pes 17-28

REDI LONG SKUL

WINIM SKUL FI RESIS!
I gat K100,000 skul fi moni
bilong winim - Lukim Pes 4

PES 23 - LAIPSTAIL: OL HETPEN
BILONG STATIM SKUL

PES 15 - KOMENTRI: Tingim ol
pikinini - baim gut skul fi


STRETIM OLGETA PEPA: Ol papamama insait long kantri i wok long hatwok i go kam long ol skul long stretim olgeta pepa bilong ol pikinini long statim 2006 skul yia

SHARP

PNG's No. 1 Brand

RADIO CASSETTE RECORDER

TOP
QUALITY MODELS
TO CHOOSE
FROM



K779.00

GXCD1300V

- Portable VCD/CD Stereo Component System • PMPO 200W
- 2 Way 4 Speakers Surround Sound System and MP3 Function • 3 Band Graphics Equalizer
- Variable X-Bass System
- 4 Band(FM/AM/SW1/SW2) Tuner



K97.00

QT222WBK

- Radio Cassette Recorder that Delivers Quality Sound on the move • PMPO 20W
- ALC (Automatic Record Level Control) Soft Eject Cassette Mechanism
- 4 Band(FM/SW1/SW2/MW) Tuner • Built-in Condenser Microphone



K219.00

QTCD700W

- Compact and Stylish Portable CD Stereo System with Cassette Deck
- PMPO 32W Built-in CD player
- Built-in Cassette Deck
- Built-in Inner Microphone
- LCD Display for CD
- 20-Programmable Playback for CD • AM/FM Stereo Tuner

BUY WISELY - ALL PRODUCTS BACKED BY BRIAN BELL'S WARRANTY, SPARE PARTS & SERVICE

AVAILABLE AT ALL BRIAN BELL STORES & AUTHORISED SHARP DEALERS NATIONWIDE

Distributed by: **Brian Bell** Shop with a friend

Setelmen yut laik kamapim senis

Sape Metta i raitim

MOA long 400 yut long Genoka Setelmen long Goroka, Isten Hailan provins i lukluk nau long kamapim gutpela sindaun.

Na ol i autim tingting bilong ol long Wantok Niuspepa olsem ol i laik pinisim olgeta bikhet pasin na traim long skelim ol yet i go i kam na kamapim gutpela na stretpela sindaun insait long setelmen komyuniti bilong ol.

Dispela tingting i kamap bihain long ol atoriti long Goroka i kamapim sampela strongpela tok-tok olsem ol i laik rausim ol setelmen long Goroka. Na Genoka em i wanpela long dispela setelmen we i stap namba wan long ai bilong oi atoriti we ol i laik rausim.

As tingting long ol atoriti i laik rausim Genoka Setelmen em ol i ting olsem dispela setelmen i save kamapim na lukautim ol yangpela manmeri husat i givim planti lo na oda hevi long Goroka taun.

Na dispela tingting i no kam gut long planti ol yangpela manmeri na ol papamama tu long Genoka Setelmen.

Genoka yut lida na mausman, Pius Peter, i tokim Wantok Niuspepa olsem ol atoriti em Goroka Eben na Rurel Lokol Level Gavman, Isten Hailans Provinsel Gavman na polis i mas sindaun, lukluk na glasim gut ol samting pastaim na bihain sapos ol i luk-save olsem em i tru ol yut long Genoka Setelmen i wok long kamapim ol hevi, orait, ol i ken mekim wanem samting em ol i tingting long mekim long en.

Long tok tru, em i olsem, planti long mipela ol yangpela i laikim na save binainim stretpela pasin. Mipela i gat bikpela luksave long lo na oda. Tasol wan wan ol lain husat i nogat luksave long lo na oda we i no fit long stap long setelmen komyuniti wantaim mipela i save kamapim dispela ol bikhet pasin. Dispela ol liklik lain tasol i

save mekim na mipela i save kisim nem nogut," Mista Peter i tok.

Em i tok grup bilong em i lukluk nau long stretim ol wan wan bikhet lain na rausim ol i go aut long setelmen.

"Mipela yet i lukluk na skelim na luksave olsem i gat planti ol gutpela lain i stap. Na planti long ol lain i sindaun long ol dispela setelmen inap moa long 20 kristmas," Mista Peter i tok.

Em i tok nau yet, grup bilong em i sindaun na kamapim ol plen we ol i laik kamapim ol gutpela samting insait long setelmen komyuniti we ol yangpela manmeri na ol papamama i ken kisim gutpela samting long en.

Wanpela samting we i stap nau long plen em long laik kirapim wanpela risos senta long setelmen ol i ken yusim olsem ples long kisim skul na trening na kamapim planti ol edukesen progrem long helpim ol mama grup long sait bilong somap, kuk, wokim

bilum na ol arapela samting moa.

Dispela risos senta bai i ken helpim tu ol papa na ol yangpela man long kisim trening long kamap laip stok fama we ol i ken save long pasin bilong kamapim na lukautim ol kakaruk, pato, rebit na pis. Na tu, long agrikalsa faming.

I gat tingting tu i stap olsem ol i ken yusim risos senta long givim literesi trening na putim ol tumbuna henkraf olsem bilum, kafing, purpur, grasket na ol arapela samting moa long pulim ol lokel na intenesenel turis long kamap na lukluk na baim dispela ol samting we bai stap long dispels risos senta.

"Mipela i mekim ol plen olsem iong wanem mipela i gat tingting long bringim ol yut i kam bung wantaim na mekim kamap gutpela na stretpela wok. Na ol i ken stap longwe long mekim ol trabel na bikhet pasin," Mista Peter i tok.

Em i tok ol kain gutpela samting bai i ken kirap long ol setelmen komyuniti we i ken helpim ol yang-

pela na ol papa mama tu. Tasol bikpela samting em ol i laikim sapot bilong ol atoriti long kirapim kain samting em ol yut ya i gat tingting long en.

Mista Peter i tok ol yut ya i gat tingting long karimaut ol fan resing wok we ol i ken painim na bungim sampela mani long kirapim ol wok insait long ol setelmen komyuniti. Tasol long lokel kaunsela na ol lain i stap insait long ol opis bilong ol atoriti i no save lukluk na givim ol wok long klinim ol eria long taun na ol arapela pablik ples olsem long bikpela maket na ol rot.

"Mipela i kam long olgeta provins long kantri na mipela i sindaun long Genoka Setelmen. Na mipela i mekim kamap dispela setelmen olsem asples bilong mipela na olsem ol narapela lain manmeri, mipela i laik kamapim gutpela sindaun we i nogat trabel trabel na mipela i kolim nau olsem asples bilong mipela," Mista Peter i tok.

Ragbi klab kamap skul

Andrew Molen i raitim

BIPO ragbi lig klab haus bilong Kone Tigers ragbi lig klab long Pot Mosbi nau i kamap wanpela skul.

Haus we ol manmeri save go bipo long dring na sindaun na lukim gem o pilai snuka na pokis nau bai kamap klasrum bilong Zion-Zeal Kristen Pri skul we ol liklik manki wantaim kristmas aninit long 10 bai go olgeta de long skul.

Dispela klasrum bilong ol long bipo klab haus bai stap yet sait long ragbi fil na nau em ol kamda man i wok long stretim i stap na em bai pinis na redi taim skul i redi long kisim ol namba wan sumatin bilong en.

Zion-Zeal Kristen Pri skul bai opim dua bilong ol long ol nupela sumatin bilong ol long Februari 6 tasol nau yet ol i wok long kisim nem bilong ol mangi yet.

Skul i makim dispela hap bilong wanem em i stap insait long bikpela kapa banis na long san i

nogat planti man o kar i save go i kam na mekim nois na bikhet pasin.

Wanpela opisa bilong skul i tok rejistresen bilong ol nem bai pas long pinis bilong dispela mun (Januari) na ol i gat 300 mangi i givim nem pinis long skul dispela yia na ol i wok long lukluk long sampela moa i kam.

Ol bai kisim ol mangi long Kindagaten - kristmas 3 i go long 5, elementri prep- kristmas 5 i go long 6, elementri wan- kristmas 6 i go long 7 na elementri tu- kristmas 7 i go long 8.

Zion-Zeal pri skul em i hap han bilong mama ogenaiesen, "Child Health Information and Education Foundation Inc., wanpela ogenaiesen (NGO) we i sanap long lukluk long ol wari bilong ol liklik manki long sait bilong helt, edukesen, givim na kisim toksave o infomesen i go i kam na tu long gutpela bilong olgeta manki long Papua Niugini na i kam aninit tu long PNG Baibol Sosaiti.



STRETIM PLES: Ol kapenta man, Martin Maraba (lephan) na Alban Peter (raitim) i wok long redim ples Ragbi Lig klab haus we bai kamap skul bilong ol liklik mangi.

POTO: Andrew Molen

OL HAP HAP NIUS

UN bai painim man long halivim Bogenvil gavman

YUNAITET Nesen's i pasim tok olsem em bai halivim Otonomes Bogenvil Gavman, em long dispela taim, i painim hat long kisim mani.

Bogenvil Presiden Joseph Kabui i tok dispela nius i gutpela long gavman na ol pipel bilong Bogenvil.

Em i tok Bogenvil i painim hat tru long painim mani bilong ol developmen projek na bikpela long en, em long stretim ol hevi i go long pis proses bilong kantri.

Mista Kabui i tok UN bai painim mani long wanpela 'rot so' insait long kantri Geneva long mun.Mas.

Em i tok em i bilip UN bai pulim samting olsem 7.3 million US dola bilong Bogenvil long dispela rot so. - *Redio Australia*

Graun malumalum karamapim ples long Morobe

WANPELA long we ples insait long Morobe provins i stap arait long graun malumalum bihain long bikpela ren.

Ol i tok wanpela ten tri (12) pipel bai pinis. Samting olsem narapela 100 pipel insait long Bapa viles i bin ron i go antap long ol maunten long abrusim dispela birua.

Provinsel Disasta Kodiheta bilong Morobe provins, Tera Gauba, i tok ol i bin fai i go long helikopta long sekim ples na ol i kirap nogut taim ol i lukluk bikpela hap ples i bagarap.

- *Redio Australia*

PNG dokta i tok lukaut long SI ating i gat moa HIVAIDS keis

WANPELA Papua New Guinea dokta i tok tru ol i painim tasol 6-pela keis blong HIV/AIDS insait long Solomon Islands, piksa ol i lukim i no gutpela.


Dokta Joachim Pantumarj bilong PNG National AIDS Kaunsil Sekreterlet tok ating planti moa pipel i gat pinis binatang bilong HIVAIDS long dispela 6-pela pipel.

Em i tok wanpela piksa Solomon Islands Gavman i ker luksave long ekspirien bilong PNG, em long ol i noken pasim ai long dispela sik.

Em i tok PNG gavman i bin wok strong long takolim HIVAIDS 15 yia bihain long taim ol i painim namba wan man i kerim dispela sik, we ol i sutim tok nau olsem bikpela namba bilong ol pipel i gat HIVAIDS nau. - *Redio Australia*

Wantok Redio Lait go long Wabag

Andrew Molen i raitim



HELPIM MANI: K40,000 sekmani i kam long han bilong Enga Gavana Peter Ipatas.

WANTOK Redio Lait stesen nau i ken i go het long sariapim wanpela FM stesen bilong ol long Wabag long Enga provins wantaim helpim bilong Gavana Peter Ipatas.

Mista Ipatas long makim Enga provinsel gavman dispela wik i givim wanpela sek mani

bilong K40 000 i go long Vais-Siaman bilong Redio stesen, Andrew Ogil na ol narapela memba bilong bot long palamen dispela wik.

"Enga provinsel gavman i amamas long kisim dispela redio stesen i go insait long provins bilong wanem mipela i bilip long wok bilong en.

"Mi givim nau K40 000 tasol mipela bai lukautim tu long ol narapela samting olsem na hevi bilong dispela olgeta moni taim yu bungim wantaim bai i nap olsem K50 000," Mista Ipatas i tok.

Em i tok nau yet, NauFM em i wanpela redio stesen we i kisim sevis i go long ol pipel na ol i amamas long narapela gen i go insait na em i tok tu olsem sapos stesen i laikim ol long helpim wantaim mani long sampela moa samting bai ol i amamas tasol long helpim.

"Mipela i bilip olsem stesen em i wanpela gutpela sevis bilong ol pipel na ol bai laikim tru," Gavana Ipatas i tok.

Oposisen i strong yet

Andrew Molen i raitim

OPOSISEN i strong yet na ol i laik i stap olsem inap 2007 nesanel ileksen i kam.


Lida bilong oposisen, Peter O'Neill i tok oposisen na "People's National Congress" pati we em i go pas long em tu i nogat wanpela sait wok wantaim gavman na ol bai sanap strong i go inap long 2007 ileksen.

"Ileksen i stap long kona tasol, 15 mun moa na ol pipel yet bai makim husait ol i laikim i stap long gavman," Mista O'Neill i tok.

Mista O'Neill i mekim dispela toktok long Pot Mosbi bihain long ol sut toktok i kamap olsem em i wok long hait na toktok wantaim ol lain long gavman long go insait long gavman sapos i gat senis i kamap long kabinet.

Tasol em i tok sapos ol senis i kamap em i orait tu bilong wanem sampela ol minista i no mekim gut wok long opis ol i holim na tu sampela i holim opis we ol i nogat gutpela save long wok bilong en.

Ol dispela toktok long Mista O'Neill i bin bihainim gavman i go bikpela taim National niuspepa na Post Courier i stori long em i go raun wantaim Praim Minista, Sir Michael



OPOSISEN LIDA: Peter O'Neill

Smare long Wewak long opim wanpela nupela brens bilong ANZ benk long hap we National niuspepa i soim piksa bilong Mr O'Neill, Sir Michael na tresera Bart Philemon i sindaun amamas wantaim.

Dispela olgeta em Mista O'Neill i no wanbel long en: "I nogat wanpela sait toktok i kamap namel long mi o wanpela memba bilong oposisen na gavman."

Bihain long em i harim dispela ol ripot, Gavana bilong Morobe, Luther Wenge i singaut long Mista O'Neill long risain na lusim wok olsem lida bilong Oposisen na i tok em yet i redi long kisim dispela sit.

Em i tok Mista O'Neil na pati bilong em (PNC) i wok long hait na toktok wantaim gav-

man bilong wanem em i laik i go joinim gavman.

"Dispela raun bilong mi i go long Wewak em bihainim wanpela ofisol askim i kam long go lukim opim bilong dispela ANZ benk na i no long bung wantaim o long toktok wantaim Praim Minista na gavman bilong em," mista O'Neill i tok.

Mista Wenge i tok dispela i no gutpela long kantri na sapos Mista O'Neill i laik wok wantaim gavman, em i ken risain olsem lida bilong oposisen.

Long bekim toktok bilong gavana Wenge, Mista O'Neill i toktok strong long media olsem dispela ol stori bilong em i toktok wantaim gavman em i no tru na ol ripot long media i no stret.

"Mi no amamas long ol media long putim dispela stori we i no tru, i nogat wanpela toktok o wok i kamap long sait namel long oposisen na gavman," em i tok.

"I nogat wanpela askim i kam long gavman tu long mipela i go joinim ol na PNC pati bai no i nap i go," em i tok.

Em i tok planti man i ting olsem em i lida bilong oposisen olsem em na em ol lain bilong em i mas go egensim olgeta samting gavman i mekim tasol dispela i no

kamap na i mekim planti i ting em i sapotim gavman.

"Mipela bai no i nap go egensim gavman nating nating.

"Wanpela samting mipela long oposisen i makim em long toktok long ol samting we i gutpela long kantri, sapos em i no stret bai mipela bai i egensim," Mista O'Neill i tok.

Em i tok tu olsem em i no amamas long Mista Wenge na ol toktok em i mekim.

"Hia long oposisen mipela i wok olsem wanpela tim na i nogat spes bilong ol man husait ol i sanap ol yet olsem wanpela pati.

"Wantaim olgeta respek, mi laik tokim Mista Wenge olsem lus tingting long dispela ol samting na lukluk long provins bilong em," em i tok.

"Lae i gat planti pot hol long rot, planti ol infrastraksa i bagarap na em i mas traim winim planti moa investa long go insait long provins bilong em," Mista O'Neill i tok.

Deputi lida bilong oposisen, Andrew Baing tu i sapotim tok bilong lida bilong em; "Luther Wenge i mas i nap nau long yusim moni bilong ol pipol bilong Morobe long baim ol fi bilong kot na lukluk long yusim dispela ol moni long stretim provins."



WOK glasim i go insait long ol nait klab na pati ples i stat pinis. Bikpela toktok i kamap long namba tu de bilong dispela wok painimaut we wanpela palamen komiti i go pas long em i tok olsem planti nait klab na pati ples i save yusim ol yangpela meri bilong rausim ol klos bilong ol na mekim kain kain samting long amamasim ol bikman i save go long ol dispela ples.

TRU TUMAS! Sampela long ol dispela naitklab em ol moni man i save ting olsem taim ol i go long ol dispela ples, ol i ken maritim namba tu, namba tri, namba fo meri gen. I tru tu we sampela mama na ol arapela gutpela man insait long komyniti i singaut long rausim ol dispela kain ples. Yupela painim ol ples we binatang nogut HIV i save raun raun long en? Kam long Masbi na raun lukim ol naitklab long hia.

INSAIT long ol dispela nait klab ples, planti ol yangpela meri we ol wanlain bilong ol i skul long hai skul i wok long wok i stap. Bai ol i save wokabaut raun long san olsem ol liklik meri, tasol long nait, ol i save senis i go kamap olsem ol bikpela meri na dring bia, spak na hangamap long ol marit man. Ol dispela ples, em planti famili nau i wok long karim hevi ol i save kamapim taim papa i save go raun spak long ol dispela hap.

NUPELA skul yia i laik stat bilong olgeta yangpela insait long kantri. Dispela yia, mipela i les long harim olsem ol sumatin i no go skul long wanem ol papamama i no baim skul fi. Mipela i no laik lukim ol skul i pas long namel bilong yia bikos i nogat inap kaikai. Na plis, yupela ol papamama, yusim gutpela tingting na lusim ol pasin nogut olsem poka masin na bia na bungim mani bilong stretim sindaun bilong ol pikinini.



OL GUTPELA POROI : Bipo Bogenvil rijinel memba John Momis na wanpela long ol nau kendidet Leo Hannett i amamas poroman i stap long wanpela bung las yia long Buka.

Bogenvil bai save long rijinel memba long tumora

Veronica Hatutasi i raitim

OL PIPEL bilong Bogenvil Otonomes Rijen (BAR) bai save tumora husat bai makim ol long Rijinel Sit long Nesanel Palamen.

Wok bilong kaunim ol balot o vot pepa i go het gut long Hutjena hai skul hal long Buka Ailan we moa long 200 ilektorel opisa i statim dispela wok long Tunde nait yet.

I kam inap long aste apinun (Trinde) taim Wantok i kisim ripot long Buka, bipo Primia na wanpela biknem long Bogenvil, Leo Hannett i wok long go pas wantaim 10,533 vot.

Kamap namba tu em pastaim Ombutsman Komisina na Palamen Klak Simon Pentanu wantaim 4,794 vot taim bisnis man na pastaim balus pailot Isaiiah Moroko i wok long kamap namba tri wantaim 3,695 vot.

Joel Banam i wok long bihainim wantaim 3,125 na wanpela meri kendidet tasol em meri lida Theresa Jaintong i bihainim isi isi wantaim 674 vot.

Tasol BAR i wok long yusim nupela rot bilong vot na dispela em Limitit Preferensel Voting (LPV) we ol vota i putim tasol 1,2 na 3 long ol kendidet ol i laik makim long kamap lida.

Na wantaim 35 bokis bilong ol Arawa vota ol i no pinis long kaunim, bai yumi lukluk yet husat tru bai win.

Ol dispela bokis long Arawa i bin stap long hevi na ol i no bin kisim i kam long Buka inap long Tunde apinun. Dispela em bikos ol lain husat i karimaut wok long bai ileksen i laikim bai ilektorel opis i mas peim ol pastaim bipo ol i larim ol dispela bokis i gat ol vot pepa long ol i go long Buka.

Na ripot i tok ilektorel Komisin i bin tok mani i stap long peim ol na olsem, ol i larim ol bokis i kam long Buka.

Ol bai ino inap long kaunim tupela bokis i gat ol vot pepa we sampela lain i bin kisim long rotblok long Buin, Saut Bogenvil.

Long wankain taim, Presiden bilong Otonomes Bogenvil Gavman (ABG), Joseph Kabui i singautim ol pipel long stap bung wantaim na holim pasim pis bel gut pasin na gutpela sindaun na wetim risai bilong bai ileksen.

Ol bisnis haus long rijen i wokim wankain singaut na tok stap isi na wanbel pasin em i bikpela samting long dispela taim we wok long kaunim ol vot i mas go gut.

Wanpela Bogenvil meri lida, Helen Hakena i askim ol meri i sanap long ileksen long karimaut gut ol graun wok bilong ol na wok long promotim ol meri.

Long wankain taim tu, Ekting bosman long Bogenvil Bai ileksen Reitama Torowaru i tok ol lain long Arawa i bin larim ol bikos i kam long Buka bilong kaunim bihain long ilektorel opis i tok ol i gat mani long baim ol.

Plantilain long sampela hap bilong Bogenvil olsem long No-Go-Zon eria long sentrel na saut Bogenvil i no bin vot bikos long ol dispela as. Ol Me'ekamui sapota na tu, lain bilong U-Vistrak i stopim ol, nem i no kamap long komon ro na taim nogut bikos long bikpela ren i stopim ol pipel long go kamap long ol ples bilong vot.

Tasol ol wok long kaunim ol vot i wok long go gut na toktok i kam long ol bikman i tok long Fraide o Sarere, ol pipel bilong Bogenvil bai save long nupela rijinel memba bilong ol.

AIDS i nogat marasin

Andrew Molen i raitim

OL MANMERI husat i tok olsem ol bus marasin o wara ol i painim i ken pinisim sik HIV/AIDS, em ol i brukim lo.

Dokta Joachim Pantumari, wanpela sinia medikel etvaisa bilong Nesenel AIDS Kaunsel (NACS) i tok NACS i gat menesmen ekt we ol i save lukluk na tok orait long wanem kain marasin bai ol i ken kisim na givim long ol lain i gat sik HIV/AIDS.


Em i tok nau yet i nogat marasin bilong sik HIV/AIDS insait long wol na ol man i nogat giamanim ol narapela.

...Bus marasin brukim lo

"Husat man o meri i painim bus marasin o wanem kain marasin we NACS i no tok orait long en, i noken tok olsem dispela marasin bilong ol bai i nap long pinisim sik AIDS.

"Ol i ken tok em bai i ken helpim long daunim strong bilong sik tasol sapos ol i tok marasin ya i ken pinisim sik, em ol i asua pinis long brukim dispela ekt," Dokta Pantumari i tok.

Em i tok NACS i no luksave na tok orait long ol bus marasin olsem wara, lip o skin



bilong diwai olsem marasin bilong pinisim sik HIV/AIDS.

"Husat man o meri i laik kisim bus marasin long traim na pinisim sik bilong em, em save i stap long em na husat man i givim em dispela

marasin tasol NACS bai i nogat luksave long dispela," Dokta Pantumari i tok.

Sik HIV/AIDS nau yet i nogat marasin bilong em tasol i gat ol marasin i stap we ol lain husat sik ya i holim ol strong bai i ken kisim long strongim ol yet na ol i ken i stap longpela taim.

Dokta Pantumari i tok dispela marasin we ol i kolim ol entretrovairel drak em ol strongpela marasin na ol i save sasim mani long ol lain i kisim.

"Mipela i save givim dispela marasin long ol lain husat i bagarap tru long HIV/AIDS bai em i ken helpim na strongim ol.

Long Wankain taim Dokta Pantumari i singaut long ol manmeri long i kam fowet na kisim tes long lukim sapos ol i gat sik o nogat.

"Em i gutpela long yu i save long bodi sapos em i gat sik o nogat.

"Long dispela we bai yumi i ken painim rot long stopim o daunim bipo long em i kilim yu na tu bai yu i ken lukautim yu yet na ol narapela tu," Dokta Pantumari i tok.

Helt Dipatmen na Nes Asosiesen mas toktok yet

TOKTOK i mas kamap yet namel long ol Helt Dipatmen Eksekutiv na lain i go pas long PNG Neses Asosiesen bilong stretim na pinisim olgeta ol wari i sut long hevi bilong ol nes.

Deputi Helt Seketeri Dokta Isaac Ake i tok em i wok long traim toktok wantaim ol bikman bilong Neses Asosiesen tasol em i wok long painim hat bikos em ino inap long kisim ol.

"Bai mipela i mas sindaun na toktok long ol samting i sut long sait bilong etministresen na stretim mipela yet.

Ol narapela em bai mipela i mas toktok wantaim ol lain long Dipatmen ov Pesenel Menesmen.

Mipela i ken stretim ol samting bihain tasol mipela i sindaun wantaim na toktok. Tasol em i hat bikos taim mi ringim ol, nogat man i stap long toktok wantaim mi. Mi stap na wet na mipela i mas hariap na stretim dispela hevi," Dokta Ake i tok.

Long las wik Fraide, Nesenel Kot i bin

rausim Kot Oda we Dokta Ake, Seketeri bilong Pesenel Menesmen Margaret Elias na Ateni Jenerel Fred Tomo i bin putim long Presiden bilong PNG Neses Asosiesen Lawrence Namaro na Yunien bilong ol Nes olsem straik o stop wok ol bin kamapim long 16-pela de stat yet long Disemba 19, 2005 inap long Januari 3, 2006 i no bihainim lo.

Ol nes i bin holim dispela straik bikos ol i no amamas long Helt Dipatmen i no inapim Industriyel awot long givim ol pei i go antap ol bin oraitim long yia 2000 na tu, long sait bilong sefti na sekyuriti na insurers bilong ol.

Dokta Ake i tok em i salim namba tu bos bilong Humen Risos Seksen long toktok wantaim ol bikman bikos olgeta grup i mas sindaun na toktok long stretim olgeta dispela wari bilong ol.

Wantok i no bin inap long toktok wantaim Mista Namaro o ol narapela bik manmeri bilong Neses Asosiesen.

Pos PNG stem makim 50 yias bilong SIL

Noreen Dada i raitim

POST PNG i autim nupela stem we i amamasim 50-pela krismas bilong Sama Institut long Lingwistiks (SIL). SIL i stap long Goroka insait long Isten Hailans provins na dispela em skul bilong tanim toktok i go long ol tokples. Pos opis i autim dispela stem we i soim bikpela wok SIL i save wokim long soim komitmen long givim sevis long ol pipel long kantri.

I gat 6-pela stem olgeta we Post PNG i salim nau we prais bilong ol em 80 toea, K1.00, K3.20, K3.25 na K5.35. Wanpela 80 toea stem i soim wok bilong SIL long lainim ol pipel long ritim tokples bilong ol yet. K1.00 stem i soim Dokta Jim Dean, man Kanada husat i kamap nambawan dairekta bilong SIL na we haus bilong em i kamap namba wan opis bilong SIL.

K3.20 stem i soim tokples pri-skul we i gat bikpela mining long ol pikinini long ples na K3.25 stem i soim balus sevis bilong SIL we i gat finging long givim "sevis long olgeta man". K5.35 stem i soim komitmen bilong SIL long kamapim komyuniti developmen.

"Mipela i bin autim ol stem long Januari 4, 2006 long makim amamas mipela i gat long luksave long 50 krismas bilong SIL long ol i mekim dispela bikpela wok," Filatelik Menesa Serege Dada i tok.

William Cameron Townsend i bin kirapim SIL long yia 1934 long lukautim wari long we i nogat alfabet o buk long ol asples tokples long olgeta hap long dispela graun.

SIL kam long PNG long yia 1956 long givim sevis long pipel bilong PNG long developim ol tokples, tanim tok, wok rit na rait na skul long lainim ol tokples na ol narapela wok moa em i save wokim.

Ramu Sugar bai salim planti pikinini i go bek long skul

RAMU SUGAR

back to school FEES

K100,000

bilong ol skul fi long winim

Baim paket Ramu Sugar long stap insait long dispela resis.

Raitim bekim long entri fom na pasim wantaim wanpela paket i nogat suga long en long soim olsem yu bin baim.

Salim entri bilong yu i kam long Ramu Sugar Back To School Promotion C/- Locked Bag Service Lae, Morobe Province, o putim insait long entri bokis i stap insait long wan wan ol stua.

Dro o taim bilong painim ol wina bai kamap long Fraide long olgeta wik stat long namba 27 de bilong mun Januari na bai pinis long namba 24 de bilong mun Februari.

Ramu Sugar back to school promotion

Name:.....

Address:.....

Phone:.....

POST TO:
Ramu Sugar Back to School Promotion.
C/-Locked Bag Services Lae,
Morobe Province
Papua New Guinea

Bai i gat 40 manmeri i ken winim K500 wan wan wik inap long 5-pela wik olgeta

Wantok resis bai pinis wantaim las entri o pes ol i kisim long namba 24 de bilong mun Februari.

Ol lida noken paulim pipel

SINGAUT i go long ol lida bilong noken paulim ol pipel bilong Nu Ailan na PNG long kisim sapot wantaim ol toktok olsem prais bilong kopra i go antap.

Pastaim Siaman bilong Kokonas Industri Koporesen (KIK) bilong ples Panachais long Kavieng Distrik insait long Nu Ailan provins, Patrick Maris i tok Wol maket i save kontrolim prais bilong kopra na nogat nara-pela man o ogenaisesen.

Em i tok welpam bisnis i tekova long sampela prodak o samting we ol i wokim long kokonas. Na tu, Amerika i kamapim Soya Bin na welpam i gutpela moa long kisim ples bilong ol samting ol i wokim long kokonas na olsem, prais bilong kopra bai ino inap kamap gut.

"Ol lida bilong yumi i noken wokim tok giaman sapos ol i laikim ol pipel insait long ol rurel eria i kamapim gut sindaun bikos kopra em wanpela wei tasol

ol i save kisim mani long en, " Mista Maris i tok.

Wantaim nesenel ileksen i kamap klostu, Mista Maris i tok Nu Ailan i bin gat nem olsem top kopra provins na ol lida i noken giaman ol pipel na ol i ting bai ol i kisim gutpela mani long kopra bilong ol.

Em i tok ol lida i mas tok-tok long ol rot bilong wokim samting long kopra, olsem sop, ol wel bilong putim long bodi, wel bilong kuk na ol arapela samting moa ol i

save wokim long kokonas.

Olgeta komyuniti long Nu Ailan i gat gaden kokonas na i gat tu ol bikpela plante-sen na sapos ol i wokim "downstream processing" o sanapim fektori long wokim ol prodak o ol samting long kokonas, provins bai kisim gutpela samting long em.

Em i tok em bai ino inap hatpela long kisim ol samting bilong yusim long wokim ol prodak.

"Sapos ol i kisim ol masin na ol teknoloji, i gutpela

bikos ol bai wokim samting we bai helpim ol pipel long en. Na i no ol toktok ol lida i wokim long prais bilong kopra i go antap bikos dispela i no tru. Sapos ol lida i laik helpim pipel bilong ol, lukluk long kirapim rot na ol samting we bai helpim ol pipel long ol rurel eria," Mista Maris i tok.

Em i tok ol lida i mas tok-tok long putim kolta long rot long Kavieng i go long Namatanai, putim pawa long ol ples long Buluminski

Haiwe, kamapim gut distrik hetkota, fiseris, agrikalsa. Komyunikesen na Turisim na noken strongim poin long ol kes krop we i prais i no kamap gut olsem kopra na vanilla.

Mista Maris i apil long ol lida long lusim tingting long sait we ol i sanap long politikel sait na wok bung wantaim long strongim wok Turisim, fiseris na larim ol ausait bisnis i kam na wok mani bilong provins i ken kamap gut.

Nu Silan Hai Komisina long Bogenvil

Aloysius Laukai i raitim

HAI Komisina bilong Nu Silan long PNG i wokim wanpela lukluk raun i go long Bogenvil long dispela wik.

Laurie Marks i bin go kamap long Buka long Tunde bilong lukim ol wok kamap na ol arapela samting i kamap long Bogenvil bihain long kirapim Otonomes gavman bilong em yet.

Long stap bilong em long Buka, Hai Komisina Marks bai lukim Otonomes Bogenvil Gavman bos,

Presiden Joseph Kabui na Eking Etministreta, Patrick Koles.

Dispela em namba wan wokabaut bilong Nu Silan Hai Komisina i go long Bogenvil bihain long ailan i kirapim Otonomes Gavman bilong em long las yia Jun.

Nu Silan i bin mekim bikpela wok long helpim Bogenvil i kamap orait.

Pastaim wantaim Pis Monitaring Grup na nau em i gat Bogenvil Komyuniti Polising projek we i gat bikpela tingting long kirapim komyuniti polis long ol rurel eria.



WE YAKA MAMA! Bikpela taitwara long Arawa Buka rot i klostu daunim dispela 10 sita bas bilong PNG Habas Bot. Bogenvil i gat planti wara tru na taim bilong ren, ol pipel na ka i save kisim taim tru.



GUTPELA POROMAN: Deputi Etministreta bilong ABG, Patrick Koles i welkamim Hai Komisina bilong Nu Silan, Laurie Marks long Buka ples balus.

Arawa polis helpim bai ileksen

POLIS long Arawa insait long Sentrel Bogenvil bai go het wantaim helpim long wok bilong karim aut Bogenvil Rijinel sit bai-ileksen.

Ol i wok long bungim hevi olsem ol rotblok we Me'ekamui i wok long putim tasol ol i tok ol i bai wokim ol wok we i helpim komyuniti na bai ol i lus tingting long pe ol i no kisim yet long taim ol i wokim wok long ileksen bilong oton-

ames gavman. Arawa Polis Stesen Komanda, Herman Birengka i tok planti ol wok Arawa polis i wokim em long lukautim ol opisa i karimaut ileksen bikos dispela em i wok ol i mas mekim. "Mipela i ol wokman bilong pablik na mipela bai wokim ol samting we inapim laik long ol pipel," Sajan Birengka i tok. Em i tok tu olsem wanpela hevi ol i bungim long ileksen

wok bilong ol i taim ol i traim long go insait long Morgan Junksen rot-blok we ol Me'ekamui grup i bin pasim rot.

Ol balot bokis i no go insait long dispela hap na ol polis i go pas long ileksen grup.

Sajan Birengka i autim bikpela amamas bilong em i go long ol polisman bilong em long ol hatwok ol i mekim long lukautim bai ileksen i go gut tasol.

Gutpela wok bung namel long Bogenvil na UN

Noreen Dada i raitim

.....Kabui i amamas

OTONOMES Bogenvil Gavman (ABG) i amamas long rot em i kisim long ronim Bogenvil.

Toktok long wanpela radio pogrem, Presiden bilong ABG Joseph Kabui tok Bogenvil i kamap wanpela win stori long Yunaitet Nesens (UN) na Gavman bilong Papua Nuigini.

"Bogenvil i win stori bikos UN i no yusim bikpela mani long kamapim pis o gutpela sindaun na bel isi pasin long ailan."

"Lukluk bek long 6-pela nupela mun bilong ABG, mi amamas olsem mipela kisim rait rot long bringim mipela long we mipela i stap

nau. Olgeta man sapos ol i Mekamui o nogat, ol i kaikai long wanpela basket-klostu olgeta man i sanap wantaim," Presiden Kabui i tok.

Presiden Kabui i tok bikpela samting em ol i kamapim gren koalisen we olgeta man na meri long Bogenvil i sanap wantaim. Em i tok i bikpela hap rot ol i kamapim aninit long Stratijik Eksen Plen na tu wantaim Milenium Dvelopmen Gols bilong UN.

Stratijik Eksen Plen bilong ABG i wan kain olsem Medium Tem Dvelopmen Stretaji Plen bilong Nesenel Eksekutiv Kaunsel(NEC), tasol

bikpela lukluk long ol i go long ol pipel we Presiden na gavman bilong en i luksave olsem ol i mas mekim ol wok long kamapim Bogenvil. Bikpela mani long ABG baset i go long trening na edukesen subsidi na dispela em long mak bilong K2 milien.

Wanpela wari ABG i gat i long ol pipel husat i bin stap na bin kamap bikpela namel long taim long hevi long ailan. I gat wari olsem ol i bai i no laik wok bung wantaim long kamapim gen Bogenvil.

ABG i kamapim wanpela dipatmen long lukautim ol kain lain olsem ol eks paitman

na ol yut. Bikpela lukluk bai go long yut we dipatmen bai helpim ol long bung wantaim long kamapim bel isi long ol kain sosel samting olsem spot o pilai.

Presiden Kabui i tok long olgeta hap i gat hevi long sekyuriti na bikpela samting em long wok na rausim olgeta gan long Bogenvil.

"Long dispela taim, dispela samting i hat liklik long toktok long en tasol mi na gavman bilong mi i lukluk long painim gutpela wei bai ino inap kamapim trabel."

ABG wantaim UN nau i lukluk long kamapim wanpela rot-so we ol i ting long ronim long dispela mun o long neks mun.

Foto: Aloysius Laukai

Kapris putim edukesen olsem namba wan wok

...K1.5 milien bilong helpim ol distrik



LUKSAVE: Stretim lek bilong Minista Kapris olsem mak bilong bikman taim em i go prisenim ol ka long helt senta na skul long ilektoret bilong em, Maprik, is Sepik provins.

EDUKESAN em i wanpela bikpela eria we Woks Minista na Memba bilong Maprik insait long Is Sepik provins i givim bikpela lukluk long em taim em i katim mani long baset bilong em long dispela yia.

Gavman bilong Praim Minista Sir Michael Somare i gat bikpela lewa long ol ples pipel insait long ol rurel eria na olsem, long 2006 Nesenel

baset i bin katim K1.5 milien i go long ol wan wan distrik developim na kamapim gut na stretim tu ol rot na wokim mentenens long ol rot na bris samting.

Minista Kapris husat i Siaman bilong Join Distrik Baset Praioriti Komiti i tok "edukesen em i ki na ol i mas lukautim gut ol tisa.

"Mi givim bikpela lukluk long Edukesen. Bai i gat mani

long bildim na kamapim gut ol haus tisa," Maprik memba Mista Kapris i tok.

Em i skruim tok i go moa na i tok ol sios i bikpela patna long developmen na ol tu bai kisim hap mani bilong ol long baset. Helt sevis i bikpela samting na tu na bai i gat mani sapot taim sosel sekta bai kisim helpim anitit long spot pilai eria.

Nupela FM Redio stesen

em 95.3 FM Sepik Sentrel we ol i kirapim nupela tasol i kisim tu K10,000 helpim long karimaut wok bilong em.

"Mi singaut long ol arapela ilektoret long Sentrel Sepik eria long helpim redio stesen ya bikos em i helpim long givim aut infomesen na musik sevis we olgeta i amamas long kisim," Minista Kapris i tok.

Papa i kukim man insait long haus

Bustin Anzu i raitim

POLIS long Lae i wok long mekim bikpela painim aut long dai bilong wanpela man bilong Morobe Provins, husat paia i bin kukim em. Polis i kisim bodi bilong em i go long Angau mog o ais-bokis bilong putim ol daiman long em.

Paia i bin kukim man ya nogut tru insait long haus bilong em. Pikinini bilong em i stap long Angau Haus sik bihain long kisim bikpela bagarap.

Ol dispela birua i kamap insait long ples Kamseling, baksait tasol long Igam Bareks.

Man ya bilong Nawae distrik, insait long Boana, em ol narapela lain papagraun insait long i sutim tok olsem em i wanpela posin man na kilim wanpela pikinini bilong ol. Olsem na ol i go long haus bilong em na kukim.

4-pela haus i paia na wanpela liklik stoa i bagarap. Dispela stoa em bagarap nogut tru.

Bos bilong Lae polis, Simon Kauba i tok polis i wok long mekim wok painim aut long dispela birua we kamap long wiken.

Em i tok tupela sait stori long dispela man. Sampela i tok ol i banisim man insait long haus na wokim paia na sampela i tok ol i kilim em na tromoi i go insait long haus na bihain wokim paia.

"Ol lain haus klostu i pret nogut tru long ripotim dispela trabel long polis," em i tok.

Long narapela wankain nius, wanpela meri Simbu i dai long 3 Mail, Lae bihain long em i pait wantaim tambu meri bilong em long wanpela plet bilong kaikai.

Polis i tok meri ya, gat krismas olsem 20 yias, em tambu man bilong em i paitim em wantaim traipela hap diwai, taim ol i kros long dispela plet. Meri ya i go long Madang long man bilong em, husat em wanpela sekyuriti man. Em i go stap long hap na dai.

Tupela man meri husat i wokim dispela trabel i go hait. Polis i mekim wok painim aut yet long dispela hevi.

Sios oda i no senis yet

Bustin Anzu i raitim

EVANJELIKEL Luteran Sios bilong Papua Niu Gini (ELC/PNG) i no mekim sampela samting long senisim sios oda o konstitusen. Dispela ol senis bai kamap ples klia long narapela sinot.

Siaman bilong konstitusen rivyu tim, Sir Arnold Amet, i bin tokim namba 25 Silva Jubili Snots long Wasu, insait long Morobe Province olsem ol i no wokim sampela senis yet long wanem ol Kristen bilip manmeri, husat em ol pos bilong dispela sios, i no givim ol komiti sampela tingting long dispela.

"Mipela i no mekim sampela samting yet long dispela tingting bilong senisim sios oda o mama lo wantaim ol bai-lo bilong em long wanem ol Kristen manmeri i no givim ol sampela stia tingting.

"Yupela olsem memba bilong dispela sios mas salim sampela tingting i kam taim mipela salim pas i kam na tim bai lukluk long dispela na wokim sampela senis," em i tok.

Em i tok long narapela sinot, ol bai lukim ol dispela tingting bilong

senisim sios oda na ol bai wokim resolusen o tingting long dispela. Olsem na taim mipela salim ol askim pepa i kam, yupela i mas lukim na bekim," em i tok.

Em i tok olsem mama lo na Plening i mas go wantaim olsem driman bilong 2010 bilong sios.

Het bisop Reveren Dokta Wesley Kigasung i tok olsem dispela sios oda o mama lo em bilong ELC/PNG long wanem em wanpela otonomes sios na gat luksave insait long wol Luteran bodi, em Luteran Wol Federesen (LWF). Ol narapela Luteran em ol tu i memba long dispela.

Em i bekim wanpela askim bilong Hagen distrik long sinot plua olsem sapos dispela senis i kamap, em bai karamapim ol narapela sios olsem Gutnius Luteran Sios (GLC) na ol narapela karismatik grup insait long sios yet olsem rivaivel, rinyuwal na ripom Luteran.

Het bisop i tok GLC em narapela olgeta na em wanpela sios bodi olgeta. Em yet i kamap memba wantaim LWF tasol ol narapela karismatik grup, taim dispela senis bilong sios oda i kamap, ol bai lukluk long dispela.



OL I KAM: Ol lain bilong Hagen i amamas wokabaut wantaim het Bisop Dokta Wesley Kigasung bihain long em i kisim bek sia.

Ol meri go pas long strongim bel isi

WANPELA singaut i kamap long ol meri i mas go pas long kamapim ol wok bilong pis

o bel isi insait long ol hap we i gat birua.

Naomi Rumbia, wanpela biknem meri husat i save go pas long wok bilong ol meri, pis na jastis, i kamapim dispela tingting, bihain tasol long ekspiens bilong em o ol samting we i bin kamap long em yet.

"Mi lukim olsem taim ol meri i go pas long kamapim ol pis toktok, planti man i save givim luksave long en.

"Ol pait lain i save olsem ol meri i wokim dispela pasin long tingting na wanbel pasin bilong ol," em i tok.

Mis Rumbia i mekim dispela tok tok bihain long em i go stap insait long wanpela pis wok insait long Bena distrik long Isten Hailans.

Ol wanpelin lain bilong Mohoveto na Ofaga i stap birua long planti taim na Naomi wantaim wanpela meri poro bilong em i bin stap insait long kamapim bel isi.

"Taim ol man i pait, bikpela bel hat i stap. Yu mas wokim ol stretpela na klia tok tok na taim mipela ol meri i go

pas, ol i save sori na lusim ol samting bilong pait," Mis Rumbia i tok.

Em i tok planti pait i kamapim we i gat kainkain gan i stap na dispela i save bagarapim laip bilong ol man meri.

Mis Rumbia i tok tu olsem, dispela askim bilong em i no daunim gutpela wok we planti ol komyuniti lida i wokim. Em i laik bai dispela ol lain i kisim sampela meri long stap insait long dispela ol pis wok.

"Mi bilip olsem, ol meri wantaim ol man i ken wok bung wantaim bipo bel isi i kamap long ol ples. Mipela i ken skelim wok. Sampela wok ol meri i ken wokim na

sampela ol man tasol i ken wokim," Mis Rumbia i tok.

Ekspiens bilong Mis Rumbia i strongim tingting olsem ol meri i gat gutpela wei long traim long kamapim ol bel isi wok na tu, long luksave long ol gutpela wei bilong kamapim bel isi.

Naomi husat i wokim wok olsem wanpela lida bilong ol meri long Unggai eria, i kamapim dispela tingting bihain tasol long em i lukim dispela wok i karim kaikai.

Pasin sore stap yet long Nipinaga



SORE I STAP YET: Bodi bilong tripela yangpela meri em lait bilong klaut i kisim laip bilong ol long Nipinaga ples long Lufa distri, Isten Hailans provins.

Sape Metta i raitim

LONG kantri bilong yumi na wol tu - bikpela pasin amamas i save kamap we ol famili i save bung, sindaun gut na selebretim krismas na niu ya.

Em pasin we i save kamap long pinis na stat bilong olgeta yia.

Dispela pasin amamas i kamap long planti ol famili.

Tasol long ol lain manmeri na pikinini long Nipinaga viles long Lufa distrik insait long Isten Hailans, ol i bin sindaun long pasin bilong sore na krai long Krismas 2005 na nupela 2006 yia.

Pasin sore ya em i stap yet nau long wanem ol i bin lusim tripela yangpela meri husat em lait bilong klaut (laitning) i bin

kisim laip bilong ol.

Tripela meri ya em Yagametato Nason husat em nupela marit, Mana Kipa husat i pinisim gret 6 na i redi long wokim gret 7 long dispela yia na Zabeth Ikoko husat em skul meri tu we em i bin redi long wokim gret 6 long dispela yia.

Mausmeri bilong Nipinaga viles komyuniti, Maryline Aovenaga i tokim Wantok Niuspepa olsem tripela meri ya wantaim arapela tripela meri na wanpela liklik mangi husat i gat 7-pela krismas i bin lusim hauslain bilong ol na wokabaut i go long gaden long ples Kemiae.

Em i tok ol i go long gaden long dikim kaukau na ol arapela kaikai long redim long sindaun na kaikai long taim bilong krismas na niu yia.

"Ol i kisim ol kaikai pinis na ol i wokabaut i go bek long hauslain bilong ol. Bipo long ol i go daun long Nipinaga hauslain, ol i bin kam long wanpela liklik maunten klostu tasol long hauslain we ol i rausim ol kaikai bilum bilong ol na sindaun malolo na kisim win.

"Taim ol i malolo i stap, lait bilong klaut i kam daun na kisim laip bilong dispela tripela meri. Na ol arapela tripela meri na yangpela em ol mangi i kisim sok tasol," Misis Aovenaga i tok.

Em i tok kain samting o birua olsem i no save kamap long ol hauslain na distrik bilong ol. Em i wanpela kain samting we i kamap long taim we ol i no save long en.

Misis Aovenaga i tok pasin sore i stap yet long Nipinaga viles bihain long ol i putim

bodi bilong dispela tripela meri i go daun long matmat klostu yet long hauslain bilong ol.

Em i tok dispela birua i kamap olsem netserel disasta, na taim ol i kamap long Netserel Disasta opis long Goroka long kisim sampela halivim, opis ya i no luksave long dispela hevi.

"Dispela opis i sapos long fukluk na givim liklik halivim long kain hevi olsem, tasol ol i no halivim mipela na mipela i no amamas long ol," Misis Aovenaga i tok.

Na em i tok amamas long sapot em lokol memba Yawa Silupa na Jackson Korave na Albert Fuvure husat i bin go pas long stretim funerel program long kisim bodi bilong dispela tripela meri i go bek long ples matmat long Nipinaga.



STRONGIM BEL ISI: Ol meri i sindaun long pis o bel isi woksop long strongim bel isi na wanbel pasin insait long komyuniti.

Why Do More People Buy

TOYOTA HILUX

You Get More than Just a Ute...

Stock available for immediate delivery Call in and see us Now!

- ✓ Top Selling vehicle in PNG
- ✓ More Power ✓ More Space
- ✓ More Style ✓ Competitively Priced
- ✓ More added Safety features
- ✓ Fully supported by Toyota Genuine Parts & Quality Service Nationwide

Ela Motors

15 BRANCHES NATIONWIDE



PORT MORESBY PH 3229400 • LAE 4781800 • KOKOPO 9829100 • MADANG 8522188 • GOROKA 7321844 • MT. HAGEN 5421888 • WEWAK 8562255 • KAVIENG 9842788 • KIJABE 9835155 • TABUBIL 5489060 • VANIMO 8571254 • PORGERA 5479367 • BUKA 9739915 • LIMIR 9864099 • ALOTAU 5410100

Sentrel provins gavman helpim Maopa sios

Matrom John i raitim

MAOPA Seven De Sios (SDA) long Sentrel provins i ken stretim haus lotu bilong nau wantaim helpim bilong provinsel gavman bilong ol.

Sentrel Provins gavman long las wik i givim wanpela sek bilong K35, 000 i go long ol bikman bilong sios long Konedobu long Pot Mosbi long kamapim dispela wok.

Gavana Alphonse Moroi i tok taim em i givim sek i go long bikman bilong Sios, Thoa Lagani olsem dispela mani i kam long Provinsel Sapot Gren (PSG).

Dispela mani em bilong stretim SDA sios na tu long pinisim wok long haus bilong pasto.

Mista Moroi i tok em i bin tokim Minista bilong Laens o graun, Dokta Puka Temu narapela wik bipo taim ol i go long Maopa long opim haus bilong Pasto olsem em bai helpim long stretim sios na nau em i bihainim tok bilong em.

Em i tok long bung bilong ol long Maopa, Dokta Temu i tok long putim K5 000 na Provinsel Gavman tu i tok long putim narapela K5, 000 tasol nau yet baset bilong 2006 i no redi bilong wanem ol i no givim sapot bilong ol i go long minista husat i lukautim baset.

Mista Moroi i tok: "Long dispela as mi kisim dispela mani long PSG mani bilong mi."

"Wanpela samting yumi i mas i tingim em olsem ol sios i mekim planti bikpela wok long sait bilong edukesen na helt na tu long wok bilong ol long spirit."

Em i tok sios i helpim tu long daunim ol hevi bilong to na oda we i lukim planti ol yut na yangpela i tanim i go long wok bilong sios.

"Sios i lukluk tu long ol hevi bilong ol na i helpim planti bilong ol," em i tok.

"SDA sios i gat wanpela program ol i kolim komyuniti sevis we i save lukim ol meri na ol narapela memba bilong sios i go aut long komyuniti na helpim wantaim ol liklik wok.

Bikpela namba bilong HIV/AIDS long NCD

Andrew Molen i raitim

NESENEL Kapitil distrik (NCD) i gat bikpela namba bilong ol lain i gat sik HIV/AIDS insait long Papua Niugini.

Namel long mun Januari na Jun long 2005 Nesenel AIDS Kaunsel i rekotim olsem 69% bilong ol lain i gat sik HIV/AIDS insait long PNG i stap long NCD.

Bihain long NCD em Westen Hailens provins (WHP) wantaim 8%, Morobe 7%, Enga 5% na Isten Hailen provins (EHP) wantaim 3%.

Ol narapela provins i stap long 2% o aninit.

Sinia medikel etvaisa bilong Nesenel AIDS Kaunsel Seketeriet (NACS), Dokta Joachim Pantumari i tok long PNG planti ol lain i gat dispela sik nogut em krismas bilong ol i stap namel long 15 na 45.

"Plantu bilong ol lain i gat sik namel long krismas bilong 15 na 29 em ol meri," Dokta Pantumari i tok.



AWENES: Nesenel AIDS kaunsel i wok hat long traim na skulim ol manmeri long sik HIV/AIDS na sampela bilong dispela ol rot em ol ekt o liklik pilai we i gat skul bilong en.

Em i tok long rot we planti i save kisim dispela sik em taim man na meri i slip wantaim planti ol narapela man na meri we i karamapim 96% na narapela em long mama i go long bebi taim em i karim na i givim susu long em tasol dispela em i liklik

namba tasol wantaim 4%.

PNG i ripotim namba wan HIV/AIDS sikman long 1987 na long dispela taim inap nau, namba i wok long go olsem 150 i go long 300 manmeri insait long wanpela hap bilong yia.

"Long pinis bilong

mun Jun long 2005, i bin i gat olsem 12, 000 manmeri wantaim HIV/AIDS, man na meri wantaim i wankain, wanwan i kisim sik," Dr Pantumari i tok.

Dispela i mekim PNG i go pas long namba bilong ol lain i gat dispela sik insait long

Pasifik rijen wantaim 80% bilong ol lain i gat sik.

"Kantri bilong yumi em i liklik wantaim 5.2 milien manmeri we ol wok manmeri i save kisim liklik mani.

"Em i gat bikpela namba bilong ol mama na pikinini i dai na insait long Pasifik rijen em i save liklik mani long helt namel long ol narapela kantri long rijen.

"PNG nau i gat bikpela wok long traim na lukautim ol yangpela manmeri long kisim HIV na dai long AIDS ol i no harim tok na lukautim ol yet gut," Dokta Pantumari i tok.

Long Asia-Pasifik rijen, PNG i stap namba 4 bihain long Thailand, Cambodia na Myanar.

20-pela yia bihain long ol i painim sik AIDS long wol, moa long 42 milien manmeri i gat sik HIV na AIDS we 5 milien em ol nupela lain i kisim, 3.1 milien i dai long en na 18 milien long ol lain i kisim insait long wol em ol meri.

"PNG nau i gat wanpela bikpela sik we inapim olgeta hap pinis na sapos i nogat wanpela gupela wok i kamap, HIV/AIDS bai bagarapim planti manmeri moa na ikonomi tu bai kisim taim," Dr Pantumari i tok.

Em i tok i gat bilip olsem long 2010, namba bilong ol lain i kisim sik AIDS bai i go antap 18% we moa long 50 000 bikpela manmeri bai nap dai.

Long 2020 bai dispela namba bilong ol bikpela manmeri dai i go antap long 98, 000 na namba bilong ol lain i gat krismas long mak bilong wok bai go daun 13% na namba bilong ol lain i stap long wok i go daun 34%.

Dokta Pantumari i singaut long ol manmeri long lukautim ol yet na harim tok bilong NAC long bihainim ol tok ol i mekim long strongim yu yet, stap wantaim wanpela husat i stap wantaim yu tasol o yusim kondom sapos yu i laik raun.

"HIV/AIDS i nogat marasin bilong em, dispela ol entretrovairal drak mipela i save givim long ol sik lain i no save pinisim sik bilong ol, em i save helpim na strongim ol tasol long i stap long taim liklik moa," em i tok.

Pasin bilong ol pablik sevan i mas senis

... Sentrel etministresen sapotim helt

Veronica Hatutasi i raitim

SENTREL Provins Etnimistreta Raphael Yibmaramba i tok helt em wanpela bikpela eria we gavman bilong em i wok long em aninit long 4-pela bikpela pilai o eria.

Tasol long wankain taim tu, em i tok pasin bilong ol pablik sevan long wok long ol rurel eria i kamapim hevi long wei helt sevis i go long ol ples pipel.

Em i bin tok tenkyu long ol yangpela bilong wokim dispela helt voluntia kos na kisim helt semis i go long haus dua bilong ol longwe ples insait long ol rurel eria.

Mista Yibmaramba i bin wokim dispela toktok long lons bilong Viles Helt

Voluntia Program (VHVP) long Boregaina.

"Helt em i bikpela wari long PNG. Stat yet long 1975, wok long kisim helt sevis i go long ol komyuniti i kamap hat bikos long pasin bilong ol pablik sevan. Ol i laikim alauwens bipo ol i go long ol rurel eria," Mista Yibmaramba i tok.

Em i tok bihainim Yunaitet Nesens Dvelopmen Program (UNDP) ripot long helt insait long kantri (PNG) i no gupela, em i singaut kisim sevis i go long ol pipel na helt piksa long kantri i ken kamap gut.

Em i tok long Sentrel Provins, Gavman bilong Gavana Moroi i wok aninit long 4-pela eria long traim kamapim gut helt long

provins. Em long helt, edukesen na agrikalsá program we etministresen bilong em i sapotim.

Em i tok ol Agrikalsá opisa bilong em i kisim stia long wok long ol program we bai givim gupela helt sevis antap long nomol helt program i go het.

Givim banis sut, seif madahut na daunim sik malaria em ol arapela program we gavman na etministresen bilong em i wok long em long kamapim gupela helt na apim level bilong helt insait long ol komyuniti, provins na kantri.

Em i tok VHVP bai kam aninit long baset na program na baset bilong dispela yia bai katim mani long sapotim na i ken kisim sevis i go long ol pipel.



PASIN MAS SENIS: Etnimistreta Raphael Yibmaramba (sanap long lephan wantaim wilwil) i tok strong olsem ol pablik sevan i mas senisim wok pasin bilong ol.

Raun lukim ol meri na pikinini



HELPIM PROGEM: Ol kain pikinini olsem we Viles Helt Volantia Progrem bai helpim long ples Boregaina.



HELPIM WOKABAUT: Wanpela long ol Viles Helt Volantia meri sumatin i kisim wilwil long Sentrel Provins Gavana Alphonse Moroi. 19 yangpela volantia olgeta long Boregaina i bin kisim ol wilwil long helpim ol i karimaut wok long ol rurel komyuniti.

Yali kalabus 12-pela krismas

...FSVAC amamas

FAMILI Seksuel Vailens Eksen Komiti (FSVAC) i autim tok amamas long kot i salim Raikos memba na Madang Gavana James Yali i go long kalabus long 12-pela krismas long asua bilong reipim o bagarapim liklik tambu bilong em long 2004.



JAMES YALI: Bai kalabus long 12-pela yia.

Progrem Kodineta bilong FSVAC, Ume Wainetti i tok ogenais-esen ya we i save sanap strong long sapotim rait bilong ol meri na pikinini i tok amamas long Jastis David Cannings long disisen bilong em long givim 12 krismas kalabus long bagarapim meri.

Reip i no hap long kalsa bilong yumi long PNG. PNG kalsa i lukim man olsem lukaut na wasman bilong ol meri na pikinini na yumi mas luksave long dispela na sanap strong long em.

"Dispela disisen i mas autim toktok long olgeta hap bilong kantri olsem ol pipel i les pinis long dispela pasin bilong bagarapim meri. Reipim ol yangpela meri na ol pikinini i egensim pasin we ol trupela manmeri i gat na komyuniti i mas sanap na egensim dispela pasin i nogut tru.

"Kalabusim bikipela man olsem Mista Yali i mas soim pablik nogat man i stap antap long lo. Maski yu bikipela lida long komyuniti, dispela i no min olsem lo i abrusim yu. Lo i bilong olgeta manmeri, maski bikipela o liklik man," Mis Wainetti i tok.

FSVAC i strong

olsem sapos moa pipel i ripotim dispela pasin i kamap na moa yet, taim ol bikman long komyuniti we pipel i givim bikipela luksave long ol i wokim.

Wok bilong FSVAC em long lukluk long ol rot bilong etresim ol wari na hevi i kamap insait long famili na seksuel vailens o pasin bilong wokim pasin nogut long ol meri na pikinini. Ol bin kirapim FSVAC long yia 2000 long bungim wantaim ol grup husat i save strongim wok long famili na seksuel vailens insait long kantri na ol i ken wok bung wantaim long etresim.

FSVAC i autim tok amamas long han bilong FSVAC long Madang long go pas long wok bilong helpim yangpela tambu meri we Mista Yali i wokim reip pasin na putim ripot i go long polis na nau kot i wokim disisen bilong em.

Mis Wainetti i tok "Laip i fri long vailens em i rait bilong yumi".

Planti pait pasin i save kamap long haus

Noreen Dada i raitim

KLOSTU olgeta kes long pait pasin i save kamap insait long ol haus.

Konsaltiv Implimentesen na Monitoring Kaunsel (CIMC) aninit long Famili na Seksuel Vailens Eksen Komiti (FSVAC) i wokim wanpela wok painimaut insait long Nesenel Kapitel Distrik (NCD) na painim olsem planti bilong ol lain husat i save bungim asua i ol meri namel long 26 na 35-pela krismas.

CIMC-FSVAC i yusim olgeta Famili Seksuel Vailens (FSV) ejensi insait long NCD we i lukluk long krismas, jenda na edukesen level bilong ol man husat i bungim asua na man husat i mekim ol asua. Ol i bin autim dispela wok painimaut bilong ol long Fraide long wik i go pas.

Wok painimaut i soim olsem ol lain husat i save mekim asua i ol man husat i abrusim 36 krismas na ol i man husat i kisim skul long praimer na hai skul tasol. Planti bilong meri na pikinini i save karim hevi bilong vailens we i save kamap long haus.

63% long ol lain husat i bungim asua i ol marit meri we 99.9% long ol pait pasin i save kamap long haus yet na planti bilong ol mak bilong ol man husat i bungim asua i save kamap long het.

Wok painimaut tu i painim olsem 13.9% long ol kes we i bin ripot i ol meri husat i no marit yet na 63.3% long ol kes i ol yanpela marit meri.

Asal o asua we i kamap long skin bilong man i bikipela tru we fisikel asal (bagrap long skin) i bikipela na bihainim dispela i ol seksuel asal. Ol asal we i no fisikel olsem singautim ol kain nem na tok pilai long ol man i bikipela tu.

Wok long kisim moa infomesen bai go het na bai lukim ol narapela provins na distrik i wokim wan kain wok painimaut long hap bilong ol long 2006.

CIMC-FSVAC i tok tenkyu long olgeta ejensi husat i helpim long bungim na mekim dispela wok painimaut.

Lo bilong Lukautim ol Meri



Moa long toktok bilong Mentenes

Sekim gut samons sapos ol toktok na ol askim bilong yu i stret tasol.

Samons tu i tok long wanem de na taim bai yu na man bilong yu i go long kot. Kot i save kamap 2-pela o 3-pela wik behain long de yu mekim komplein. Wanpela man bilong haus kot inap taipim samons. Namba wan samons ol i kolim orijine! bai ol i givim long yu, wantaim narapela ol i kolim kopi samons.

Yu yet o wanpela pren o wantok i mas givim dispela kopi samons long man bilong yu bipo long tripela de bipo de kot i makim long samons. Husat man o meri i givim kopi samons long man, dispela seim man o meri i mas kisim orijinel samons pepa i go bek long haus kot na sainim pruf ov sevis long beksait long samons, long ai bilong klak o mejistret. Ol plis inap tu long givim samons long man, tasol yu mas baim ol long K10 pastaim. Yu noken wari sapos man bilong yu i brukim samons pepa, yu mas go bek kwik long klak bilong kot na toksave long em.

Go long kot long de ol i raitim long samons. Go bipo long taim. Sapos ol i singautim nem bilong yu na ol i no lukim yu, mejistret bai inap rausim kot bilong yu. Long dispela taim, yu noken wari long bringim ol witnes bilong yu wantaim.

Mejistret bai askim man bilong yu sapos dispela stori bilong yu i tru o nogat. Sapos man i tok yes i tru, mejistret i ken mekim oda wan tu. Sapos man i tok nogat, i no tru, mejistret bai makim narapela de long harim kot, inap olsem 2-pela wik bihain, bai yutupela kam bek na givim ol stori bilong yutupela. Yu ken askim kot long givim yu interim oda, long givim yu inap moni long lukautim yu inap taim bilong kot i kamap.

Sotpela tok Lukaut: Skruim toktok long AIDS

Malolo na Stap isi

BODI i laikim moa malolo.

Traim long slip long 8-pela awa olgeta nait. Malolo long ol wiken na taim skin bilong yu i tait.

Em i gutpela long rileks o stap isi. Yu ken harim musik, ritim niuspepa, o buk, o Baibel o ol narapela buk yu laikim.

Yu ken stap isi wantaim ol lain yu laikim. Yu ken stap isi wantaim ol pikinini bilong yu.

Moa long neks wik.



Samon Pis Sis (Salmon Cheese)

Yu mas i Gat:

220 tin Pink samon pis mit (o yu ken yusim wanpela tin samon pis na wanpela tin kuka it) 60 grem bata

100 grem Krim sis

1-pela lemon yu sikirapim skin na juis o wara bilong em

1-pela liklik anien yu gretim o sikirapim

1-pela tebolspun Sawa krim

We long Wokim na Kukim:

1-Drenim samon pis mit na rausim ol skin na bun Dreim tu kuka mit.

2-Krimim bata na sis long wanpela boul o kon tena inap em i go nais na smut.

3- Putim lemon juis na skin yu gretim na sawa krim i go insait.

4-Tanim wantaim samon.

5-Pulumapim kontena wantaim samon miks na tarim i stap long bokis ais long nait.

6- Putim long kontena, skelim na sevim wan taim ol kreka bisket na tous o bret ol i bonim long paia.

STORI TASOL



wantaim

FR. PAUL LIWUN, SVD

Taim bilong mi em i tude

SAPOS yumi go long wanpela bung o pati na taim bilong statim bung i no kamap stret long taim bilong em, yumi save harim ol man i tok: "Em i PNG taim". Long dispela tok, mi bin yusim na mekim planti toktok long pipel bilong mi long Erima, olsem mi bai mekim lotu o narapela ektiviti bihainim wokpien stret. Mi no laik bihainim PNG taim. Bikos, i nogat wanpela stua long PNG na long olgeta hap bilong graun i salim wanpela kilok bilong PNG TAIM.

Eitpela yia i go pinis nau mi stap na wok long Erima peris insait long NCD. Mi save statim olgeta samting bihainim taim stret. Long dispela 8-pela yia, wanpela taim tasol mi no bin bihainim gut taim mi makim pinis long en. Em i bin kamap long Krismas nait long las yia, 2005. Progrem i tok lotu bai kamap long siks kilok apinun, tasol mi pulim taim i go inap long 7-kilok bikos ol pikinini i danis long stat bilong lotu i yusim kendel lait. Statim 6 kilok, em i bikpela lait tumas yet, olsem na mi pulim inap long seven kilok taim tudak i kamap pinis. Mi pilim sem stret long taim mi statim lotu bilong Krismas, bikos planti manmeri i bin kamap long lotu bipo long six kilok long apinun na weit i stap.

Stori tasol bilong mi tude em i bilong glasim TAIM bilong yumi olgeta de. Planti bilong yumi i bin yusim gut taim bilong yumi gut olgeta de long mekim sampela gutpela wok. Tasol i gat planti bilong yumi tu i bin westim taim bilong yumi nating nating long olgeta de na i no mekim sampela gutpela samting bilong helpim yumi yet na helpim ol arapela.

Mi prea na hop bai liklik glasim bilong tude i ken givim sampela gutpela tingting long yu long tingim gut na yusim gut taim bilong yu long olgeta de. Olgeta de na olgeta taim God i bin blesim na givim yumi. Olsem na tingim gut na yusim gut long laip bilong yu.

Tude em TAIM bilong mi em. Mi bai statim de bilong mi wantaim tok tenkyu na smail, i no wokim komplek. Bai mi yusim gut olgeta sekon, minit na awa bilong tude, bikos mi bai no inap long kisim bek wanpela sekon bilong tude.

Mi bai i no westim taim bilong tude olsem sampela taim bilong bipo mi no bin yusim gut long en, o mi bin westim nating, sampela taim bilong mi bipo.

Mi no laik pulapim de bilong mi tude wantaim wari na tingting planti long wanem samting bai kamap tumora. Bai mi yusim gut tru taim bilong mi long wokim kamap samting mi bin driman long en.

Tude, mi bai lainim gen long senisim mi yet.

Mi bai yusim taim bilong tude long MEKIM WOK. Mi mas lusim tingting na driman i save stap insait long mi olsem: "Mi bai inap wokim wanpela samting sapos situesen i senis". Sapos situesen i no senis na i stap olsem tasol, wantaim BLESIM bilong God, mi bilip, mi bai mekim gut wok bilong mi yusim save na pawa insait long mi.

Tude, mi mas stop long tokim mi yet olsem: "MI NOGAT TAIM". Bikos mi save gut tru olsem mi nogat taim long mekim samting. Sapos mi laik bai TAIM em i bilong mi, mi mas yusim gut.

Tude, bai mi yusim taim bilong mi olsem em i las de bilong laip bilong mi bai kamap nau. Bai mi yusim na wokim samting i namba wan tru. Mi no laik lusim em inap long tumora. Bikos mi no save klia, bai i gat tumora bilong mi o nogat?

God i givim de bilong tude long mi. Olsem na mi mas yusim gut taim bilong tude long mekim kamap gutpela nem bilong em.

Las taim olsem het bisop

Bustin Anzu i raitim

....Karimaut gut wok

"BIKPELA tingting bilong mi em long wok gut tru insait long taim ol i makim na mi no save pret na wari long kisim tok baksait, ol hatpela toktok na bel isi long ol dispela.

"Mi save soim gutpela pasin bilong daunim na toktok wantaim na i no long soim bel hevi na kros long luksave long ol hevi o toktok wantaim ol narapela." Reveren Dokta Wesley Kigasung husat i kisim bek sia olsem het bisop bilong

Evanjelikel Luteran Sios long PNG long namba tri taim i tok. Em i tok wok bilong em i gat bikpela salens na sem taim, em i save painim amamas.

"Em i no isi, mi save kisim planti salens long planti wok tasol mi save pulap long amamas long mekim long sevim ol wokman meri bilong God. Mi save amamas long lukim planti man meri wantaim kain kain bek graun; wokabout bilong ol, laipstail na

bilong narapela kantri.

"Yu lukim na eksperiens wok bilong God taim yu lukim pes bilong ol kain kain man meri insait long sios," Dokta Kigasung i tok. Dispela em las taim bilong Dr Kigasung olsem het bisop bilong ELC/PNG. Ol het bisop i save stap 4-pela yias tasol insait long tripela tem. Bungim olgeta, Kigasung bai stap 12-pela yias olgeta olsem het bisop - kisim pasin bilong ol narapela brata het bisop olsem

Reveren Dokta John Kuder, Sir Zurewe Zurenuoc na Sir Getage Gam.

"Mi gat bilip na prea olsem God bai lukautim mi na givim mi strong na lukautim mi long holim dispela wok long narapela 4-pela yias gen olsem het bisop bilong ELC/PNG," em i tok.

Planti manmeri insait long kantri i save soim rispek long em olsem wanpela saveman bilong sios na wanpela gutpela man bilong telemautim Gutnius bilong God.

"Mi bilip dispela em wanpela spesel presen long God," em i toktok long wei bilong em long autim tok.

"Taim mi stap long skul bipo, mi gat pasin bilong lid na toktok long fran bilong ol wanskul bilong mi. Long ol dispela yia i kam, mi save salensim mi yet long sevim na helpim ol narapela gut.

"Mi save laik long ritim planti buk long lidasip na ol narapela buk bilong pasin bilong toktok wantaim ol narapela na wok bung wantaim ol.

Dokta Kigasung autim plen bilong em

Bustin Anzu i raitim

HET bisop bilong Evanjelikel Luteran Sios bilong Papua Niugini (ELC/PNG) Dokta Wesley Kigasung i tok hevi bilong mani insait long sios em wanpela bikpela samting we em bai lukluk long em na stretim.

Bikpela as tingting bilong em long painim rot bilong wokim mani gen long sios. Em wanpela bilong ol bikpela samting em i lukluk insait long plen bilong em long narapela 4-pela yia olsem het bisop bilong sios.

"Wanpela bikpela wok nau long mekim em long ron bilong mani insait long sios. Wantaim nupela mani bot bilong sios, bai gat nupela rot bilong pulim mani bilong sios. Tasol ol Kristen bilip man meri bilong sios i mas wok bung wantaim ol bot memba long kamapim gutpela na strong wok bilong mani bilong sios," em i tok.

Em i tok tu olsem sios i mas go bek long wok bilong luksave long wok tru bilong sios long telemautim tok bilong God na long kamapim moa toktok namel insait long sios na ol narapela sios.

"Mi amamas tru long sapot mi kisim long ol Kristen bilip man meri bilong dispela sios long makim mi olsem het bisop long narapela 4-pela yia. Dispela vot bilong ol pipel i givim wanpela strongpela salens long mi mas go pas long ol na sevim ol insait long sios wantaim planti salens i kamap tude," em i tok.

Em i tok em yet bai givim taim bilong em long luksave long tru rot bilong wok misin long autim tok bilong God na strongim ol wokman meri long lukluk long dispela rot na sapotim ol long

mekim wok bilong God na sios long planti ol narapela rot. Sios i kisim strongpela salens long mekim wok namel long ol dispela nupela karismatik grup insait long sios wantaim ol wok bilong ol.

"I gat nid tu long toktok i go i kam long ol dispela karismatik grup insait long sios insait long kantri na painim gutpela rot long pinisim ol dispela hevi na kamap wantaim wanpela tingting," Bisop i tok.



HET BISOP: Bilip bilong God bai lukautim em long las taim bilong em olsem het bisop, Dokta Kigasung i sanap wantaim wanpela bikman bilong sios.

FACTFILE

Nem: Reveren Dokta Wesley Kigasung
Krismas: 56 krismas
Asples: Aluki Viles, Bukawa, Morobe provins
Marit: Marit na gat tripela pikinini na tupela bubu
Holim Hetbisop wok: 12 kris mas nau

Skul: Asaroka Luteran Hai skul, Martin Luta, Yunivesiti ol PNG, Jemeni na America long skul Tilolji. Em i gat Digri na Mastas long Tilolji.
Wok: Wok pasto long Kerema na Is Nu Briten provins. Tisa long Martin Luta semineri na het bisop long 12-pela yia nau.

Ol Pasto i no bihainim gut rot

Bustin Anzu i raitim

NESENEL Pasto Konferens i no bihainim gut ol lo bilong sios wantaim mama lo bilong sios na dispela i ken kamapim sampela hevi wantaim ol sios memba.

Pasin bilong skelim o tilim ol Pasto insait long ol distrik na seket i kamapim pinis birua na opis bilong bisop bai lukluk long dispela hevi stat long dispela yia. Tasol wanpela ripot i mas go long opis bilong ol bisop kaunsel wantaim sios kaunsel na ol i ken lukluk long dispela hevi insait long 2006.

Het Bisop bilong Evanjelikel Luteran Sios bilong PNG, Reveren Dokta Wesley Kigasung i mekim dispela toktok long wanpela ripot bilong em long 25 yia Silva Jubilee Sinot long Wasu, Finsafen, Morobe Provins long las wik.

"Wok bilong pasto em wanpela bikpela samting we mipela i painim wanpela bikpela hevi na dispela em wanpela bikpela wari long opis bilong Bisop. Na bel hevi bilong ol pasto bai opis bilong bisop i luksave long dispela na tu hevi bilong ol em bai ol bisop kaunsel wantaim sios kaunsel bai lukluk long dispela problem.

"Hevi bilong ol pasto em ol i mas lukluk long distrik level. I no bilong witesim toktok bilong God tasol dispela em bilong lukautim ol yet tu," em i tokim sinot.

Bisop tu i bin tok long dispela taim olsem ol leiman bilong sios tu i lusim tingting long wok lidasip bilong ol na i gat planti toktok nau i stap yet.

Helpim sios wantaim mani

Bustin Anzu i raitim

OL memba bilong Evanjelikel Luteran Sios insait long Papua Niugini mas helpim long mekim wok na ino long lukluk long ol bisnis han bilong sios tasol.

Ol mas givim mani olsem ofa i go long God long strongim na mekim wok bilong sios.

Siaman bilong sios Fainens bot Jonathan Soten i bin toktok long 25 Silva Jubili Sinot olsem ol i mas givim mani wantaim gupela tingting long skruim wok misin moa na tu long strongim wok bilong ol pasto insait long sios.

"Yumi no ken wet long sios i helpim yumi long ol wok bilong yumi tasol. Yumi yet mas givim han long wok bilong sios. Planti taim yumi save tok sios bai wokim samting na yumi i no save helpim. Dispela pasin em yumi oi Kristen bilip manmeri



TAIM BILONG SIMBU: Ol deleget bilong Simbu i amamas long harim olsem namba ol bai lukautim namba 26 sinot neks yia.

i mas lusim. "Tasol yumi mas lukluk long au bai mipela helpim sios bilong mipela long skruim wok i go moa yet," em i mekim dispela toktok bihain long prisenim wanpela pepa, ol i kolim yet long WASU Akot (accord) long Silva jubili

Sinot long Wasu, insait long Morobe Provins. Em i tok insait long dispela Akot, tok i stap olsem ol Kristen husat i wokman na wokmeri i mas putim mani i go long wok bilong sios. Dispela rot em long rausim mani long ol potnait o long olgeta mun i

go long wok bilong sios. Mipela i save givim planti ol takis i go long gavman. Na dispela ol takis em gavman i save lukluk long ol skul na haus sik. Ol tu igat ol dispela sevis tasol ol ino save lukim. "Mipela ol wokman meri i save peim takis

long olgeta potnait o long olgeta mun i go long gavman. Na wankain tu sapos mipela i givim olsem i go long sios, bai mipela yet i helpim wok bilong sios i go.

"Sapos mipela i mekim wankain, dispela mani em bai lukautim ol wok misin na tu ol sevis i stap olsem long lukautim na ronim wok bilong ol skul na haus sik," em i tok.

Insait long dispela Akot yumi kolim yet long WASU, em i olsem mipela sanap strong (We Are Standing United), em i toktok tu long bisnis han bilong sios long i mas luksave long wok bilong sios na givim han long helpim long ol ples i gat nod o laic long em.

Na tu long daunim namba bilong wokman meri wantaim gupela luksave bilong ol long faim bilong pinis. Nau yet, kampani i lusim bikipela mani long peim ol wokman meri.

Wok bung i mas stap

Bustin Anzu i raitim

HET bisop bilong Gutnius Luteran Sios (GLC) Reveren David Piso i singaut long olgeta Luteran bilip manmeri i mas wok bung wantaim insait long Papua Niu Gini.

Em i tok ol Songang bilong Gutnius Luteran Sios na sista sios, Evanjelikel Luteran Sios bilong Papua Niu Gini (ELC/PNG) mas kam bung wantaim na strongim wok bilong ol narapela long bihainim. "Mipela i gat sampela hevi long sios bilong mipela yet tasol mipela ken kam bung wantaim na stat wok gen. Mipela i lukim planti senis insait long sios na tu long kantri na mipela i gat bikipela luksave na traipela han mak bilong mipela em i stap.

"Olsem na mipela mas wok bung wantaim na mekim wok moa insait long sios na long developmen bilong kantri wantaim," em i mekim dispela toktok long Wasu, insait long Morobe Provins long 25 Silva Jubili

Sinot bilong ELC/PNG.

Bisop Piso, husat i go long sinot wantaim tupela namba tu bilong em, Reveren Nick Ayane na Victory Maso bilong GLC i go long dispela sinot i tok tupela sios wantaim mas gat join Luteran sios kaunsel miting long olgeta taim.

"Mipela mas gat dispela bung na toktok long sait bilong sios na kamapim wanpela gupela luksave long rot bilong lukautim sios na ol skul bilong sios," em i tok.

Em tu i tingting olsem tupela sios (GLC na ELC/PNG) i mas luklu kman bilong sios olsem ol pasto na evanjelis mas wok strong moa yet long tele-mautim Gutnius bilong bikipela na ino lukluk oltaim long opis bilong ol Songang na wet planti. Ol i gat bikipela wok long mekim na dispela em long autim Gutnius bilong Jisas Krai.

Bisop i tok em i amamas long kam stap long dispela bung bilong ELC/PNG long Wasu, asples bilong Luteran sios.



MAKIM PNG: Sief Seketeri bilong sios, Kenel James Kondon i tok gut-bai long Kenel Kalai bipo em i kisim balus bilong go long Inglan.

GLASIM TOK wantaim



BISOP PETER FOX

Bildim Kristen Haus

WOKABAUT i go bek long haus bihain long Lotu, Eliza i wok long kra. Em i no amamas. Papamama bilong em i no inap tingim wanem samting i rong wantaim em.

"Yu kra long wanem," mama askim em. "Brata bilong yu i bin kisim baptais tude. Dispela i ken mekim yu i amamas."

"Yes, mi save. Liklik brata bilong mi i kisim baptismo. Olsem na mi kra., Eliza i tok.

"Wanem mining bilong dispela", mama i askim "Yu no harim pater i tok wanem? Em i tok em i laikim olgeta pikinini i pikinini groap long Kristen haus. Mi laik stap wantaim yu na papa!"

Bildim Kristen haus i no isi. Dispela liklik meri i bin laki tasol em i no bin save bikos em i gat papamama husat i laikim em na lukautim liklik brata bilong em na em yet na ol i save toktok wantaim em long hevi bilong em. Em i no inap long painim wanpela Kristen haus bikos em i stap pinis long wanpela.

Kristen hom o haus em haus we ol pikinini i gat luksave long papamama na ol i no pret long ol. Na we papamama i no pait na nogat pikinini i kisim birua.

Kristen hom em ples we ol pikinini i lainim gupela we long stap, traim bihainim we bilong Jisas na long luksave long ol arapela manmeri.

Kristen hom em ples we papamama i no save brukim promis na ol i no giamanim wanpela narapela na ol pikinini bilong ol.

Kristen hom em ples we famili i save ritim Baibel na pre na toktok gut wantaim wanpela narapela, ol i gat gupela luksave na we God i poroman ol i save toktok long em.

Kristen hom em i ples we pasin bilong pogivim wanpela narapela i save kamap, we pipel i save tok sori long wanpela arapela long ol rong ol i mekim na traim long stretim ol samting na we laik pasin i save stap.

Yumi i mas bildim Kristen hom olgeta de long gupela faundesen o as long sanap na gro long sanap strong long taim bilong hevi. Sapos i gat sampela hevi long rilensensip o stap na sindaun insait long famili, hariap na stretim bipo samting i go nogut. Em i no isi long bildim Kristen hom, tasol Jisas em kapenta na em bai soim rot bilong bihainim na mekim.



YUMI NO KEN GIVIM BAKSAIT LONG PIKININI BILONG GOD

Harim. Sapos yumi kisim save long tok tru bilong Krai, na bihain, long laik bilong yumi yet yumi wokabaut long pasin bilong sin, orait i nogat narapela ofa moa i stap bilong tekewe dispela sin. Nogat. Bai yumi pret nogut tru na wetim de bilong bikipela kot na dispela paia i hat tumas na i redi pinis long kukim ol birua bilong God. Yumi save, sapos wanpela wan i kalapim lo bilong Moses, na tupela o tripela man i lukim na ol i autim tok long rong em i mekim, orait ol i no ken sori long dispela man. Nogat. Ol i mas kilim em i dai. Orait yupela i ting wanem long man i givim baksait long Pikinini Bilong God? Dispela man bai i kisim bikipela hevi moa yet. Blut bilong Krai i strongim nupela kontrak, em i bin mekim dispela man i kamap man bilong God stret na em i stap holi. Tasol nau dispela man i mekim dispela blut em i samting nating. Na em i mekim pasin nogut tru long Spirit bilong marimari.

HIBRU 10:26-29

TOK LUKAUT

wantaim

DAVID EPHRAIM



Skulim pipel long ol rait bilong ol

POLIS i brukim Human Raits lo long bagarapim pipel; planti ol wanpisin pait i lukim olsem long 30 manmeri i save dai olgeta taim. Planti polis i save amamas long paitim pipel nating, sutim dai man nating.

Insait long kantri planti komplek i save kamap long pipel na gavman yusim long gan long kilim na bagarapim narapela;

Long Provinsel local Gavman i gat planti pasin korapsen na kros long posisen em i bikipela tru.

Long dispela taim mi laik bringim wanpela bikipela isu tru bihainim las wik toktok. Insait long Konstitusen o Mama Lo, i gat as tingting em long strongim pipel we bai ol i ken mekim kamap gupela sosaiti.

Tasol planti taim dispela em i no kamap. Yumi harim Gavman i sot long mani, nogat inap save manmeri, em ol kain liklik eksklusius we ol i save wokim olgeta taim.

Insait long kalabus yet planti ol yangpela i stap insait i save kisim bikipela bagarap long hap bilong Woda.

Olsem demokratik kantri yumi mas traim long mekim lo bilong kantri i karim kaikai long rot we Konstitusen i tok aut long en.

Nau yet planti manmeri i stap insait long kantri i no save long rait bilong olsem tru tru Papua Niugini.

Mi bilip long kamapim gupela luksave insait long kantri we kainkain pasin olsem i mas stop na em long kamapim ol gupela rot olsem mekim planti skul long lainim ol manmeri long rait na lo bilong kantri. Dispela em gavman i ken yusim ol lain lo sumatin long wokim.

Narapela rot we long ol sios long kamaut long pasin doktrin o bilip bilong ol long sios bilong ol tasol na traim mekim sampela rot long soim gupela stia toktok na rot we ol manmeri i ken lainim.

Yumi lukim planti dai i kamap long hap bilong polis tasol Gavman no save mekim save gut long ol. Na tu insait long kalabus populesen em i winim mak we ol rum gat i ken i gat.

Gavman ino luksave gut long welfea bilong ol kalabus; sapos Gavman i tingting long stopim pasin raskol orait em mas go het long traim strem ol haus kalabus na kamapim ol gupela pasin bilong tenis program.

Yumi kamap pinis long mak bilong 30 yia kris-mas na go insait long narapela yia nau. Bai yumi stap olsem gut taim o nogat. Save stap long yu; yu senisim komyuniti bilong nau.

Pagelio nupela Edukesen Seketeri

NESENEL Eksekutiv Kaunsel i bin givim tok orait long makim Dokta Joseph Pagelio olsem nupela Edukesen Seketeri long las wik Fonde.


Bipo long kisim dispela wok, Dokta Pagelio i bin Ekting Edukesen Seketeri stat yet long mun Epril las yia. Dispela em bihain long taim bilong olpela Seketeri Peter Baki i bin ekspeia o pinis.

Dokta Pagelio bai holim wok olsem Nesenel edukesen Seketeri long 4-pela krismas, stat long Januari 5, 2006.

Taim Edukesen Minista Michael Laimo i autim tok amamas long nupela Edukesen Seketeri, em i askim olgeta wok manmeri long Edukesen Dipatmen long sapatim Dokta Pagelio long givim kwaliti edukesen long olgeta pikinini insait long kantri.

Mista Laimo i bin autim tok tenkyu bilong em i go long Mista Baki long lidasip bilong em olsem Edukesen Seketeri stat yet long yia 1977 i kam inap long 2005. Moa yet, Minista Laimo i bin luksave long Mista Baki long go pas long wok bilong go hetim ol nupela Edukesen Rifom long kantri na Nesenel Edukesen Plen 1995 inap long 2004 na tu long go pas long wok bilong kamapim nupela 2005-2014 Nesenel Edukesen Plen.

"Dipatmen i bin laik long gat lida olsem Mista Baki. Olsem na long makim Nesenel




Gavman, Edukesen Ministri na ol woklain bioong edukesen long PNG, mi autim bikipela tok tenkyu tru long lidasip bilong Mista Baki na bikipela kontribusen na lidasip long developim edukesen sistem long 12-pela krismas em bin stap olsem Edukesen Seketeri," Minista Laimo i tok.

Taim Dokta Pagelio i tok amamas long NEC long luksave ol bin gat long em na makim em long bikipela wok ya, em bin tenkim Mista Baki long bikipela kontribusen bilong em long Edukesen Dipatmen olsem Seketeri na tisa stat yet long yia 1971.

Na taim em i welkamim ol lain long Edukesen Dipatmen long nupela skul yia, em bin askim tu long sapat bilong olgeta long bildim gupela kantri aninit long edukesen long ol yia i kam.

NUPELA NA OLPELA: Dokta Pagelio em nupela Edukesen Seketeri na olpela, Peter Baki.



Profail bilong Dokta Pagelio

Nam: Dokta Joseph Pagelio
Asipen: Was Nu Briton provins
Marit: Marit na i gat tupela pikinini
Skul: San Mary's Vvuv, Is Nu Briten (1968-1971), Coroka Tisa Kolis- 1972- 1974 (Diploma long Sekonden Tising), Univesiti ov PNG- 1990 Basela In Edukesen (Inservice), Yunivesiti bilong Kwinslan- 2000 Skul long Dokta long Edukesen Stadi.
Wok: 1975: Sekonderi skul tisa long Dregarafen, Finsafen long Morobe provins, Muaina Hai skul long Simbu olsem Deputi hetmasta long 1977, Kalapi long Morobe, Kainantu hai skul, Hanganoti Hai skul na Dregarafen Hai skul gem long 1985.
1986-1989: Skul Inspekta, 1996- Asisten Seketeri- Polisi, Rises na Komyunikesen, Fes Asisten Seketeri, Fainens na Etmnistresen long 1997, Fes Asistens Seketeri - Polisi, Rises na Komyunikesen-2000
Deputi Seketeri- Stendet na Mumen Rises na Lukautim Edukesen Stendets wing.
Epril 2005 Ekting Edukesen Seketeri bihain long kontrak bilong Dokta Baki i ekspeia.

Yunivesiti fi i go antap ...Kisim toksave long pas

Noreen Dada i raitim

BIKPELA yunivesiti long kantri bai apim skul fi bilong ol long 2006 skul yia.

Yunivesiti bilong Papua Nuigini (UPNG) bai apim skul fi bilong ol i go long K1062- K96 moa long ol narapela yia i go pinis.

Dispela fi ol yunivesiti i save tok i kompalseri skul fi, o skul fi olgeta sumatin i mas baim bipo yunivesiti skul yia i stat.

Kompalseri skul fi i bilong baim skul fi yet, fi long ol wanem asosiesen ol sumatin i laik stap long en (ol sumatin asosiesen) na ol sevis long yunivesiti olsem laibreri na kompyuta.

Kompalseri fi i no save lukautim sait long stap long kempus na sapos ol sumatin i kamap boda na stap long ol haus slip insait long yunivesiti, ol i mas baim liklik moa antap long dispela kompalseri skul fi. Ol sumatin i mas save long wanem sponsa level ol i stap long en olsem long AES we ol sumatin i wokim gut tru, HECAS, Self Sponsa o Kampani i baim olgeta fi.

Operesenel kos o kos bilong ranim Yunivesiti we i autstending o we yunivesiti i no baim yet long tupela kris-mas i mekim ol long apim skul fi na dispela i no mekim planti ol sumatin amamas tru.

Planti ol sumatin i tok ol i save olsem skul fi bai go antap liklik tasol

ol i no ting i bai bikipela olsem dispela yia.

Planti bilong ol i wari nau long we ol i bai kisim mani long baim skul fi.

Sampela mamapapa husat i gat tupela pikinini we bai skul wantaim long UPNG i tok dispela go antap long skul fi bai mekim hat liklik long ol painim roti long painim mani.

Wantok i laik kisim bekim long Rejistra Vincent Malaibe, tasol i hat.

Wanpela bel hevi bilong sampela sumatin i tenis long kisim fainol gred long pinis long skul yia.

Bipo wan wan kos bai autim fainol greds long ol notisbod. Ol sumatin nau bai save sapos ol i bai go het wantaim skul bilong ol long wei long kisim pas long yunivesiti.

"Bipo i orait, mipela ken i kam na lukim greds bilong mipela long notisbod. Ol i tok mipela bai kisim fainol greds long mipela long wanpela pas. Mi no kisim pas bilong mi yet.

Mi no save sapos mi bai go het wantaim skul bilong mi na taim long rijistresen i kam klostu.

Ol i ken wokim long ol sumatin husat i stap ausait long siti tasol long mipela long Mosbi, putim long notisbod," wanpela fainol yia Politikol Saiens sumatin i tok.

Rejistresen na orientesen o luktuk raun long ol nupela sumatin long UPNG bai stat long 20 de long mun Febueri. Na 2006 skul yia bai stat long wik bihain na dispela em long Mande, Febueri 2006.

Cambridge
International College

ACCREDITED TRAINING FOR YOUR CAREER SUCCESS

Diplomas, Advanced, Honours, Graduate

- Accounts, Finance, Business, Management
- Personnel, Marketing, Computers, Insurance
- English, Purchasing, Secretary, Leadership
- Tourism, Hotels, Stores, Advertising, Office

Baccalaureate, BBA, BCom, BMA, MBA

- Business Administration, Marketing, Strategy
- Human Resource, Finance, Commerce
- Organizational Management, Executive

Fees include all Training Materials, Guidance, Tests, Revision, Examination, Marking, Award.
 Diploma Fees: £150 or US\$300 or AUS\$350

For a FREE Prospectus, write, fax, or email:

CAMBRIDGE INTERNATIONAL COLLEGE

Box 1378, So'ton, SO17 3WX, Britain
 Email: info@cambridgetraining.com
 Web: www.cambridgecollege.co.uk

Papua New Guinea National Training Council Approved Training Provider

PNG gat klinik bilong rausim gris

Noreen Dada i raitim

I GAT klinik i stap nau long kantri we ol man i fat tumas o i gat bikipela gris i ken go long em long kisim helpim.

Laip Springs klinik i bin op long dispela mun tasol long Waigani Draiv wantaim Siti Pamasi hoisel na em i namba wan kain klinik long PNG bilong lukautim dispela hevi bilong bikipela fat long man.

Laip Springs i no long ol man husat i gat dispela hevi long bikipela fat tasol, nogat.

Ol man husat i laik lukautim gut skin bilong ol na i no laik kisim dispela sik ol dokta i luksave na i kolim "obesiti" o bikipela gris we i ovarim nomol mak i ken go long em.

Sik bikipela gris i ken givim planti hevi long man olsem bagarap long lewa, bikipela presa long blut na sik sot win o asma.

Long Papua Nuigini obesiti i kamap wanpela bikipela sik we i stat long givim planti ol man na meri hevi na lukim planti bilong ol i go long ol haus sik long kisim marasin.

Ol pasin olsem senisim rot bilong kaikai mipela i save kisim olsem planti kaikai bilong waitman. Dispela kain tenis wantaim ol narapela pasin olsem nogat planti wokabaut raun na kaikai planti kaikai wantaim gris i ken kamapim sik obesiti.

Klinik Menesares Moushmi Singh i tok ol program we i ron long klinik i ron bihainim pasin bilong man long kaikai, krismas, laipstail na baset bilong wan wan man.

Sapotim Wenge long gutpela pasin

Dia Edita

Mi wanpela boi mi stap long Lae. Mi laik sapotim toktok bilong Gavana bilong mipela long Lae Luther Wenge i bin kamaut long National niuspepa long Disemba 16, 2005 long sait bilong eviksen.

Papa God bai blesim yu Gavana Luther Wenge moa yet bikos yu bihainim laik bilong God PapA bikos yumi PNG i save tok yumi kristen kantri na wai bai yumi rausim pipel bilong God long graun bilong yumi PNG.

Yumi i no wel pik o dok na bai yumi mekim olsem, sapos yumi bilong Esian kantri orait yumi ken mekim dispela tok long rausim ol pipel long graun bilong PNG.

Tasol yumi olgeta i bilong PNG na maski long mekim dispela tok eviksen, eviksen tok em bilong satan. Sapos wanem man i

mekim trabol, lo i stap, kisim dispela man i go long kalabus, olsem na mi laik tokim olgeta memba bilong Palamen olsem maski long sapotim toktok bilong eviksen.

Toksave bilong mi i go long Luther Wenge na Bart Philemon na narapela memba bilong Lae olsem sapos Papa God i makim yupela bai yupela bai stap longpela taim long haus palamen.

Maski long bihainim pasin bilong memba bilong Madang James Yali long pe bilong sin em tasol na em kisim taim long haus kalabus.

Bikos em bin rausim ol gutpela pipel bilong God long graun long Madang.

**TEE ANDY
LAE
MOROB
PROVINS**

Sik HIV/AIDS i no inap pinis long mani

Dia Edita

Mi laik toktok long gavman i wok long putim ol bikpela mani long pinisim sik HIV/AIDS. Taim bipo long dispela sik i kam nambawan taim Gavman i no wok isi long tromoi ol milien milien kina i kam inap nau long Somare gavman. Tasol sik i wok long givim sotwin long trangu ol memba na gavman. Sik bai i no nap pinis long wok bilong wanpela mani bilong gavman.

Long wanem sik bai i no inap pinis? Bikos ol bikman yet i save soim mani long ol meri long hotel na pati na mekim pasin nogut long kamapim sik na ol liklik lain long setelmen i wok long bihainim sem pasin na kamapim moa sik i go het. Olsem na sik bai no nap pinis gen long wok bilong mani. Sapos man i katim em yet long tamiok na go long haus sik, hau dokta bai stretim em gen long tamiok. Ol i mas mekim narapela we long katim daun sik o pinisim olgeta. Mi nau mi toktok long gavman o ol manmeri olsem. Noken bilipim mani bilong gavman na stap. Samting nau i stap pinis long kantri bilong yumi PNG em lotu long God

na tok sori long pasin nogut bilong yu Gavman na ol pipel long kantri. God i stap wantaim ol lotu long PNG na yu PNG yu yet painim ol lotu i stap pinis long kantri na bai yu yet lukim God i wok long stretim sik HIV/AIDS long sios - 1 Korin 4:26.

Yu brata o susa yu agensim o sapotim kam tasol long Wantok Niuspepa.

**JON KOPAP
MENDI
SAUTEN HAILANS
PROVINS**

Kaikai pik em i no doti long man

Dia Edita

Mi laik agensim tupela brata ya Peter P. Nana na John P. Wali. Yes tupela brata harim yutupela no ken kisim ol Baibel ves nambaut na tok man kaikai mit bilong pik na tasim pik bai i gat sin long ai bilong God Papa. Yutupela harim noken kauntim Baibel ves we man bilong dispela graun i raitim long save na tingting bilong ol.

Sampela yutupela tokaut long em olsem Aisaia 56:17 na Numbers 23:19 na sampela moa. Tupela brata mas ritim Baibel bilong yutupela long Nupela Testamen na olupela Testamen.

Em ol dispela i kam stret long ol santu na profet na ol Aposel bilong Jisas. Plis tupela brata opim Baibel bilong yutupela long Mak 7:16, Mathew 15:10-20 em bai tokim yupela olsem samting yu kisim ausait

na i go insait em bai nogat sin o doti long man.

Samting yu kisim insait na kam ausait em bai mekim sin na doti long man. So long mi save olsem yutupela mas lukim Baibel bilong yutupela long Luk 8:35, Matyu 8:28-34, na Mak 5:1-20. Long dispela Baibel pes we Jisas i rausim spirit nogut na ol dispela spirit nogut ranawe lusim man na i go insait long ol pik na yutupela tok man kaikai pik em bai doti long ai bilong Papa God.

Harim mi tokim yutupela olsem inap long raitim pas nau. Yu husat laik sapotim o agensim em orait, rait tasol na bai mi amamas long ritim.

**MICHAEL MARIUS
WEWAK
IS SEPIK PROVINS**



Glasim gut tok long Baibel na bekim

Dia Edita

Mi laik sapotim pas bilong brata Peter P. Nana na bekim go long brata Peter Kelo i bin kamap long Wantok long Disemba 8, 2005. Yes brata, yu bin tok olsem olgeta de em i de bilong Bikpela, em trupela tok bilong yu. Long wanem olgeta de yumi mas givim preis na glori go bek ken long God.

Bipo mi askim yu wanpela tok, mi bai bekim askim bilong yu. Askim bilong yu, em yu tok, Holi Spirit na Sarere em yu save long

mining na wok bilong tupela?

Yes brata mining bilong Holi Spirit em God Triwan, em olsem God Papa, God Son na God Holi Spirit. Na wok bilong Holi Spirit, moa-beta mi laikim yu ritim buk Baibel long Ezekiel 36, 26, 27 na Psalm 51,10 na bai yu painim ansa bilong em.

Na mining bilong Sarere mi laikim yu long lukim long buk Baibel long Exodus 20:8, 22:31; Genesis 2:2,3; Ezekiel 20:20 na wok bilong Sarere, mi laikim

yu lukim long Psalm 111.4, Romans 1.20.

Askim bilong yu, em yu tok blut bilong holi sabbat wasim sin bilong yu? Brata gutpela askim bilong yu, tasol yum as tingting bipo yu tromoi dispela tok.

Mi askim yu long lukim long Isaia 66.22, Luke 4.16, Leviticus 23.3; Ezekiel 20.12; Luke 6.7 na bai yu kisim sampela klia tingting long dispela.

Tripela askim bilong yu, yu tok holi sabbat i dai long sin na kirap bek long matmat long

sarere na kamap holi sabbat de?

Orait brata Peter Kelo, askim bilong mi em go olsem, mi save i gat 10-pela de bilong lotu, Sarere na Sande.

Tasol mi save ritim Baibel mi save lukim sabbat mi no save lukim Sande. So inap yu givim sampela teks long Sande insait long Baibel we mi ken lukim. Em tasol na mi redi long lukim na bekim.

**LOLO BEN
MADANG
MADANG PROVINS**

Saplaim sik AIDS raun

Dia Edita

BIPO mi putim aut wari bilong mi long Wantok Niuspepa bilong yumi PNG mi laik tok tenkyu long Wantok Niuspepa long putim olgeta wari bilong yumi i go insait long niuspepa.

Mi laik toktok long ol lain bilong saplaim kondom em ol i no saplaim kondom. Em ol saplaim sik AIDS raun. Taim ol i kisim dispela kondom ol i amamas tru long mekim pasin pamuk na dispela sik AIDS em wok long kisim ol dispela manmeri yet.

Na sik AIDS em wok long kisim planti tausen manmeri nau olsem na mi putim dispela wari bilong mi i kamaut long pablik long olgeta manmeri i ken lukim na poret long kondom na pasin pamuk.

Mi bai toktok as bilong stopim sik AIDS em olsem nambawan samting em tok bilong God. Ino kondom bai stopim nogat na nogat tru. Namba tu samting long stopim sik AIDS long kam insait long

yumi, mi ken tok olsem em yumi yet wanwan yumi holim lok na ki. Olsem na mi laik tok klia olsem yu husat manmeri yu wok long amamas long kondom na yu go het long mekim pasin pamuk yet yu lukaut yu no save wanem taim bai soim aut long skin na bodi bilong yu na bai yu kirap nogut.

Taim yu kirap nogut olsem yu gat AIDS yu bai wokim wanem yu nogat wanpela samting long rausim dispela sik. Nogat na nogat yu bilong wetim dai tasol.

Em tasol na husat yu lukim na yu laik sapot o agensim em mi putim wari bilong mi i kam long pablik long Wantok Niuspepa bilong yumi yet PNG.

**HERU ANABISA
BOROKO
NCD**

Rot go long heven em Jisas

Dia Edita

Mi kambek gen na laik mekim klia long ol manmeri we i save bilip long ol kainkain rot ol i ting inap bringim ol i go long Heven.

Dispela tu em bilong bekim pas bilong Peter Nana bilong WHP we em bin tok, yu bai lus long hel sapos yu kaikai pik na kapul.

Yes, yu husat i gat wankain bilip olsem Peter Nana - bai mi mekim klia olsem; kaikai pik na kapul i no inap tru long mekim yu lus na go long hel olsem Peter i tokim pinis ya, nogat tru.

Sapos olsem, Peter, yu ken raitim Baibel ves i tokim dispela na tu, wanem ves Jisas na Aposel i autim tok Gutnius long dispela?

Jisas i tok long John 14:6 olsem; Mi yet mi Rot, Tok Tru na Laip, na narapela lain bilong dispela ves i tok; i nogat man i go long Papa God long narapela rot, nogat, long mi (Jisas) tasol.

Sapos Peter, yu stadi gut long namba

tu lain, bai yu painim aut olsem em i tok - i nogat man i go long God long Narapela rot, olsem na dispela i min olsem, long go long heven, em yum as kam long Jisas pas-taim bipo yu go insait long dua bilong heven na i no yu tambu long kaikai pik na kapul bai yu go long heven laka Peter?

Ansa bilong yu go long heven em i stap long yu yet Peter, yu yet sapos yu tanim bel na tok yes long Jisas i kam insait long laip bilong yu, orait bai yu gat laip stap gut oltaim oltaim - John 5:24; 3:36; 6:47.

Peter, ol dispela Baibel ves i tokim klia yu wanem yu mas mekim na no ken bilip long lo bilong ol man, nogut yu bai olsem profet Isaia i tok long en; Isaia 53:1 Bikos bai yu no inap bilip, yu bai stap olsem tasol laka?

**MR PI
LORENGAU
MANUS PROVINS**

WANTOK
KOMENTRI

**Tingim ol pikinini
- baim gut skul fi**

DISPELA wik planti papamama long olgeta hap bilong kantri i wok long hetpen long painim mani, baim skul yunifom, ol pensil na olgeta arapela samting ol pikinini i mas i gat long statim skul. Long dispela taim, bikipela singaut i mas go aut long ol papamama long skelim gut mani ol i bungim na redim bilong ol pikinini bilong skul long dispela yia.

Dispela singaut, i no singaut nating. Nogat. Dispela singaut i gat as bilong en.

Long ol yia i go pinis, planti yangpela sumatin i no bin sindaun gut long skul long wanem ol skul bilong ol i no larim ol i skul bikos ol papamama bilong ol yet i no baim gut skul fi.

Narapela hevi tu we mipela i lukim i kamap bikipela bagarap long ol yangpela em taim ol skul yet i no pinisim gut skul yia bilong ol bikos mani bilong baim kaikai bilong skul i pinis nating o ol papamama i no baim gut skul fi.

Laspela wik bilong malolo bilong ol pikinini i pinis nau na olgeta i amamas long go bek long skul. Yupela ol papamama, yupela i mas askim yupela yet - "Mi stretim gut sindaun bilong pikinini bilong mi bilong skul long dispela yia o nogat?"

Sapos yu ting yu no givim inap luksave long dispela samting, orait, yu noken sindaun nating na malolo. Pikinini bilong yu em i bikipela samting. Stat long dispela taim we em bai skul i go inap bihain taim, em i mas lainim olgeta samting we i ken helpim em long kamapim gutpela sindaun bilong em long bihain taim.

Sapos em i no pinisim gut skul bilong em long dispela yia, em nau em i sotim sans bilong em long pinisim gut skul, na sans bilong em long bihain taim long kisim gutpela wok.

Long wankain taim, mipela i laik singaut long olgeta ol hetman bilong ol skul long redi long ol hevi bilong ol turangu papamama husat i no inap long baim olgeta skul fi wantaim mani, bai i mas i gat rot bilong ol long baim skul fi bilong ol pikinini bilong ol. Planti skul tude i gat ol self ritains projek ol i kamapim bilong halivim ol yet long taim bilong skul. Olgeta dispela progrem i mas redi tu bipo long ol sumatin i go bek long statim skul. Planti taim pinis ol skul i save pas taim i gat tripela o fopela mun i stap yet long ol sumatin bilong kisim skul.

Dispela skul yia i mas wanpela gutpela skul yia we ol papamama na ol tisa na skul wantaim i mas wokbung. Skul em i samting bilong yumi olgeta. I no bilong nau tasol. Em bilong gutpela bihain taim tu.



Lida lusim ples longpela taim

SIR Peter Barter i bai kamap Gavana bilong Madang provins long wanem as? Taim bilong em long kamap Gavana bilong Madang i sot pinis. Em i westim klostu foapela yia pinis long nesene politik na wanpela yia tasol i stap ya, larim ol kaunsel bilong Madang yet i ranim provins inap long 2007 nesene ileksen.

Sir Peter Barter i bin kisim vot bilong rijinol memba sit bilong Madang provins we sit bilong em tru em Gavana. Win bilong em long Gavana stret tasol i nogat lo i no stopim em long kamap minista long nesene gavman. Olsem na James Yali husat tu em wanpela pati wantaim Sir Peter Barter long Nesene Alaiens (NA) i winim dispela sia.

Sapos em i laik sapotim brata bilong em long Usino



Bundi, Peter Yama long kamap Gavana orait em gutpela. Tasol em i noken sanapim em yet bikos mi bilip bikipela vot bilong planti tausen manmeri bilong Madang i lus nating long em. Moabeta palamen i mas rausim rijinol sit nau bikos sampela lain olsem i no kari-maut wok tru bilong rijinol sit we ol pipel i makim ol long mekim.

Em tru Papua Niugini i laikim ol strongpela lida bilong ranim kantri. Olsem na ol i mas karim ol bikipela wok bilong kantri we Praim Minista i makim ol long mekim long sapotim Gavana. Olsem na taim rijinol memba i kamap Minista, we stap wok bilong em long rijon. Bipo long

1992 i go bek, i bin gat rijinol sit tasol ol ino save sindaun holim wok olsem Gavana. Primia i stap yet na holim asempli bung na provinsal memba wantaim. Olsem na rausim rijinol sit na ol Open memba i ken vot long kamap Gavana bilong provins o nogat orait ol provinsal siaman yet i ken votim Gavana namel long ol yet.

Sapos Palamen i ken stretim dispela hap tasol bai 2007 ileksen i ken ron wantaim nogat rijinol sit. Dispela em bikos taim i sot tu long palamen i stretim lo bilong holim bek rijinol sit long ol provins.

Olpela gavman bilong Sir Mekere Morauta i bin kamapim lo bipo na rausim pinis ol rijinol sit. Olsem na long 2007 nesene ileksen bai i nogat rijinol sit. Samting bilong palamen long hariap lukluk long en na stretim hariap insait long 6-pela mun nau.

Namel long 1994 na 1995 samting, Sentrel provins i bin pulim taitim lo taim olpela rijinol memba Ted Diro i bin kamap Minista na i laik go bek tasol olpela provinsal siaman i holim sit pinis olsem eking Gavana na lokim gut tru inap 2002 nesene ileksen.

Em liklik piksa tasol sapos eking Gavana bilong Madang i ken lukluk tu long dispela na traime holim sia ya bikos ol nesene lida i laik resis long pulim dispela sia bilong Gavana i go i kam.

Olsem na ol pipel i mas luksave nau olsem taim yumi votim lida, yumi votim ol long sevim yumi pastaim na bihain ol arapela.

Ol i mas karim hevi na pen bilong yumi pastaim na bihain ol arapela. Tingim gut, 2007 nesene ileksen i kamap nau na bai yu makim wanem kain lida long dispela taim.

Yu noken rabisim ol pikinini

YU NOKEN lukdaun long ol pikinini.

Planti taim mi save raun long bas, mi save lukim ol bas draiva na bos kru i save les long kisim ol pikinini. Taim ol pikinini sanap long bas stop o long rot, na stopim bas, bas bai i no inap stop, bas bai ron sikisti na i go.

Ol pikinini i lukim dispela orait ol bai i go sanap o sindaun longwe na wet istap. Taim bikipela manmeri pasim bas ol bai ran i go insait na sindaun. Orait boskru o draiva lukim ol em bai odarim ol pikinini long i go ausait o dabol long wanpela sit o nogat tokim ol pikinini i go sindaun long fran long floa tasol.

Taim bilong kisim bas pe, trangu pikinini tu bai baim bas. Long wanpela bas i gat 25 - 30 o sampela 15 sit. Na ol bas bai kisim pe tu long ol man o pikinini i sindaun long floa o doa wei bilong pas. Long haus lotu o long ples bilong sampela bikipela bung, ol i lukim pikinini olsem wanpela futbol na pusim ol i go i kam. Taim ol pikinini sindaun long fom o sia ol pikinini man o meri bai kam na tok, mangi yu kirap na i go long hap o i go daun. Sori tru ol bai harim maus bilong ol bikipela manmeri na bihainim olsem ol i tok.



Long haus wan wan, papamama i no save mekim gut long ol pikinini bilong ol yet. Pikinini sindaun long sia, papa i kam na tok yu i go daun mi bai sindaun. Orait pikinini bai harim tok na i go daun. Sampela taim papamama bai odarim ol na tok noken mekim olsem o mekim olsem.

Sapos ol pikinini i no harim tok, ol papa mama bai paitim ol. Sampela papa mama i save paitim ol pikinini olsem bikipela manmeri tru. Sampela taim ol papamama i save kilim ol pikinini hap indai.

Nau bai mi bringim yupela i go insait long Baibel na soim yupela sampela helpim tok. Yu i mas lukluk long Baibel bilong yu sapos yu abrusim rot, orait yu i mas stretim. Nogut bai yu kisim hevi bihain.

Long nambawan taim tru, God Bikipela i bin promisim Abraham long em bai givim planti bilien bilien pikinini na ol tumbuna pikinini na ol bai pulapim dispela graun. Stat 13:16;15:5 ol bai kamap olsem

sta long skai na wesana bilong solwara. Na dispela em i no tok nating, nogat. Dispela tok i gat blesing na God Bikipela i gat olgeta i strong i bin promisim Abraham long mekim olsem em i tok.

Stat 17:27 Na God i no save senisim promis em i mekim, olsem na graun planti moa pikinini i go i go na dispela graun bai pulap tru. Ol tumbuna bilong Israel, taim ol i marit ol i mas i gat pikinini. Sapos ol i nogat pikinini ol bai sem nogut tru na tingim hariap olsem God i pasim bel bilong meri long i noken karim pikinini.

Narapela samting tu wanpela famili i gat 3pela brata na namba wan brata i marit na em i nogat pikinini na i dai, orait namba tu pikinini mas maritim meri bilong brata i dai na em i mas kamapim pikinini bilong brata i dai pinis. Dispela kain pasin bai ol i no ken tok nogutim dispela man i dai pinis olsem em i nogat pikinini.

Tupela meri i maritim wanpela man, tupela i mas i gat wankain pikinini; sapos narapela i gat 3 o 4 pela pikinini narapela tu i mas i gat wankain.

Mekim nogut long ol liklik pikinini Stat 37:1-36 Josep i save

driman na tokim ol bikipela brata bilong em, tasol ol i save kros long Josep na bel nogut tu. Bihain ol i laik kilim em na tromoi long hul wara na ol midian kisim em na salim long ol Israel. Ol i baim Josep wantaim 20 silva mani. Ol i kisim Josep i go long Isip na salim em long Potifa wanpela opisa bilong Isip olsem wokboi nating. King bilong Isip i putim Josep olsem nambawan gavman bilong Isip, Na Josep i redim kaikai long bungim dispela taim bilong hangre bai kamap bihain.

Stat 42:1-45 i stori long ol brata bilong Josep i go long Isip long baim kaikai. Na Josep i luksave long ol brata bilong em tasol ol brata bilong Josep i no luksave long em. Bihain Josep i soim em yet long ol brata bilong em na ol i brukim skru na bau daun long em.

45:1-50 na 50:1-27 i stori long famili bilong Josep i go long Isip na i stap aninit long Lidasip bilong gavman bilong Josep. Nau yumi lukluk i go bek long stat bilong stori.

Nau yu save nogutim ol dispela liklik pikinini olsem ol brata bilong Josep i bin mekim long Josep. Tasol bihain bai yu brukim skru long wanpela bilong ol dispela pikinini.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

A/General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Hiroshima lait wantaim paia bilong bel isi

Peter Maime i raitim

SAPOS yu wanpela man o meri i kam long bel bilong mama, bai yu tingim na slip na kirap wantaim laik na pasin bilong Hiroshima.

Hiroshima em wanpela bikpela siti bilong Japan. Tasol, bipo, namba atomik bom bilong dispela graun i bin pundaun long dispela ples. Dispela bom ol i bin kolim A-bom i bin pundaun na kilim planti tausen pipel na tu i bin kukim Hiroshima Siti i go das long dispela taim.

Birua i bin kamap long moning

Dispela birua i bin kamap long moning, 15 minit i abrusim 8 kilok long Ogas 6, 1945. Wanpela woa balus bilong Amerika i bin tromoim dispela atomik bom long Hiroshima. Planti pipel husat i bin stap long dispela hap i bin kisim bikpela bagarap.

Ol lapun manmeri, ol bebi, ol pikinini, ol skul sumatin, ol mama na husat i bin stap long siti long dispela taim i bin kisim bikpela pen taim dispela atomik bom i pundaun.

Long nau yet, ol lapun manmeri husat i bin lukim dispela bagarap i no inap lus tingting long wanem samting i bin kamap. Ol pipel i bin kisim bikpela pen long taim bom i pundaun na tu bihain long en, ol kainkain sik long poisen bilong bom.

Wanpela buk Yoshiteru Kosakai i raitim na kolim Hiroshima Peace Reader i givim gutpela piksa long pairap bilong bom na ol bagarap em i kamapim. Em i raitim:

"Wanpela bikpela klaut bilong paia i sut i go antap long skai na bikpela simuk i tanim tanim na bihainim. Olgeta hap bilong Hiroshima i bin paia. Ol pipel husat i indai na tu husat i kisim bagarap i bin stap nabaut long olgeta hap long siti.

"Planti pipel, sampela i nogat klos na sampela i gat haphap klos, i pusim ol yet long wokabout long sevim laip bilong ol. Husat i dai na pundaun i stap, em planti tumas long kaunim. Sampela husat i gat bagarap long bodi i bin sindaun, lukluk na krai long kisim helpim.

Tasol i nogat wanpela man o meri i gat strong long helpim ol arapela. Samting ol inap long mekim em, ol i stap, kisim win liklik, na pusim ol yet isi isi long



MAKIM HEVI BILONG BOM: Dispela ain haus wantaim ring antap, em ol i wokim long tingim ol bagarap bilong atomik bom. Dispela haus i stap long histori buk bilong wol.



LUKLUK RAUN: Tripela Papua Niugini i go lukluk raun long Hiroshima, (lephan) Joshua Ryan bilong Isten Hailans, Ila Rouka bilong Sentrel na man i raitim stori yet.



KISIM SKUL LONG SIAPAN: Ol sumatin husat i stadi long "United Nations Statistical Institute for Asia Pacific" wantaim ol tisa bilong ol i go raun na lukim Hiroshima Peace Memorial Park. Haus tumbuna bilong ol dai manmeri i sanap klostu long baksait.



HIROSHIMA TUDE: Hiroshima siti bilong tude.

painim helpim".

Tingim yet de bom i pairap

I kam inap nau, Hiroshima i tingim yet dispela de bilong atomik bom na i no laikim dispela de i kam gen long ol o long ol arapela lain manmeri long dispela graun.

Olsem Yoshiteru Kosakai i raitim, Amerika i bin makim Hiroshima bikos pawa na bes bilong Japan ami i bin i stap long hap. Em i tok long buk bilong em olsem klostu long

25, 000 soldia bilong Japan i bin stap long Hiroshima. Na tu, Hiroshima long dispela taim i bin stap olsem wanpela bikpela hetk-wata bilong kontrolim ol transpot sistem bilong Japan long dispela taim.

Nagasaki em narapela siti bilong Japan we tu i kisim bagarap long atomik bom bilong Amerika. Amerika i bin bomim Nagasaki long Ogas 9, long wankain yia

olsem Hiroshima.

Dispela tupela siti bilong Japan, Hiroshima na Nagasaki, i kisim bagarap bilong Wol Woa 2. Taim bilong Wol Woa 2, Amerika na Japan i bin kamapim bikpela pait long Pasifik na dispela pait i bin surik i g olgeta long PNG.

Ol olupela woa sip, masin gan na bom nau i stap nabaut long ol nambis bilong PNG

Maski bom i pundaun na kilim planti tausen manmeri, na kukim siti bilong Hiroshima, ol pipel long hap i bungim ol liklik strong na ol samting ol i gat long en, na i kirapim siti billong ol gen. Nau Hiroshima i sanap olsem wanpela bikpela siti insait long Japan.

Hiroshima em i gutpela siti

Tude, Hiroshima em wanpela gutpela siti na ol pipel long Japan yet na long wol i

go raun na lukim dispela siti we i gat bikpela histori.

Presiden bilong Amerika bipo, Presiden Jimmy Carter i bin go long Hiroshima na putim plawa long matmat bilong ol lain husat i bin dai long dispela A-bom.

Tu, wanpela man husat i save go pas long toktok na pait long kirapim gutpela sindaun na bel isi long wol, Pope John Paul 11, husat i bin dai las yia, i bin go long Hiroshima.

Em i go na pre bai pasin bel isi i ken stap namel long ol pipel na ol kantri bilong dispela graun.

Hiroshima i no wanpela siti bilong histori tasol. Em tu i sanap makim ol pipel bilong nau na bilong bihain taim.

Hiroshima long tingim ol bagarap em i kisim long A-bom, em i sanapim Peace Memorial Park wantaim wanpela bikpela museum (haus we i gat piksa na rekot bilong bom).

Haus tumbuna bilong bipo

Wanpela haus tumbuna bilong bipo, em ol i putim namel long Peace Memorial Park. Dispela em haus bilong ol lain husat i bin dai long A-bom. Dispela haus em ol i wokim long givim karmap na malolo long ol sol bilong manmeri na pikinini husat i bin dai long dispela A-bom.

Wanpela buk wantaim ol nem bilong ol lain husat i bin dai long dispela bom, em ol i putim long dispela haus tumbuna. Na tu wanpela ston kofin bokis i stap klostu, na ol i raitim long dispela ston kofin, "Let all the souls here rest in peace; For we shall not repeat the evil. (Larim ol sol i stap long hia i kisim gutpela malolo. Mipela i no inap kamapim dispela pasin nogut gen.)" Sampela kantri husat i gat strongpela bom na ol balus bilong woa nau em Amerika, Rusia, Britin na France. Na atomik bom bilong tude bai i gat bikpela

strong na pawa bilong pin-ism olgeta pipel na laip long dispela graun, wantaim pairap na poisen bilong en.

Na "Flame of Peace (Lait bilong paia bilong bel isi)" we i stap long Hiroshima Peace Memorial Park, na i save lait olgeta de na nait em i gat bikpela mining. Dispela lait bilong paia i sanap olsem mak bilong olgeta hap bilong graun husat i no laik woa, bagarap na indai. Hiroshima bai larim dispela paia i lait i stap inap taim olgeta atomik bom na samting bilong woa i pinis long dispela graun.

Long go long Hiroshima, yu ken go long balus o kisim Shinkansen Bulet Trein long Tokyo. Spit bilong ol bulet trein em 300 kilomita insait long wan wan awa. Spit bilong Shinkansen trein i wankain olsem spit bilong balus.

Ol hetper bilong skul



I GAT O NOGAT: Ol papamama i save wok hat tru long baim skul fi bilong ol pikinini bai tingting bilong ol bai i ken stret taim ol i statim skul.

Sape Metta i raitim
TAIM bilong holide na malolo em bai pinis long dispela wiken. Na skul bai kirap gen long Mande neks wik.

Planti ol olupela na nupela skul pikinini wantaim i redi na skin kirap long i go long skul.

Ol pikinini bai i ken amamas long i go long skul, tasol bikpela hevi em ol papamama bai karim, long wanem ol i mas i gat inap mani o ol i mas painim mani long baim ol skul fi bilong ol pikinini we i ken pilim isi long i go long skul.

Dispela em i bikpela hevi we ol papamama i mas lukluk na stretim long en.

I gat o i nogat, ol papamama i mas painim mani yet long baim stret ol skul fi na ol pikinini i mas pilim fri long i go i kam na mekim skul wok bilong

ol. Wantok Niuspepa i bin kisim sampela ripot i kam long ol skul pikinini long ol yia i go pinis olsem planti long ol i no bin mekim skul wok bilong ol gut, long wanem ol papamama i no bin baim stret skul fi bilong ol.

Ol i bin i gat planti tingting na dispela ol tingting i mekim na ol i no bin kisim gutpela tingting na tingting stret long ol skul wok.

Na long sait bilong ol papamama husat i gat tu, tri o fopela pikinini, sore tru, ol bai kisim taim stret.

Hevi bilong skul fi em i bikpela tru

Long ol wokman na meri, ating ol i ken skelim gut na baim skul fi bilong ol pikinini. Tasol long turangu ol liklik grasrut manmeri long ples, hauslan na setelmen, dispela hevi bilong skul fi em bai bikpela tru long ol.

Na wanpela mama em Maria Inare bilong Onamuga viles, Kainantu long Isten Hailans husat i gat fopela skul pikinini i tokim Wantok Niuspepa olsem em i stap nau long bikpela hevi tru we em i no inap long sapatim na putim dispela fopela pikinini bilong em i go bek long skul.

Em i tok man bilong em husat i wanpela lokol kopi fama, na husat i save sapatim em long baim ol skul fi i lusim em wantaim ol pikinini na i go maritime narapela meri long narapela hauslain. Na em i no moa tingting long sapatim ol pikinini, na dispela i mekim hat tru long sait bilong skul bilong ol pikinini.

Misis Inare i tok em i gat bikpela wari tru long ol pikinini long wanem i luk olsem ol pikinini bilong em bai i no inap long i go long skul long taim skul i stat gen long dispela yia.

Na namba tu pikinini man bai wokim gret 10 long Kainantu Hai Skul na long sem skul em narapela tupela pikinini meri bai wokim gret 9.

"Lukluk long skul fi bilong dispela fopela pikinini, mi bai lusim samting olsem klostu o moa long K5,000.

Na mi bai painim na kisim dispela kain mani long wanem hap tru

long baim skul fi bilong ol pikinini bilong mi," Misis Inare i tok.

Em i tok man bilong em husat i wanpela lokol kopi fama, na husat i save sapatim em long baim ol skul fi i lusim em wantaim ol pikinini na i go maritime narapela meri long narapela hauslain. Na em i no moa tingting long sapatim ol pikinini, na dispela i mekim hat tru long sait bilong skul bilong ol pikinini.

Misis Inare i tok em i gat bikpela wari tru long ol pikinini long wanem i luk olsem ol pikinini bilong em bai i no inap long i go long skul long taim skul i stat gen long dispela yia.

Em i tok ol pikinini i gat olgeta rait long i go na kisim edukesen long skul.

"Tasol we stap ol mani long baim ol skul fi long putim ol long skul," em i tok.

Misis Inare i tok skul na edukesen em i bikpela samting, olsem na long turangu ol kain mama olsem em, ol atoriti i mas i gat sampela rot long lukluk na halivim ol, bai ol pikinini bilong ol bai i ken pinisim skul bilong ol gut.

Papamama painim mani bilong skul fi

Nau yet stat long tupela wik i go pinis ol papamama i wok long

kapsait i go long Goroka taun na i wokim longpela lain long ol benk na tu long ol arapela fainens na kredit kampani long kisim ol dinau mani long baim ol skul fi bilong ol pikinini.

Wantok Niuspepa i mekim lukluk raun na kisim planti ripot i kam long ol papamama olsem long kain taim olsem long olgeta yia, ol i save ron igo ikam na traim hat tru long gpainim na stretim skul fi bilong ol pikinini.

Na wanpela papa em Sipi Sase husat em wanpela ples man long Faniufa hauslain i tokim Wantok Niuspepa olsem tupela pikinini bilong em, Sato (17 krismas) na Sali (15 krismas) bai i go het long sekenderi skul.

Olsem wanpela lokol asples man na em i save mekim ol liklik wansiling long salim ol gaden kaikai long maket, em bai kisim taim stret long painim skul fi mani bilong Sato na Sali.

Manimak em Mista Sase i mas painim em K2,500 long baim na stretim skul fi bilong tupela pikinini bilong em.

I gat planti kain ol papamama tu i stap long wankain hevi.

Na i luk olsem planti long ol bai i no inap long baim skul fi bilong ol pikinini na salim ol i go long skul.

Gutpela tingting bilong wan wan gavana

Narapela papa em Simon Peter i tok gutpela piksa bilong halivim ol pikinini long skul fi em ol gavana bilong Enga, Sauten

Hailans na Simbu provins i soim pinis.

"Dispela ol gavana i gat bikpela laik tru long sapatim ol pikinini long provins bilong ol long sait bilong edukesen. Long wanem ol i save olsem dispela ol pikinini tasol bai i ken bringim planti developmen i go long provins bilong ol long bihain taim.

Ol tripela gavana ya em Peter Ipatas (Enga), Peter Launa (Simbu) na Hami Yawari (Sauten Hailans).

"Dispela tripela gavana i save plenim na makim ol mani long provinsel baset bilong ol i go long ol skul fi subsidi bilong edukesen long provins bilong ol na ol pikinini i kisim gutpela halivim long dispela sapat.

"Kain sapat na halivim tu i mas kamap long olgeta provins, na dispela bai i ken mekim isi long yumi ol papamama," Mista Peter i tok.

Em i tok tu olsem taim bilong nesenel ileksen klostu nau na planti ol politikel kendidet bai kamaut na kempen. Planti long ol bai kapsaitim ol mauswara long fri edukesen.

Toktok olsem bai kapsait, tasol we stap fri edukesen.

Mista Peter i go moa na i tok, "Ol pikinini em yumi karim, na ol i gat olgeta rait long edukesen we yumi ol papamam i no inap stopim ol.

Olsem na long wanem kain rot, yum: mas painim mani long baim na stretim gut ol skul fi bilong ol pikinini na ol i ken pilim fri long i go long skul na kisim edukesen."



TINGTING PLANTI: Sapos ol papamama i gat hevi long baim skul fi, dispela tingting i ken bagarapim skul bilong ol yangpela tu. - *Fail Foto.*

Raun wantaim Kanage olgeta wik



SP NATIONAL WEEKLY HITPARADE Bikpela Sponsa: SP LAGER - JANUERI 28/01/06

Singsing	Musik Artis	Dispela Wik
Ramandu	Off Cuts	1
Maten Kandiek	Twin Hoks of Kavieng	2
Queen 4 Lane	Leonard ft Anslom	3
Skul Mangi	Gedix	4
Tavue	Off Cuts	5
Lavili Fes Biutiful Bodi	Stranded	6
Spent All My Life	Triple J	7
Eitul La Hinasik	Off Cuts	8
Stap Sore	Kekene	9
Living On A Prayer	Troublezone ft Sasha	10
Action Pondo	Felix Yausi	11
Kidu	David Kedea	12
Bapian	Troublezone	13
Mi Wrong	Off Cuts	14
Keliu Ngala	Saba	15
Daba	Litol Rastas	16
Gutsomi	Leftovers	17
Angle	Kekene	18
Rosie Marara	Sharzy	19
Uve Gema	Saba	20

Host Kas. T Yumi FM

TV GAID

FONDE 26 JANUERI, 2006

5.27AM STATION OPEN
 5.30AM G JOYCE MEYER
 6.00AM G TODAY
 9.00AM G MALDLO CLUB
 11.00AM G CREFFLO DOLLAR
 11.30AM EMTV PRIME TIME LINE UP
 1.00PM G ONE DAY SERIES - AUSTRALIA v SRI LANKA
 Live from Adelaide Oval
 4.57PM G EMTV TOK SAVE
 5.00PM G THE PRICE IS RIGHT MONSTER SHOWCASE
 5.29PM G EMTV NEWS UPDATE
 5.30PM G AUSTRALIA v SRI LANKA
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G AUSTRALIA v SRI LANKA
 8.57PM G EMTV TOK SAVE
 9.00AM PG THE APPRENTICE
 10.00PM PG KING OF QUEENS
 10.30PM G EMTV NEWS REPLAY
 11.00PM PG LEGEND OF THE MICHIGAN CITY
 MIDNIGHT EMTV PRIME TIME LINE UP

FRANDE 27 JANUERI, 2006

5.27AM STATION OPEN
 5.30AM G JOYCE MEYER
 6.00AM G TODAY
 9.00AM G MALDLO CLUB
 11.00AM G CREFFLO DOLLAR
 11.30AM EMTV PRIME TIME LINE UP
 KIDS KONKA
 2.30PM G JAY JAY THE JET PLANE
 3.00PM G NEW MACDONALD'S FARM
 3.30PM G ROCKIE & FRIENDS
 4.00PM G BUSH BEAT
 4.30PM G Y
 4.47PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G THE PRICE IS RIGHT
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM PG HOLIDAY SHOWDOWN
 8.00PM G TOK PWISA...Best of...
 8.27PM G EMTV TOK SAVE
 8.30PM PG WIFE SWAP
 9.30PM PG RENOVATION RESCUE
 10.30PM G EMTV NEWS REPLAY
 11.00PM M ULTIMATE FORCE
 MIDNIGHT EMTV PRIME TIME LINE UP

SARERE 28 JANUERI, 2006

8.00AM G PLANET PANDA
 9.30AM G OODSPORTS
 10.00AM PG SO FRESH
 11.30AM G SPECIAL - SHARKS: THE TRUTH
 12.30PM G WORLD OF WILDLIFE
 1.00PM G EMTV WIDE WORLD OF SPORT
 4.00PM G THE CAR SHOW
 4.30PM G THE BOAT SHOW
 5.00PM G ESCAPE WITH ET
 5.30PM G FISHING WILD AUSTRALIA **re-run**
 6.00PM G NATIONAL EMTV NEWS
 6.30PM G AUSTRALIA'S FUNNIEST HOME VIDEO SHOW
 7.30PM PG KING OF QUEENS
 7.57PM G EMTV TOK SAVE
 8.00PM G SOUTH PACIFIC MUSIC
 9.00PM PG MOTORWAY PATROL
 10.00PM M WALKER TEXAS RANGER
 11.00PM G EMTV NEWS REPLAY
 11.30PM PG AIRLINE
 MIDNIGHT EMTV PRIME TIME LINE UP

SANDE 29 JANUERI, 2006

7.26AM **STATION OPEN**
 7.27AM G EMTV TOK SAVE
 7.30AM G BUSINESS SUCCESS
 8.00AM G SUMMER SUNDAY
 9.00AM G THE WAGHY KAYAK EXPEDITION
 9.30AM G BRUMM BUS
 10.30AM G TARANTULA
 11.30AM G WORLD OF WILDLIFE
 12NOON PG MOVIE: MILL ON THE FLODS
 2.00PM G JAPAN VIDEO TOPIC
 2.15PM G SOME CALL IT SPORT
 2.45PM G THEY MUST BE MAD
 3.15PM G ONE DAY SERIES - AUSTRALIA v SRI LANKA
 Live from the WACA, Perth.
 6.00PM G NATIONAL EMTV NEWS
 6.30PM G AUSTRALIA v SRI LANKA

7.00PM PG KING OF QUEENS
 7.30PM G AUSTRALIA v SRI LANKA
 11.15PM G EMTV NEWS REPLAY
 11.45PM G PRAISE
 00.45AM EMTV PRIME TIME LINE UP

MANDE 30 JANUERI, 2006

5.27AM STATION OPEN
 5.30AM G JOYCE MEYER
 6.00AM G TODAY
 9.00AM G CREFFLO DOLLAR
 9.30AM EMTV PRIME TIME LINE UP
 KIDS KONKA
 2.30PM G JAY JAY THE JET PLANE
 3.00PM G NEW MACDONALD'S FARM
 3.30PM G H&S
 4.00PM G BUSH BEAT
 4.30PM G Y
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G THE PRICE IS RIGHT
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G PRAISE
 8.00PM G TOK PWISA MONDAY EDITION
 8.27PM G EMTV TOK SAVE
 8.30PM PG JAG
 9.30PM M C.S.I. MIAMI "Spring Back"
 10.30pm G EMTV NEWS REPLAY
 11.00PM G CHM SUPERSOUND
 12MIDNIGHT EMTV PRIME TIME LINE UP

TUNDE 31 JANUERI, 2006

5.27AM STATION OPEN
 5.30AM G JOYCE MEYER
 6.00AM G TODAY
 9.00AM G CREFFLO DOLLAR
 9.30AM EMTV PRIME TIME LINE UP
 12.15PM G ONE DAY SERIES - SRI LANKA v SOUTH AFRICA
 Live from WACA, Perth.
 4.00PM G THEY MUST BE MAD
 4.30PM G SRI LANKA v SOUTH AFRICA
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G SRI LANKA v SOUTH AFRICA
 8.27PM G EMTV TOK SAVE
 PG CELEBRITY OVERHAUL
 8.30PM M COLD SQUAD
 10.30PM G EMTV NEWS REPLAY
 11.00PM M C.S.I. "Cheating The Bar"
 00.00AM EMTV PRIME TIME LINE UP

TRINDE 1 FEBRUERI, 2006

5.27AM STATION OPEN
 5.30AM G JOYCE MEYER
 6.00AM G TODAY
 9.00AM G CREFFLO DOLLAR
 9.30AM EMTV PRIME TIME LINE UP
 KIDS KONKA
 2.30PM G JAY JAY THE JET PLANE
 3.00PM G NEW MACDONALD'S FARM
 3.30PM G H&S
 4.00PM G BUSH BEAT
 4.30PM G Y
 4.47PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G THE PRICE IS RIGHT
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G ICC CRICKET WORLD
 7.30PM PG THE ALICE
 8.27PM G EMTV TOK SAVE with Kevan Mead
 8.30PM PG WEDNESDAY NIGHT MOVIE: ALL INTELLIGENT (2001) Sel-Fi Adventure/Drama - A highly advanced robotic boy long to become "real" so that he can regain the love of the human mother.
 Stars: Haley Joel Osment, Frances O'Connor, Sam Roberts, Julia Law, William Hurt.
 10.30PM G EMTV NEWS REPLAY
 11.30PM G SOUTH PACIFIC MUSIC
 12.30AM EMTV PRIME TIME LINE UP

EM TV
PAPUA NEW GUINEA
THE NATIONAL TELEVISION SERVICE

CATHOLIC RADIO

103.5 FM

6:00 - ANGELUS	6:05 - SUNDAY EUCHARIST (replay)
6:05 - MEDITATION/INSPIRATIONAL MUSIC	7:00 - HOLY ROSARY
7:00 - VATICAN RADIO WORLD NEWS	7:30 - CATHOLIC INSIGHT
7:15 - VATICAN ENGLISH PROGRAM	8:00 - VATICAN WORLD NEWS
7:35 - NON-STOP GOSPEL MUSIC	8:15 - VATICAN ENGLISH PROGRAM
8:00 - JOURNEY HOME (EWTN)	8:40 - IN THE LORD'S VINEYARD
9:00 - VATICAN RADIO WORLD NEWS	10:00 - NON-STOP GOSPEL MUSIC
9:15 - VATICAN ENGLISH PROGRAM	
9:40 - KIDS SING ALONG	6:00 - ANGELUS
10:00 - CATHOLIC JUKEBOX	6:05 - MEDITATION/INSPIRATIONAL MUSIC
10:30 - GOSPEL MUSIC	7:00 - VATICAN WORLD NEWS
11:00 - NON-STOP GOSPEL MUSIC	7:15 - VATICAN ENGLISH PROGRAM
12:00 - ANGELUS	7:35 - NON-STOP GOSPEL MUSIC
12:05 - VATICAN WORLD NEWS	8:00 - BEST OF JOURNEY HOME
12:20 - VATICAN ENGLISH PROGRAM	8:00 - VATICAN WORLD NEWS
12:40 - REFLECTION MUSIC	9:15 - VATICAN ENGLISH PROGRAM
1:00 - LAMB'S SUPPER WITH DR. SCHOTT HAHN	9:35 - KIDS SING ALONG
	10:00 - CATHOLIC JUKEBOX (EWTN)
2:00 - MUSIC	10:30 - NON-STOP GOSPEL MUSIC
3:00 - CHAPLET OF DIVINE MERCY	12:00 - ANGELUS
3:20 - NON-STOP GOSPEL MUSIC	12:05 - VATICAN WORLD NEWS
4:00 - CATHOLIC JUKEBOX (ENCORE)	12:20 - VATICAN ENGLISH PROGRAM
4:30 - NON-STOP GOSPEL MUSIC	12:40 - AFTERNOON REFLECTION MUSIC
5:00 - JOURNEY HOME	ANGELUS
6:00 - ANGELUS	1:00 - THE WAY TO FOLLOW JESUS
6:05 - MADANG LOCAL NEWS	1:30 - GOSPEL MUSIC
6:10 - VATICAN ENGLISH PROGRAM	3:00 - CHAPLET OF DIVINE MERCY
6:30 - LAMB'S SUPPER WITH DR. SCHOTT HAHN	3:20 - NON STOP GOSPEL MUSIC
	4:00 - CATHOLIC JUKEBOX (EWTN)
7:00 - HOLY ROSARY	4:30 - NON STOP GOSPEL MUSIC
7:30 - CATHOLIC INSIGHT	5:00 - MESSAGE IN MUSIC
8:00 - VATICAN WORLD NEWS	6:00 - ANGELUS
8:15 - MADANG LOCAL NEWS	6:05 - VATICAN ENGLISH PROGRAM
8:30 - VATICAN ENGLISH PROGRAM	6:30 - MANY FACES OF MARY
9:00 - TOK STREET LONG HVAIDS	7:00 - HOLY ROSARY
10:30 - VATICAN ENGLISH PROGRAM	7:30 - BENEDICTION
	8:00 - VATICAN WORLD NEWS
6:00 - ANGELUS	8:15 - CRN LOCAL NEWS
6:05 - MEDITATION/INSPIRATIONAL MUSIC	8:30 - VATICAN ENGLISH PROGRAM
7:00 - VATICAN WORLD NEWS	9:00 - BEST OF JOURNEY HOME
7:15 - VATICAN ENGLISH PROGRAM	10:00 - CATHOLIC JUKEBOX (EWTN)
7:35 - NON STOP GOSPEL MUSIC	10:30 - VATICAN ENGLISH PROGRAM
8:00 - RADIO ST. JOSEPH PRESENTS	11:00 - NON-STOP GOSPEL MUSIC
9:00 - VATICAN WORLD NEWS	
9:15 - ENGLISH PROGRAM	6:00 - ANGELUS
9:35 - KIDS SING ALONG	6:05 - MEDITATION/INSPIRATIONAL MUSIC
10:00 - CATHOLIC JUKEBOX	7:00 - VATICAN WORLD NEWS
10:30 - NON STOP GOSPEL MUSIC	7:15 - VATICAN ENGLISH PROGRAM
12:00 - ANGELUS	7:35 - NON STOP GOSPEL MUSIC
12:05 - VATICAN WORLD NEWS	8:00 - RADIO ST. JOSEPH PRESENTS
12:20 - VATICAN ENGLISH PROGRAM	9:00 - VATICAN RADIO WORLD NEWS
12:40 - REFLECTION MUSIC	9:15 - VATICAN ENGLISH PROGRAM
1:00 - OUR FATHER'S PLAN	9:40 - KIDS SING ALONG
1:30 - AFTERNOON GOSPEL MUSIC	10:00 - CATHOLIC JUKEBOX
3:00 - CHAPLET OF DIVINE MERCY	10:30 - GOSPEL MUSIC
3:20 - NON-STOP GOSPEL MUSIC	12:00 - ANGELUS
4:00 - CATHOLIC JUKEBOX (EWTN)	12:05 - VATICAN WORLD NEWS
4:30 - NON-STOP GOSPEL MUSIC	12:20 - VATICAN ENGLISH PROGRAM
5:00 - WAVE FACTOR (EWTN)	12:40 - REFLECTION MUSIC
6:00 - ANGELUS	1:00 - SUPER SAINTS
6:05 - VATICAN ENGLISH PROGRAM	1:30 - GOSPEL MUSIC
6:30 - FATIMA	3:00 - CHAPLET OF DIVINE MERCY
7:00 - HOLY ROSARY	3:20 - NON STOP GOSPEL MUSIC
7:30 - STATIONS OF THE CROSS	4:00 - CATHOLIC JUKEBOX
8:00 - VATICAN WORLD NEWS	4:30 - NON-STOP GOSPEL MUSIC
8:15 - CRN LOCAL NEWS	5:00 - RADIO ST. JOSEPH PRESENTS
8:30 - VATICAN ENGLISH PROGRAM	6:00 - ANGELUS
9:00 - TOK STREET LONG HVAIDS	6:05 - ATAPE LOCAL NEWS
10:00 - CATHOLIC JUKEBOX	6:10 - VATICAN ENGLISH PROGRAM
10:30 - VATICAN ENGLISH PROGRAM	6:30 - MOTHER OF REDEEMER
11:00 - NON STOP GOSPEL MUSIC	7:00 - HOLY ROSARY
	7:30 - SUPER SAINTS
6:00 - ANGELUS	8:00 - VATICAN WORLD NEWS
6:05 - MEDITATION/INSPIRATIONAL MUSIC	8:15 - ATAPE LOCAL NEWS
7:00 - OUR FATHER'S PLAN	8:20 - VATICAN ENGLISH PROGRAM
7:30 - CROSSROADS (EWTN)	9:00 - TOK STREET ABOUT HVAIDS WITH FR. JUDE (ENGLISH)
8:00 - VATICAN WORLD NEWS	10:00 - CATHOLIC JUKEBOX
8:15 - VATICAN PROGRAM	10:30 - VATICAN ENGLISH PROGRAM
8:35 - MUSIC	10:50 - NON-STOP GOSPEL MUSIC
9:30 - BACKSTAGE (EWTN)	
10:00 - WAVE FACTOR	
11:00 - NON-STOP GOSPEL MUSIC	
12:00 - ANGELUS	
12:05 - VATICAN WORLD NEWS	6:00 - ANGELUS
12:20 - VATICAN ENGLISH PROGRAM	6:05 - MEDITATION/INSPIRATIONAL MUSIC
12:40 - GOSPEL MUSIC	7:00 - VATICAN WORLD NEWS
3:00 - CHAPLET OF DIVINE MERCY	7:15 - VATICAN ENGLISH PROGRAM
3:20 - GOSPEL MUSIC	7:35 - NON-STOP GOSPEL MUSIC
4:00 - BACKSTAGE	8:00 - SCRIPTURE MATTERS WITH DR. SCHOT HAHN (EWTN)
4:30 - NON-STOP GOSPEL MUSIC	9:00 - VATICAN WORLD NEWS
5:00 - WORLD OVER NEWS	9:15 - VATICAN ENGLISH PROGRAM
6:00 - ANGELUS	9:35 - KIDS SING ALONG
6:05 - VATICAN ENGLISH PROGRAM	10:00 - CATHOLIC JUKEBOX
6:30 - MIRACLES OF THE CROSS	10:30 - NON-STOP GOSPEL MUSIC
7:00 - HOLY ROSARY	12:00 - ANGELUS
7:30 - CROSSROADS	12:05 - VATICAN WORLD NEWS
8:00 - VATICAN WORLD NEWS	12:20 - VATICAN ENGLISH PROGRAM
8:15 - VATICAN ENGLISH PROGRAM	12:40 - REFLECTION MUSIC
9:00 - WORLD OVER NEWS (EWTN)	1:00 - FIRST COMES LOVE DR. SCHOT HAHN (EWTN)
10:00 - BACKSTAGE	1:30 - AFTERNOON GOSPEL MUSIC
10:30 - VATICAN ENGLISH PROGRAM	3:00 - CHAPLET OF DIVINE MERCY
10:50 - NON-STOP GOSPEL MUSIC	3:20 - NON-STOP GOSPEL MUSIC
	4:00 - CATHOLIC JUKEBOX
Sande	4:30 - NON-STOP GOSPEL MUSIC
6:00 - ANGELUS	5:00 - SCRIPTURE MATTERS
6:05 - MEDITATION/INSPIRATIONAL MUSIC	6:00 - ANGELUS
8:00 - VATICAN WORLD NEWS	6:05 - VANIMO LOCAL NEWS
8:15 - VATICAN ENGLISH PROGRAM	6:10 - VATICAN ENGLISH PROGRAM
8:35 - NON-STOP GOSPEL MUSIC	6:30 - FATIMA, HEAVEN'S PEACE PLAN
9:00 - SUNDAY EUCHARIST LIVE	7:00 - HOLY ROSARY
10:30 - NON-STOP MUSIC	7:30 - DOCTORS OF THE CHURCH
11:00 - IN THE LORD'S VINEYARD	8:00 - VATICAN WORLD NEWS
12:00 - ANGELUS	8:15 - VANIMO LOCAL NEWS
12:05 - VATICAN WORLD NEWS	8:20 - VATICAN ENGLISH PROGRAM
12:20 - VATICAN ENGLISH PROGRAM	9:00 - TOK STREET ABOUT HVAIDS WITH FR. JUDE
12:40 - GOSPEL MUSIC	10:00 - CATHOLIC JUKEBOX
3:00 - CHAPLET OF DIVINE MERCY	10:30 - VATICAN ENGLISH PROGRAM
3:20 - GOSPEL MUSIC	10:50 - NON-STOP GOSPEL MUSIC
5:00 - SIGNS OF THE TIMES (RTA)	
6:00 - ANGELUS	



Laikim Penpren

Nem: Dibani Panisi
Krismas: 30 (man)
Adres: C/- Reuben A, PO Box 521, Waigani, NCD
 Save laikim: Pilai soka, ragbi, volibal na raitim pas.

Nem: Lenari Odaniu
Krismas: 34 (man)
Adres: C/- Reuben A, PO Box 521, Waigani, NCD
 Save laikim: Pilai soka, Ruls, tok pilai na raitim pas.

Nem: Abdul Lateef Idrissu
Krismas: 23 (man)
Adres: PO Box BJ 124, Bawjiase, Awutu, C/R, Ghana, West Africa
 Save laikim: Senisim presen, raun lukim ples na swimming.

Nem: Miss Celina Andoh
Krismas: 27 (meri)
Adres: Cape Coast University, PO Box UC 273, Oguaa Central, Ghana, West Africa
 Save laikim: Wokim haus wok, kukim kaikai, kisim piksa, raun lukim ples, harim musik na pilai spots.

Nem: Akol A. Ben
Krismas: 23 (man)
Adres: C/- Kambubu Adventist Secondary School, PO Box 421, Kokopo, East New Britain Province
 Save laikim: Lotu long Sabat, singsing kwaia, lukim muvi na pilai spot.

Nem: Sonny Manzobi
Krismas: 30 (man)
Adres: PO Box 423, Kimbe, West New Britain Province
 Save laikim: Toktok long kain kain hevi wok long kamap long PNG na wol.

Nem: Delphine Kabarua
Krismas: 16 (meri)
Adres: Mercy Secondary School, PO Box 580, Wewak, East Sepik Province
 Save laikim: Stori wantaim ol pren, pilai spot, tok pilai na go long lotu

Nem: Brendelyn Karu
Krismas: 15 (meri)
Adres: Mercy Secondary School, PO Box 580, Wewak, East Sepik Province
 Save laikim: Tok pilai, ritim buk, pilai spot na lukim TV.

Nem: Joyce Kambai
Krismas: 16 (meri)
Adres: Mercy Secondary School, PO Box 580, Wewak, East Sepik Province
 Save laikim: Pilai spot, tok pilai na raitim pas.

Nem: Nicole Kavik
Krismas: 17 (meri)
Adres: Mercy Secondary School, PO Box 580, Wewak, East Sepik Province
 Save laikim: Tok pilai, pilai spot na lukim TV.

Nem: Serina Wilson
Krismas: 27 (meri)
Adres: PO Box 390, Oguaa C/R, Ghana, West Africa
 Save laikim: Raun lukim ples, kukim kaikai, was was na senisim presen.



STORI TUMBUNA

BIPO long wanpela ples ol i kolim Maunten Bi i gat wanpela meri na man. Tupela i stap i go i go na i kisim tupela pikinini nem bilong tupela em Gemo na Marua.

Ol i stap i go i go na wanpela taim ol i nogat kaikai tru long haus. Nau meri i kirap na

Sauten Kros

askim man bilong: "yumi nogat kaikai long haus tru na mitupela i go long bus na painim sampela kaikai."

Nau man bilong em i kirap na tok, "yu kisim busnaip na bilum bilong yu na mitupela i go." Na tupela i laik i go na papa i tokim tupela pikinini otsem "yumi nogat kaikai long haus na mitupela i go painim sampela kaikai long bus. Na yutupela mas pasim dua gut tru na

stap insait long haus tasol. Na i no kei i go autsait."

Tupela i tok otsem tasol pikinini boi Gemo i no laik na tupela i wokabout i go long wanpela maunten. Gemo i kisim susa Marua na karim i go i go insait tru long bikpela solwara tru.

Na bihain papamama tupela i kambek long bus na lukim long haus na tupela pikinini i no stap. Tupela lusim kaikai long haus na

tupela i raun na bihainim lek mak bilong tupela pikinini i go na i go insait long solwara. Na tupela i bihainim tu na swim i go i go insait, tupela i painim tupela pikinini i stap.

Nau Gemo na Marua tupela i hepi tru long stap wantaim papamama na strongpela si wantaim bikpela win i kamap. Si na win wantaim i stop nau, Gemo, Marua na wantaim papamama ol i dai.

Nau samting nogut i kamap na ol i senis i go long lait. Foapela lait kirap long solwara na i go antap insait long skai. Nau olgeta taim ol i stap tasol. Nau yumi iukim i go antap long skai long nait taim, yu bai lukim foapela sta i lait moa i stap long Saut.

Em ol Gemo, Marua, wantaim papamama bilong tupela nau olgeta nait yumi lukim na kolim Sauten Kros.



Mi gat hevi na mi laikim helpim

Dia Laipain,


MI GAT 16 krismas na mi save go skul long wanpela hai skul insait long Westen Provins.

Long taim mi 10-pela krismas mi stat long pilai long skin bilong mi na holim mi yet. (masturbate)

Mi no stopim dispela pasin i kam inap nau. Nau mi painimaut otsem mi wok long lusim skin bilong mi.

I no long taim i go pinis mi wok long driman otsem mi wokim pasin bilong ol marit manmeri na mi save painim hat long kontrolim mi yet.

Hau bai mi stopim mi yet long lusim skin na stopim ol kain ol tingting bilong wokim



marit pasin.

Dia pren,
 Tenkyu long pas bilong yu we i tok aut long hevi bilong yu.

Yu tok otsem yu wok long lusim skin bilong yu, bilong wanem yu wok long pilai wantaim yu yet na holim yu yet.

Dispela i stat taim yu gat 10-pela krismas.

Em i no rong long yu holim

yu yet o pilai wantaim yu yet, bilong wanem em i pasin bilong ol bikpela ol pikinini we i gat krismas namei long 15 na 20.

Tasol dispela kain pasin i no save mekim ol manmeri lusim skin.

I mas gat arapela as we yu wok long lusim skin. Yu skelim, yu save kaikai gut olgeta de, tu? Yu mas go lukim dokta long haus sik?

Yu ken askim ol dokta long helpim yu long putim skin gen. Sapos yu ken, yu ken toktok long ol bikman meri, tisa o papamama bilong yu?

Traim na toktok long ol manmeri husat i ken helpim yu.

Laipain.

Sapos yu gat wari o hevi, rait i kam long Lifeline, P O Box 6047, Boroko, NCD.

Yu ken ringim mipela tu long telpon namba 3260011.

Raitim trupela nem na etres bilong yu i kam na bal mipela i salim bekim long pas bilong yu. Mipela bal toktok long ol trupela samting yu askim long em tasol bal mipela i no inap long putim trupela nem bilong yu.

Laipain

PJV tok amamas

PORGERA Join Vensa, ol kampani i lukautim Porgera Gol Main long Enga provins i tok amamas long ol wokmanmeri bilong em husat i bin lusim wok long tupela wik i go pinis long kam bek long wok.

PJV i tok prodaksen i bin kirap bek las wik Mande na long Sande olgeta wok insait long main i bin ron gut.

Menesmen bilong PJV i tok ol i amamas long gutpela wok pasin bilong planti long ol wokmanmeri bilong ol husat i bin stap bek na wok long 11-pela de we straik i bin go het.

Porgera Main Jenerel Menesa, Phil Stephenson i tok, "Mipela laik tok tenkyu long olgeta wokmanmeri bilong mipela, Nesenel Gavman na Enga provinsel gavman, Royol Papua Niugini Polis Konstabulari, ol Porgera papagraun na olgeta arapela pipel husat i bin halivim long kamapim bek wok long gol main.

"Mipela i amamas long wok gut dispela straik na kirapim olgeta wokmanmeri bilong bek wok we i nogat wanpela mipela i mekim long pinisim bagarap o hevi i kamap."

Placer kam aninit long Barrick Gold Corp

Ol wokmanmeri bilong PJV i bin straik bihain long ol i harim olsem wanpela bikpela gol main kampani bilong Kenada, Barrick Gold bai baim sampela sea bilong Placer Dome olsem kampani i bosim PJV.


Long sait bilong Barrick Gold, bikpela namba bilong ol sea-holda bilong Placer Dome i tok orait na wanbel long Barrick Gold i go het na baim 81 pesen bilong ol sea bilong Placer Dome.

Planti long ol seaholda bilong Placer Dome i kamap ol sea holda bilong Barrick Gold Corp.

Nau dispela tupela kampani i bungim bisnis bilong ol, ol i kamap nambawan bikpela gol maining kampani long wol, we ol i gat 27 main long kain kain hap long wol na nau ol i gat 75% intres insait long Porgera Gol Vensa.

Aninit long dispela nupela wokbung, Placer Dome (PNG) Limitet bai kamap wanpela hap bilong Barrick Gol kampani.

Barrick na Placer wantaim i tok klia long olgeta wokmanmeri na stekholda insait long Porgera olsem wok bai i no inap senis na bai go het yet. Long wankain taim, olgeta agrimen o tok wanbel namel long Placer Dome na ol arapela pati bai go het yet na kisim wankain luksave i kam long Placer Dome.



WOK I RON: Wok long Porgera Gol Main nau i ron gen bihain long olgeta wokmanmeri bilong em i lusim straik na go bek long wok long wik i go pinis.

Ol Enga rot i bagarap

Andrew Molen i raitim

OL ROT insait long Enga provins i bagarap olgeta na sapos gavman i no mekim wanpela samting bai ol pipel long hap i stopim ol bikpela ka long i noken ron long dispela ol rot.

Planti bilong ol dispela bikpela ka em ol i save ol samting long gol main long Porgera i go i kam na sapos dispela i kamap bai kantri na provins i kisim taim long sait bilong ol sevis i go insait.

Long dispela as ol memba bilong palamen bilong Enga provins i bung wantaim na singaut long gavman long lukluk long dispela hevi.

"Tupela rot mipela i laik lukluk long en em Wabag - Wapenamanda rot na Wabag - Warumanda rot.

"Dispela ol rot i save karim gol na ol samting bilong wok long Porgera gol main i go i kam tasol nau ol i bagarap olgeta," Gavana bilong Enga Peter Ipatas i tok.

Taim ol i bin putim kolta long dispela rot, AusAID i bin givi mani i nap long K30 milien na bihain long dispela nau i nogat wanpela moa samting i kamap.

Mista Ipatas i tok sapos gavman i no mekim wanpela samting long dispela bai ol i sapotim ol pipel long pasim ol bikpela ka long i noken ron long dispela rot.

"Dispela rot em olsem laip bilong kantri bilong wanem wok long Porgera i save helpim na strongim ikonomi bilong kantri na nau long dispela taim we prais bilong gol i go antap, em i kamap moa impotent," Mista Ipatas i tok.

...Tok lukaut kam long papagraun olsem asples bai pasim rot i go long Porgera Gol Main



TOK LUKAUT: Enga Gavana Peter Ipatas na wantok bilong em Sam Abal i tok sapos gavman i no stretim kwik ol rot insait long Enga provins, ol pipel bilong ples bai banisim rot na stopim olgeta bikpela ka bilong Porgera Gol Main. Em i ken kamapim bikpela hevi long ikonomi bilong kantri.

Narapela memba bilong palamen bilong Enga, Mista Sam Abal i sapotim tok bilong gavana bilong em.

"Ol i bin putim kolta long dispela rot namel long Wabag na Wapenamanda sampela yia i go pinis tasol 6-pela mun bihain, kolta i bruk na rot i bagarap ken.

"Rot we yu i nap ron long em insait long 20 minit bai yu i ron i nap wanpela awa nau," mista Abal i tok.

Em i tok dispela rot em i wanpela bikpela samting long provins na kantri tu bilong wanem em rot we i go long Porgera we bikpela gol main i stap.

"Tasol dispela rot i wok long bruk na bagarap i stap, mi ken tok tu olsem em i bagarap

moa long taim ol i no bin putim kolta antap.

"Ol bikpela ka bilong gol main i save i go i kam na karim ol bikpela na hevi samting we i save helpim long brukim rot, ol liklik kar em i orait liklik," Mista Abal i tok.

Em i tok ol pipel long dispela hap na olgeta hap long Enga provins i wok long bungim painim planti hevi long dispela rot bilong i nogat gutpela sevis i go insait na ol i wok long tingting nau long pasim rot long ol bikpela ka i noken ron.

"Sapos ol i pasim rot bai provins na kantri i kisim taim bilong wanem ol samting bai i no i nap i go long gol main na gol main tu bai i no i nap long kisim ol samting ol i painim i kam daun long nambis long

satim i go ovasis," memba ya i tok.

Ol memba bilong Enga wantaim ol pipel i toktok long dispela 4-pela yia i go pinis nau na ol i belhat pinis.

Ol i tok dispela rot i no gutpela long laip bilong ol manmeri na i no long taim bai wanpela bikpela bagarap i kamap long en.

Memba bilong Kompiam-Ambum, Dickson Maki i soim tru belhat bilong ol pipel bilong em taim em i toktok; "Mipela i toktok long ol atoriti planti taim pinis long dispela hevi na nogat wanpela wok i kamap na mipela i les pinis!"

"Mi singaut long Prais Minista na gavman bilong em long ol i mas lukluk long dispela hevi," em i tok.

ILO kam glasim ol PNG wok lo

WANPELA grup bilong Intanesenel Leba Ogenaisesen (ILO) o wol ogenaisesen i save lukluk long ol rait bilong ol wokmanmeri insait long wol i bin kam long PNG long promotim Gutpela Wok Kantri Program bilong 2006 na 2007 insait long Pasifik.

Dairekta bilong Saut Pasifik A. M. Zakaria na Mis Surkafa F Katafona i bin kam raun lukluk long sampela gavman ejensi na ol arapela ogenaisesen i save lukluk long ol bosman na wokmanmeri insait long kantri.

Bikpela wok ol i bin kam long mekim em long wok developmen na promosen o apim nem bilong gutpela wok na strongim tingting bilong ol yut na ol lain i nogat wok long kirapim bisnis bilong ol yet.

Ol i paitim toktok long glasim ol lo bilong wok insait long kantri, industriyel rilesens o wok bilong toktok namel long ol bosman na ol wokmanmeri, HIV/AIDS insait long wok ples, banisim komyuniti, kompensesen bilong ol wokmanmeri, sefti bilong ol wokman na ol arapela ekonomik na komyuniti salens insait long developmen plen bilong PNG.

Dispela ILO grup i makim ol dispela bikpela eria we ILO i ken wok long strong namel long 2006 na 2007:

"Promotim ol rait bilong wok aninit long wanpela rivi o glasim bilong ol leba lo na promotim ol ILO konvensen olsem fridom bilong wok wantaim ol arapela, bung na askim long senis bilong ol prais, wankain wok sans bilong olgeta na daunim hevi bilong ol pikinini i mekim wok bilong bikpela manmeri.

"Promotim gutpela wok na winmoni bilong ol man na meri insait long ol taun na busples wantaim bai ol i ken painim gutpela wok insait long fomol na infomol sekta. Kirapim bilong ol nupela wok long sait bilong infomol sekta.

"Wok wantaim Yunaitet Nesens Developmen Program (UNDP) na Nesenel Aids Kaunsil Seketeriet (NACS). Long dispela sait, em i promotim wok bung namel long gavman, ol kampani na ol wokmanmeri.



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Pterocarpus indicus (rosewood)

Nem bilong en:
Rosewood



Lip na flaua bilong Rosewood.

Flaua, ol prut na sid:

Ol flaua i save kamap namel long mun Me na Oktoba na prut i save mau namel long mun Desemba na Mas. Sid i gat wanpela skin we i strong. I gat samting olsem 1300 sid i ken inapim wanpela kilogram.

Rot bilong kisim na stretim ol sid:

Yu ken kisim ol bet bilong sid long ol diwai o long graun stat namel long Desemba na Me. Em i mobeta long larim sid i stap insait long bet bilong em bihain long yu draim pinis. Sapos yu rausim kwiktai, bai em i ken bagarap.

Groim insait long neseri:

Ol sid bai stat long kru tripela o 4-pela de bihain long yu planim. Yu ken planim i go stret long ol kontena o insait long ol trei we yu ken rausim bihain long ol kru. Reit o spit bilong Jeminesen i save strong moa sapos yu rausim sid long bet bilong em pastaim long yu planim. Ol sidling i mas stap 4 inap 6-pela mun bipo em i kamap long sais bilong tebol (namel long 20 na 25cm).

Groim long ol liklik hap diwai: Yu ken katim ol yangpela han diwai long wanem ol bikpela diwai we bikpela bilong namel bilong em i 6mm o antap bai ol i ken kru kwiktai. Yu ken groim wantaim skin diwai bilong em tu.

Ples diwai i kam long en:
Pterocarpus i gat samting olsem 20 spisis, 5-pela i save groa insait long Indo Pasifik rijen na 11 long tropikel Esia. Pterocarpus indicus i save groa long planti hap stat long Sauten Burma i go long Filipins na i karamapim tu Malay Archipelago na i kam olsem long PNG. Insait long PNG spisis i save groa insait long ol fores o bikbus na i save kamap olsem wanpela kanopi diwai insait long ol veli i stap aninit long 100 mita mak antap long mak bilong solwara.


Wanem kain diwai:
Em i wanpela bikpela diwai i save groa inap long 33 mita samting na i bikpela bilong namel bilong em i 1 mita samting. Bikpela bun bilong em i no save groa gut na em i save gat ol kain kain sua long en. I gat planti hap we ol han diwai i save sut i kam aut long en. Het bilong diwai em i bikpela na i olsem helmet na ol liklik han diwai bilong em i hangamap i go daun long graun. Skin diwai bilong em i braun, i gat ol liklik skel skin long en. Ol lip bilong en i bikpela na i raun. Ol flaua i brait yelo na i gat naispela smel bilong en. Prut em i wanpela bet i 5sentimita i drai na i flet raunim ausait bilong em. Insait, prut i bruk i go 4-pela o 5-pela rum.

Rot bilong yusim:
Roswut (Rosewood) em i wanpela diwai we i ken kisim bikpela moni insait long rijen bikos em i gutpela diwai bilong mekim ol kabot, sia na tebol. Ol i save planim diwai bilong bikpela het bilong em i save haitim strong bilong san. Skin diwai bilong em yu ken boilim na yusim olsem marasin bilong sik disentri o pekpek blut. Yu ken yusim skin diwai bilong em long tritim sik TB na ol sua.

MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai"

Lokol bisnismen tekova long Agmark Buin



BIKPELA BISNIS: Kakao em i bikpela bisnis long Bogenvil na ol arapela provins insait long Niugini Ailans rijen.

Noreen Dada i raitim

AGMARK opis long Buin, Saut Bogenvil nau bai i stap aninit long lukaut bilong wanpela as ples bisnismen bihain long wanpela tok wanbel i kamap namel long kampani na ol asples Buin manmeri yet.

Dispela senis long bosim dispela kampani i kam namel long ol stil pasin we i kamap long mun Oktoba las yia.

Dispela i lukim ol man husat i gat gan i bin brukim opis bilong Agmark long Buin taun na ronawe wantaim K13,000 na ol sek moni we monimak bilong ol em i antap tru.

Wanpela opisa long Buka Agmark Opis i tok long dispela as tasol na menesmen i bin

pasim tok long givim kampani bilong ol i go long Dominic Korake na em bai kamap bosman bilong Agmark long hap.

Em i tok tu olsem kampani bai no inap ron aninit long nem bilong Agmark moa.

Ol opisel bilong Agmark i tok ol i mekim tok wanmel wantaim Mista Korake long em bai baim kakao stok long ol (Agmark) na sasim prais bilong em yet long ol. Ol i tok mani em i kisim bai go stret long akaun bilong em.

"Mista Korake bai kamap bosman na em bai menesim na makim prais long kakao em yet. Tasol tok wanbel i stap pinis we em i mas baim stok bilong em long mipela tasol," ol Agmark opisel i tok.

Polis na ol bisnis long Buin em

ol lain husat i save karim hevi olgeta taim long ol stil pasin. Dispela hevi i mekim planti bisnis i pasim ron bilong ol long lusim distrik.

Ol Agmark opisel i tok dispela kain pasin bai bagarapim wok bilong bisnis bai i hat long ol long wokim bisnis long hap. Ol arapela hap we ol i save wok kakao em Tinputz, Wakunai na Wes Kos long Kunua na Keriaka, i wok long ron gut na i no olsem Buin taun.

Agmark long Bogenvil i wok long salim kakao long Kokopau long Buka i go long Rabaul we ol i save salim i go long arapela kantri. Agmark em i bikpela kampani husat i save salim na baim kakao na ol i save salim 70% bilong Bogenvil kakao i go long ol arapela kantri.



Cat® 428D Backhoe Loader

Raising the standards for performance, versatility operator comfort.

More than a machine. A Partner.

The 428D benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- **Engine and Hydraulics** - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it, when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

Hastings Deering



PORT MORESBY
Spring Garden Road, Hahola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144

Product People Commitment.
We deliver.

Radio TOK PISIN long

TOK PISIN NEWS

from Radio Australia

radioaustralia.net.au

101.9FM
Port Moresby

Tok Pisin Service
6am - 7am
5995, 6025, 9710, 1200KHz

PACIFIC BEAT

Strongpela mekimsave long pasin reip i soim senis long tingting

PNG i gat bikpela reip pasin o pasin long bagarapim meri we ol lain i wokim dispela pasin nogut i no kisim bikpela mekimsave. Long las yia, kantri i bin rekotim 800 reip keis. Tasol nau, bipo Madang Gavana James Yali i go kalabus long 12-pela yia long reip-im liklik susa bilong meri bilong em na dispela bai helpim kamapim sampela senis long pasin bilong ol man long dispela samting. I luk olsem strongpela mekimsave long bikpela man olsem inap kamapim sampela senis.



DAUNIM PASIN REIP: Dame Carol Kidu (tephan), Minista bilong Komyuniti Developmen i tok bikpela mekimsave bilong pasin reip nau em i soim olsem pasin i wok long senis. Praim Minista Sir Michael Somare (raitthan) tu i autim tingting bilong em olsem kantri i bagarap long pasin bilong reip. - *Fail Foto*

Husat i askim:
Steve Marshall
Husat i bekim:
Dame Carol Kidu
Komyuniti Developmen
Minista-PNG, Ume
Wainetti, Program
Kodineta- Famili na
Seksuel Vailens Eksen
Komiti.

MARSHALL: James Yali em Provinsel Gavana bilong Madang bai kalabus long 12-pela krismas long reipim liklik tambu bilong em husat i bin gat 17 krismas long 2004 taim reip pasin i bin kamap.

Dispela kain mekimsave i mekim planti pipel long PNG i kirap nogut. Wanpela samting em man ya i holim bikpela posisen em kot i painim em i rong na namba tu, dispela em bikpela mekimsave tru.

Ume Wainetti em program Kodineta bilong Famili na Seksuel Vailens Eksen Komiti (FSVAC) long Pot Mosbi.

WAINETTI: Long namba wan taim, ol kot long kantri bai wokim samting long ol lida husat i save yusim kran-gi posisen bilong ol we long longpela taim, ol i wok long abrus long en long ples.

Planti lida i wok long mekim dispela kain pasin na mi hop bihainim dispela, ol i kisim meses o tok klia olsem ol i no stap antap long lo.

MARSHALL: Reip, pek reip o planti man bung na bagarapim wanpela meri na seksuel abius i save kamap planti tru long PNG na long wanpela reli las yia, Praim Minista Sir Michael Somare i bin autim bel hat bilong em na singaut, "Hangamapim ol man i wokim pasin bilong reip."

Tasol planti taim, ol reipis i no save go kalabus o ol i save kisim liklik mekimsave tasol.

Keis bilong Yali i go kalabus i senisim piksa na Ume Wainetti i tok dispela bai givim strong long ol arapela husat i kisim wankain birua long kamaut na ripotim.

WAINETTI: I gat ol lida husat i wokim pasin bilong ol marit wantaim ol yangpela gel o meri na planti taim em ol i "bikpela man" na mipela i noken ripotim ol. O meri bilong em i save tok mi mas lukautim em na gutpela nem bilong em na wok em i holim, na olsem, mi mas noken ripotim em.

Nau em i taim nau long yumi kam fowet na tok, maski yu wanpela man bilong bungim pipia long rot o praim minista bilong kantri, yu no inap wokim ol dispela kain samting na ronawe.

MARSHALL: Long yia 2002, Minista bilong Komyuniti Developmen Dame Carol Kidu i bin tok oraitim nupela lo bilong reip na lukautim ol pikinini long ol hevi bilong bagarapim ol (seksuel vailens).

Dame Carol i pilim olsem dispela 12-pela yia kalabus we Mista Yali

i kisim bai salim strongpela tok lukaut long piksa bilong PNG i go long intenesenel komyuniti.

KIDU: Lo bilong yumi i wok na em i wanpela strongpela judiseri bilong wokim ol disisen na givim kain mekimsave long wanpela lida olsem. Olsem na ol pipel i tok kantri i wok long bruk bruk i mas tingting gen long dispela.

Em i klia tru olsem as tingting bilong ol han bilong gavman i wok na gut ol yet na judiseri i wokim dispela disisen long em yet.

RADIO TOK PISIN PROGRAM	
TUNE IN: 101.9 FM	
Radio Australia Tok Pisin Program - stat long mun Mas 2005	
MANDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Spots
7.30PM	Nius na Karent Afeas
8PM	Hett
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Mama Graun
8.15PM	Musik/Spots
8.30PM	NIUS
8.40PM	Hett Riplei
8.55PM	Musik
9PM	Stesen Pas
TRINDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE	
Nait	
7PM	Stesen op - Ol Nius Hettain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE	
Nait	
7PM	Stesen op - Ol Nius Hettain/Program Priviu
7.05PM	Musik na Chit Chat
7.30PM	Nius
7.40PM	Femii Blong Serah (Radio Plei)
8PM	Luluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE: YU KEN HARIM RADIO AUSTRALIA TOK PISIN NEWS AUA 7 DE LONG YANIM

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

<p>RAGBI LIG OKUK MORI ROGERSON KAP Sir Hubert Murray Stadium Kota Fainel Sarere - 28 Januari, 2006</p> <p>10:00 Oitomo Barbarians vs 4 Mile Cats 11:30 Backyard Cowboys vs Daima Gunz 1:00 Moitaka Dragons vs Bomai Eagles 2:30 Flame Nambis Storms vs Gordon Ridge</p> <p>Byes: 5 Mile Spiders & Kone Sharks</p> <p>Sande - 29 Januari, 2006</p> <p>A Gret 10:00 6 Mile Warriors vs Oitomo Barbarians 11:30 5 Mile Spiders vs 4 Mile Cats 1:00 Makana Cowboys vs Moitaka Dragons 2:30 Flame Nambis Storms vs N33 KM</p>	<p>Storms Byes: D8 Mosquitoes & 7 Mile Jets</p> <p>MORATA RAGBI LIG Sarere - 28 Januari, 2006</p> <p>C Gret 09:00 Gateway Sharks vs Kongo Ratz 09:30 TS Hawks vs Community Tigers 10:00 Megusa Brothers vs M3 Bulldogs 10:30 Eastern Eels vs Northern Warriors 11:00 Talapia Magpies vs Wata Rangers 11:30 Mumuts vs West Kanges 12:00 Giburi Raiders vs Newtown Knights</p> <p>B Gret 12:30 Gateway Sharks vs Kongo Ratz 1:20 TS Hawks vs Community Tigers 2:10 Megusa Brothers vs M3 Bulldogs</p>	<p>3:00 Eastern Eels vs Northern Warriors</p> <p>A Gret 3:50 Mumuts vs West Kanges 4:40 Giburi Raiders vs Newtown Knights</p> <p>Sande - 29 Januari, 2006</p> <p>B Gret 09:00 Talapia Magpies vs Wata Rangers 09:40 Mumuts vs West Kanges 10:20 Giburi Raiders vs Newtown Knights</p> <p>A Gret 11:00 Gateway Sharks vs Kongo Ratz 12:00 TS Hawks vs Community Tigers 1:00 Megusa Brothers vs M3 Bulldogs 2:00 Eastern Eels vs Northern Warriors 3:00 Talapia Magpies vs Wata Rangers 4:00 Morata 1 vs Morata 2 - Origin Final</p>	<p>VOLIBOL MORATA MERI VOLIBOL Sarere - Januari 28, 2006</p> <p>B Gret - Kot 1 1:00 Gateway Sharks vs Kongo Ratz 1:30 TS Hawks vs Community Tigers 2:00 Megusa Sisters vs M3 Bulldogs 2:30 Eastern Eels vs Northern Warriors 3:00 Talapia Magpies vs Wata Rangers 3:30 Mumuts vs West Kanges 4:00 Giburi Raiders vs Newtown Knights</p> <p>Sande - Januari 29, 2006</p> <p>A Gret - Kot 2 12:00 Gateway Shark vs Kongo Ratz 12:30 Megusa Sisters vs M3 Bulldogs 1:00 Talapia Magpies vs Wata Rangers</p>	<p>1:30 Giburi Raiders vs Newtown Knights</p> <p>A Gret - Kot 2 12:00 TS Hawks vs Community Tigers 12:30 Eastern Eels vs Northern Warriors 1:00 Mumuts vs West Kanges 2:00 Morata 1 vs Morata 2 - Origin Final</p> <p>NETBOL PRAIVET KAMPANI NET-BOL</p> <p>Primiar Divisen - Kot 2 1:00 Brian Bell vs PPrint 1 1:45 Courts vs Daltron 2:30 Fairdeal vs Kenmore 3:15 Kina Sec vs BSP 1</p> <p>Divisen 1 - Kot 3 1:00 STC Fin vs HDPNG 1:45 Pryde vs NTIL 2:30 OSL vs SPB 1 3:15 Datec 1 vs Theodist</p> <p>Divisen 2 - Kot 4</p>	<p>1:00 AHC vs Datec 2 1:45 CCA vs GFI 2:30 ANZ vs Pomtrans 3:15 QBE vs Bye</p> <p>Divisen 3 - Kot 5 1:00 PWC vs WPC Askonca 1:45 LBC vs Kumul Hotels 2:30 C-Bros vs B-Bros 3:15 Brian Bell 2 vs The National</p> <p>Divisen 4 - Kot 6 1:00 BSP 2 vs WPC Handypay 1:45 PNGSF vs Meddent 2:30 Moore vs Andersons 3:15 STC Shipping vs Bye</p> <p>Divisen 5 - Court 7 1:00 Renos vs POSF 1:45 Pac. Ind vs Bko Motors 2:30 C-21 vs Fincorp 3:15 Able Computing vs Mirupasi</p> <p>Divisen 6 - Kot 8 1:00 RH H Mart 1 vs J ohnstons Pharmacy 1:45 Paraka vs Ela</p>
---	--	--	--	--	---

Pini Spot Profail

Nem:
De Mama Karim:
Kantri:
Ples Mama Karim:

RYAN PINI
10.12.81
Papua Niugini
Pot Mosbi
Jenerel Haus
Sik
Kevin
Serenah

Skul:

Stap long wan
pela yunivesiti
long Australia
tasol nau yet i
stop na mekim
pat taimstadi
tasol.

Pilai i stap long en:
Klab i stap long en:

Swimming
Papua Niugini

Kosa long hia:
Klabi i stap long en:


Swimming Inc.
PNCSI Taget
Skwat
Elizabeth Wells
Boroko Amata
Swimming Klab
Inc
Rick Van Der
Zant

Kosa long Australia:

Long makim
kantri na go
long Komenwel
Gem na mekim
gut.

Ol pilai i kamap long ol:

-2002 Osenla
Semplonsio,
2002 Komenwel
Gems, Osenla
Semplonsip.



2003 Fiji Saut
Saut Pasifik Gems,
2004 Atens Olimpik
Gems, 2004 FINA
Swimming
Semplonsip,
Amerika, 2005
Semplonsip,
Australian Sot Kes,
2005 FINA Swimming,
Kenada na nau Jan 29
2006 Australia

Tingting bilong Elizabeth Wells:

Ryan i groa long pilai
em i laikim tumas
long en na dispela i
bin go wantaim
strongpela tingting
em i gat na en long
kamap namba wan
man long swim long
PNG. Em i makim
kantri wantaim ol
gutpela mak long
2004 na 2005.

Kamap PNG Spotman-bilong-Yia:

2003, 2004 & 2005

Tok tenk yu:

Pini i givim tok
tenk yu i go long
olgeta na ol
sponsa bilong
em long sapot
em i kisim.





PILAI YET: Ren i pasim planti pilai long las wik Sarere long Pot Mosbi tasol i no inap pasim ol pilai bilong NCD Pablik Sevens soka resis. Hia yu ken lukim ol pilaia bilong B-Mobile i mekimsave wantaim ol pilaia bilong Woks long Sir John Guise Stedum. B-Mobile win 2-0.



LUKAUT LONG MIPELA: PNG Ragbi Futbol Lig deputi siaman Albert Veratau (rait han) i sanap wantaim nupela SP Kap tim opisel na pilaia em Wari Vele Raiders las wik.



STRONG TUMAS: Wanpela pilaia bilong Daima Guns i traim brukim bun wantaim ol 5-Mail Spiders long Okuk Mori Kap ragbi resis tasol i no inap.



REDI: Tupela pilaia bilong Elcom (lep han) na Brown Eagles i redi na was tasol we Elcom i sokim Ealges 12-7 long Pot Mosbi man A Gret sofbol las Sande.




BLOK: Robert Piki bilong Coasters i pasim gut tru wanpela bal bilong ol BNG Poreporena long Pot Mosbi A Gret kriket long Colts pilai graun las Sande.



LUKLUK TASOL: Linda Vanuawaru bilong BSP (GS) i save olsem sapos em i holim bal antap bai Rebu Mea bilong PNG Printing bai i no inap long kisim. BSP win 23-12.

Ol Foto: ANDREW MOLENNI

Hingis i go olsem 'andadog'... Australia tennis open



YAH: Swiden tennis kwin Martina Hingis i hapim han i go antap wantaim amamas bihain long wanpela win bilong em long Australia tennis open dispela wik.

MELBON, Australia: Martina Hingis husat i bin bungim namba tu meri long tennis wol renk Kim Clijsters aste avinun long Australia Open kwata fainol we *Wantok Spot* i no bin gat taim long sekim mak bilong pilai i bin kam long pilai olsem anda dog.

Sapos em i bin win aste dispela i gutpela nius long dispela bipo wol namba wan na 2004 Wimbledon sempion.

Na win tu i min olsem em bai pilai semi fainol tede egensim meri Rasia Maria Sharapova husat i bin winim Nadia Petrova 7-6, 6-4 long aste.

Long wankain taim wol namba wan meri Lindsay Davenport i lus long namba 8 ples tenis meri long wol em Jean Henin-Hardenne 2-6, 6-2, 6-3. Hardenne nau bai pilai wantaim Amelia Mauresmo husat i pilai egensim Patty Schnyde na winim em.

Lus bilong Davenport i min tu olsem nogut em bai lusim dispela namba wan ples bilong em long arapela pilaia long dispela tonamen.

Long pilai bilong ol man wol namba wan Swisilen Roger Federer i wok long winim isi ol pilai bilong em egensim ol arapela pilaia. Em bai mas pilai egensim wol namba faiv pilaia Nikolav Davydenko aste we gen *Wantok Spot* i no bin inap long kisim stori.

Narapela pilai i lukim wol namba foa ples David Nalbandian i hamarim nupela boi Fabrice Santoro 7-5, 6-0, 6-0. Nalbandian nau bai bungim Nicolas Kiefer bilong Jemeni husat i winim Sebastian Grosjean bilong Frans 6-3, 0-6, 6-4, 6-7, 8-6.

Na long pilai namel long Hingis na Clijsters Hingis, 25, i tok pilai bilong em egensim pilaia bilong Beljium long 2002 i lukim em i kisim sampela bagarap na olsem em i mas lusim pilai tenis.

"Em long longtaim i go pinis," Hingis i tok. "Em i go moa yet long pilai bilong em, mi laik traim long kisim bek sampela tingting em bipo mi gat long en. Na olsem dispela bai nupela stori long dispela taim... em i fevoret nau na mi kam olsem liklik dog," Hingis i tok.

Long pepa kain toktok em Hingis i mekim i tru. Dispela pilai bilong em wantaim Clijsters long aste i soim olsem em husat i stap long namba 349 long wol renk i bin pilaim wol namba 2.

Tasol dispela meri husat skin bilong em kirap long pilai gut i namba wan meri long dispela Open tonamen we em i kam olsem pilaia husat i nogat nem na aste i go insait long kwata fainol.

Tasol long wankain taim Clijsters husat i gat planti sua long bodi bilong em i bin tingting long pinis long dispela Australia Open tasol i pait hat yet na nau i go insait long kwata fainol tu. Clijsters i sempion bilong Amerika Open.

Long dispela Hingis i to Clijsters bai tingting long ol sua bilong em na bai painim wei long autim tiket bilong em hariap bipo long Hingis i kisim em. "Tru tru em bai mekim ol samting long kisim kwik ol poin na olsem mi mas mekim ol samting long holim em yet long kot," Hingis i tok.

Stuart bihainim save bilong Stet ov Orijin.

AUSTRALIA: Nupela Australia nesenel kosa Ricky Stuart bai kisim lip long Stet ov Orijin buk long kisim inap olsem 10-pela mun long redim 44-man Australia ragbi lig skwat bipo long 2006 Trai Nesen pilai.

Australia Ragbi Lig long Tunde i tokaut long dispela kem we bai kamap long Bondi i gat bilip olsem planti ol biknem pilaia olsem Matt Orford bai kisim tamiok.

Na ol nupela nem olsem Greg Inglis, Tim Smith, John Sutton na Ashton Sims bai kamap long makim Australia.

Andrew Johns, Ben Kennedy, Brent Tate, Craig Gower, Danny Buderus, Darren Lockyer, Petero Civoniceva na Shaun Berrigan em ol i pogivim ol long as bilong sampela samting i pasim ol na olsem ol i no inap stap long dispela kem.

Wantaim ol em ol pilaia bilong NRL primia West Tigers klab husat nau i wok long redi long kamap long Wol klab semionsip egensim Ingran Bradford Bulls long Februari 3.

Tasol nupela Manly man Orford na Sidni Roosters hap bek Brett Finch em ol sampela save pes we bai i no inap stap.

Long ol i no stap i givim spes long ol yangpela hap bek olsem



O-OHI Nupela Australia nesenel kos Ricky Stuart i no amamas long wei sampela pilaia bilong em i pilai. Em i laik bringim bek nem bilong Australia.

Smith na Sutton. Na Australia Ragbi Lig sif eksekutiv Geoff Carr i tok i tru ol i mekim selesen pinis tasol dispela i no pinis bilong olgeta samting.

"Matt Orford i ken gat sans long go insait long skwat... Nogut em i yusim dispela long strongim tingting bilong em long pilai hat olsem ol selekta i lukim em i gat strong yet na olsem ol bai makim em gen long skwat," Carr i tok.

Stuart husat i kisim ples bilong Wayne Bennett bihainim ol las yia Trai Nesen pilai we i lus i tok em bai mekim olgeta samting long bringim bek dispela biknem bilong Australia i kam bek long ragbi.

Carr i tok Stuart i laik yusim dispela stail bilong Orijin long strongim ol Kangaroo bipo long ol i bungim king bilong Trai Nesen em Nu Silan Kiwis long Mei 5.

PM i save malolo, olsem wanem long Ponting?

AUSTRALIA: Brad Hodge husat i kisim ples bilong Australia kepten Ricky Ponting skelim malolo em Praim Minista bilong ol Bob Howard i kisim i go long Ponting na i tok sapos Howard i save kisim malolo olsem wanem long Ponting.

Dispela em bihain tasol long ol opisel i larim Glen McGrath i kisim malolo. Dispela ol senis em ol i mekim we i lukim i lus long Sri Lanka long 50-ran we Sri Lanka i winim ol pilai long Sidni Kriket Graun las wik.

Ol opisel bilong Australia Kriket bod i traim sensim ol pilaia long painim gutpela tim we bai go insait long 2007 Wol Kap pilai long Wes Indies.

Hodge husat i wok long mekim sampela wok long taim bilong san i kisim singaut long go insait kisim ples bilong Ponting na pilai egensim Sri Lanka long Adelaide.

"I gat planti kriket pilai i kamap



KISIM MALOLO: Australia kriket kepten Ricky Ponting redi long hamaraim wanpela bal. Nau em i mas kisim sampela malolo.

long wanpela yia na mi ken save long ol kain pilai olsem Ponting (Adam Gilchrist) na (Glen McGrath) husat i laik kisim malolo," em i tok.

"Mi no save sapos em i wanpela pilai, tupela pilai, tripela pilai

o i no save hamas taim em Ricky i laik kisim long malolo," Hodge i tok. "Mi no laik putim planti hevi long mi yet bikos hevi long stap sotpela taim em yu gat liklik taim long pilai gut long mekim nem i kamap i bikpela gen," em i tok.

Wanem samting i stap moa long Kobe, 100?

LOS ANGELES, Amerika: Rekot bilong Wilt Chamberlain long kamapim 100 skoa long 44 krikmas i go-pinis i bin hat long kamapim long ol dispela taim.

Tasol nau i luk olsem dispela em inap.

Ating Kobe Bryant inap long wokim.

"Mi ting em inap. Mi no save Bro. Em samting i hat long tingim," Los Angeles i tok.

Na olsem long 81. I olsem bipo long Sande nait.

Tasol Bryant husat oltaim i save hat long pasim long putim basket i gutpela moa long las

Sande taim em i pilai egensim Toronto Raptors em i skoaim 28 poin long 31 poin bilong las kwata. Long dispela em i kamapim bikpela mak long brukim rekot bilong NBA histori.

"I no inap long driman bilong mi," em i tok.

Chamberlain i kamapim 100 poin long taim basketbol i narapela kain pilai we long dispela em i mekim gut long helpim Philadelphia i winim Niu Yok Knicks long Hershey long Penslavenia, long Mas 2, 1962.

Long dispela i no bin gat dispela 3-poin skoa na maski sapos

dispela poin i no stap Chamberlain i no inap long wari long wanem em i tu (2) na hap mita longpela. Na long dispela em i bosim olgeta kona bilong kot. Na 6-6 Bryant i mekim seven ausait long banis bilong em.

Difens em Chamberlain i no bin wari long wanem olgeta samting em i lukautim. I no bikos ol Raptors i no gutpela long difens we dispela i lukim Bryant i mekim gut long dispela pilai. Nogat.

Tasol long wankain samting i kamap pilai bilong Bryant na Chamberlain i wankain.

SPOT RAUN

wantaim

SCOTT VAVINE



Sentrel provins Wari Vele Raiders

BIKPELA tok tenk yu i mas go long Wari Vele long sponsaim Sentrel provins ragbi lig tim we i givim sans long planti ol pilaia long soim strong bilong ol.

I nogat kain sans i save kamap planti tasol gutpela tru Wari i kamapim dispela sans.

Taim mi tok long ol pilaia husat i gat gutpela save long pilai tasol husat i no bin gat sans mi minim stret dispela sans.

Bikos kain sans i no save kamap planti Vele i lukim dispela na putim mani long developim. Laik bilong em long sapotim na developim strong ol yangpela i bikpela samting tru we i hat long tok tenk yu tu.

Vele i laik lukim olsem ol manki i mas i go moa yet long save na strong bilong ol we dispela pilai ragbi i ken bringim long ol. Na sapos dispela sans i ken bringim ol i go moa long level we lokal biknem ragbi lig pilaia bilong mipela Marcus Bai i gat long en dispela i gutpela tru.

Vele i gat strongpela tingting we wanwan ol strongpela ragbi lig sapota i gat long en. Na dispela em long lukim olsem ol yangpela bilong mipela i kisim gutpela sapot long long soim strong na save bilong ol.

Long taim Vele i givim kain sapot olsem yumi mas luksave olsem kain helpim bai hat long kamap isi long kain taim olsem we kantri i wok long bungim hevi bilong mani.

Tasol wanem samting Vele i laik lukim bihain long ol pilai i kamap em long lukim kaikai bilong dispela sapot em i givim. Dispela i min olsem ol pilai i mas kamap gut.

Tasol long kamapim ol gutpela pilai askim i stap wantaim ol lain husat i mekim tim?

Na gutpela ansa bai kam long ol lain em mi tok pinis husat i mekim tim. Dispela i min menesmen na ol pilaia wantaim.

Mi lukim olsem long kisim ol opisel aplikesen bilong kosa, menesa, tim dokta, trena na olsem arapela posisen i go aut pinis.

Na gutpela man tru bai winim dispela ples tasol long ol selekta dispela bai wanpela hetpen wok. Em bai hat long makim hariap wanpela ol gutpela man long stap long menesmen we ol i ken kamapim kaikai bilong tim.

Tasol gen maski sapos tim i gat gutpela kosa o trena na sapos em i no kisim gutpela bekim long ol pilaia na sapos ol pilaia i no harim tok em kosa i tok long em, dispela tim bai i no inap kamap gut.

Olgeta samting i stap long gutpela sapot long olgeta lain. I mas i gat gutpela wokbung namel long ol pilaia na menesmen. I olsem ol pilaia i mas harim tok bilong kosa na menesmen na menesmen i mas mas lukautim ol pilaia.

Kosa na menesa i stap wantaim ol pilaia na lukim olsem ol pilaia i stap wantaim tim olgeta taim tu long taim bilong tren na pilai.

Tim i wankain olsem wanpela famili. Pikinini i mas toksave long papamama long wanem em i laik go na olsem oltaim em i mas stap aninit long lukaut bilong papamama.

Na sapos papamama i no save stap gut wantaim ol pikinini na lukautim ol orait ol pikinini bai go nabaut na paul. Dispela i wankain long tim.

Olsem tasol mi askim Sentrel provins ragbi lig tim olsem sapos ol i laik kamapim ol gutpela pilai orait i mas i gat oda long tim.

Stat log de wan taim menesmen i makim tim i mas i gat ol lo we i stap pinis long soim wei ol opisel na ol pilaia bai i stap long en.

Ol narapela SP Kap tim olsem Pot Mosbi Brian Bell Bulldog, LBC Bombers, Rabaul Agmark Guria, Goroka Lahanis. Mt Hagens Chemica Cowboys, Wabag Toyota Mioks na Mendi Mabey & Johnson tu i redi. Pot Mosbi Monier Broncos i redi long nupela menesmen na bai i gat nupela Kundiawa Warriors.

PNG Kundu mekim Kwinslen wokabaut

ragbi

Paul Zuvani i raitim

PAPUA Niugini Kundu sait bai bung long Pot Mosbi long dispela Februari long redi long mekim 10-pela de wokabaut i go long Not Kwinslen, Australia.

Long wokabaut ol bai holim tripela de trening kem wantaim Not Kwinslen Cowboys.

Tim menesa Alfie Davies i tok ol inap mekim moa dispela kain wokabaut bihain sapos dispela wokabaut bilong ol i go gut na i gat gutpela wokbung namel long PNG Ragbi Lig na Not Kwinslen Ragbi Lig.

Davies i tok planti ol paspot bilong ol manki em ol i kisim pinis we ol i redi long stretim.

Tasol em i tok ol lain husat i no stretim gut yet paspot bilong ol i mas stretim bipo long ol i givim i go long opis bilong em.

Na husat pilaia o opisel i laik kisim toksave i ken ringim opis bilong em long telepon namba 325 1991 o long feks namba 325 9226 o long Niu Ailan ol i ken ringim Alois Tobata long telepon namba 982 8611, Noten Rijin Steve Malum long telepon namba 472 2011/472 1722 o Hailans rijin long Joe Tokam long telepon namba 723 1385.

Ol pilaia we ol i makim ol long taim bilong BOC Anda 19



TRU YET: PNG Kundu tim (Anda 16) we i mekim wokabaut i go long Rasia wol kap las yia i sindaun amamas na kisim piksa.

Jon Sempionsip long Lae las yia i mas lukim olsem ol i salim kain samting i go long opis:

- FOAPELA paspot sais pota we ol i sainim long bak-sait;
- OL paspot aplikesen we i gat luksave bilong atoriti;
- KOPI bilong ol pepa long mama karim ol (betde setifiket) o pulim aplikesen we ol i no inap;
- BAIM K1000 levi fi.

Davis i tok pinis bilong de long ol i stretim dispela ol

samting em long Januari 31. Davies i tok dispela em long givim taim long ol pilaia long redim ol yet bipo long ol i go long Australia long Februari 17. Tasol em i tok bikpela samting em dispela ol pilaia nau long dispela taim i mas wok long tren wantaim ol SP Kap tim we i stap klostu long ol.

Na i gat luksave olsem ol Rabaul Agmark Guria i holim sampela trening wantaim ol manki bilong ol we dispela i

lukim PNG Praim Minista hap bek Jessie Alunga i go long Kimbe, Wes Nu Britan na trenim ol.

Dispela Kundu tim em Pot Mosbi Brian Bell Bulldog kosa Chris Enara bai kosim.

Namba wan pilai bilong ol Kundu bai wantaim ol yangpela sait bilong Not Kwinslen Cowboys Yang Gan long Februari 18. Dispela pilai bai i keten resa bilong pilai namel long ol Cowboys na Nu Silan Warriors long NRL trael pilai.

Bihain long dispela tim i go long Mackay, go daun saut long Kwinslen long Februari 24. Long Mackay ol bai pilai wantaim selek sait we dispela bai i keten resa bilong pilai namel long Not Kwinslen Cowboy na Saut Rabbitohs NRL trael pilai.

Long Februari 26 ol i kam bek long Cairn na long narapela de i kam olgeta long Pot Mosbi.

PNG Kundu skwat em Willie Sam, Felix Moses, Noel Waso, Venon Kaylo, Jeffrey Pati, Victor Manap, Joel Ambrose, Hector Morris (Noten), Soli Boski, John Mong, Phantomist Ngala, Alois Wailong (Ailans) Max Romarang, Jason Tali, Dion Aiya, Nos Gabriel, Api Warigeso (Hailans) David Emiabo, Sylvester Owabu na Gabriel Timiriki (Sauten).

Blues laik winim olgeta Morata Orijin pilai

Paul Zuvani i raitim

MORATA Blues i laik pinisim gut 2006 Morata Orijin tonamen bihain long ol i winim pinis tupela pilai pastaim.

Las yia ol i bin olgeta Orijin pilai na olsem ol i mekim gen wankain long dispela yia, kosa Yanga Hayes i tok.

Em i tok ol i no wari sapos ol i winim pinis 2006 siris bihain long ol i winim tupela namba wan pilai.

"Mipela i no inap givim sans long namba tri na larim ol Maroons i win," Hayes i tok taim ol Maroons i no amamas long wei ol i bin pilai long en.

"I tru mipela i gat sampela ol SP Kap pilaia olsem Nickson Nagel, Wesley Jeffery na Felix Willie tasol dispela i no ken tok mipela i win long strong bilong ol. Nogat. Olgeta manki i pilai hat long win," em i tok.

Em i tok Morata lig i wanpela strongpela lig na olsem ol i laik soim olsem ol i ken kamapim sample ol gutpela pilaia we i ken stap insait long ol bikpela pilai olsem SP Kap resis na sapos inap i ken putim Kumul jesi.

Tasol long taim ol i laik winim olgeta Orijin pilai Maroons kepten na senta Tony Bare i tok ol i lus long wanem ol i no bin lukautim gut

bal bilong ol. "Sapos mipela i save lukautim gut bal bilong mipela na pilaiaim olgeta siks-pela set mi bilip em i inap long helpim mipela long putim sampela poin long skoa bod. Moa yet i gat hevi long ol senta na ol seken ro na i gutpela mipela i mas stretim dispela tupela hap bipo long mipela i go insait long namba tri (Orijin) pilai," Bare i tok.

Long taim ol pilai i kamap kodineta bilong Morata lig John Mawe i askim Pot Mosbi Ragbi Lig na ol Klab long go lukluk raun na painim sampela ol manki ol i bilip inap kamapim ol gutpela pilai na sapos inap go insait long SP

Kap tim. Mawe i tok Morata Lig i strongpela lig we i wok long kamapim ol pilai moa long 20 yia na olsem planti ol pilaia bilong em i kamap pinis long ol bikpela pilai i soim olsem ol arapela klab i ken riktrud long Morata Lig.

Na long wankain taim ol meri long Morata 1 na Morata 2 i wok long givim gut volibol Stet ov Orijin pilai.

Dispela em i namba wan yia bilong ol meri i pilaiaim Stet Orijin we dispela i lukim Morata 1 i winim pinis tupela pilai. Dispela i min tu olsem ol i winim pinis dispela siris maski ol i go insait long namba tri pilai.

Pini- bikpela "pis" bilong kantri redi long bikpela pilai

... i kam long bek pes

Tasol long kamap long gren fainol bilong dispela ol resis em i tok em ol Australia manmeri tasol. Dispela long wanem em i sempionsip bilong ol na em i kamap long swim bihainim askim em i kisim.

"Mi pilim orait tasol. Mi kisim gutpela taim, Pini i tok. "Mi hangre long kamap long dispela ol pilai."

"Mi bai traim olgeta strong bilong mi long mekim gut. Na dispela bai wanpela spit resis na olsem mi mas traim hat."

"Mi bai resis long 50 mita

bekstrok, 50 mita fristail, 100 mita fri stail na 100 mita flai. I gat ol biknem asples man olsem Matt Welsh, Adam Pine, Geoff Hueguill, Ian Thorpe na Michael Klim husat i sempion long wanwan ol dispela mak," em i tok.

Askim long sapos i gat sampela samting we em i wok hat long em long dispela taim em i tok kamaut long wara long pulim win na go insait gen em samting em i wok long em.

Tasol em i tok long taim i kam em i mekim sampela gutpela senis na i lukluk long mekim gut moa.

Pini i tok em i no tren wantaim sampela ol biknem swim man tasol i kisim gutpela trening aninit long Zant. Em i tok 9-pela taim long wanpela wik em i save tren, planti em long avinun.

Elizabeth Wells, PNG Swimming Inc presiden na bos bilong Pini long kantri i tok em i amamas long ol gutpela swim Pini i mekim.

"Dispela i soim olsem Pini i wok hat na olsem hatwok bilong em i karim kaikai," Wells i tok.

"Mi amamas long em i kamap long Australia sempionsip na sapos em i kamapim

sampela gutpela mak moa, dispela i gutpela tru na i ken strongim tingting bilong em," em i tok.

Pini i wanpela PNG etlit husat i kwalifai pinis long kamap long Melbon Komenwel Gem.

Ol arapela PNG pilaia husat i kwalifai long kamap em wetlifting daimon meri Dika Toua, hedola Mowen Bowen na PNG boksing tim. Sampela pilaia i traim yet we PNG Tim eksekutiv bai tokaut long em bihain taim.

I gat ol pilaia long PNG Swimming tim na PNG Etetik tim husat i traim long kwalifai.

Aitape i dia tumas, makim namel ples: Farok

soka

Bustin Anzu i raitim

PRESIDEN bilong Wau Soka Asosiesin i no amamas long tingting bilong Momase Soka Federesen long holim Rijinol klab sempionsip long Aitape.

Em i askim ol long putim dispela tonamen long ples we bai isi long ol narapela tim long ausait i ken go na pilai.

Shem Farok i tok dispela long wanem sampela o planti bilong ol dispela tim em ol tim i kam long ol ples na sait bilong salim tim i go long kain ples olsem i hat long sait bilong moni na dispela pilai i mas kamap long namel ples we bai mekim isi long ol pilaia na ol opisol.

"Rijinol klab sempionsip em i wanpela long ol dispela bikpela pilai long ol primia na rana ap long stap insait long dispela ol pilai resis na bai kwalifai long pilai

insait long nesinol klab, we PNGFA i luksave long en. Olsem na ol i mas gat gutpela luksave," em i mekim dispela toktok bihain long presiden bilong Momase Rijinol Soka Federesen (MRSF) John Peka i tok olsem dispela pilai bai ol i pilai long Aitape long Apriel," em i tok.

Em i tok tu olsem long pastaim luksave bilong em dispela em i gutpela samting tasol em i moa gutpela ol i mas promotim soka long ol rait ples na i no insait long ol ples hait na i longwe long ples bilong kisim ka na balus.

Tasol MRSF i gat polisi bilong em olsem long sait bilong promotim soka insait long ol haus lain, i gutpela long kisim ol pilai kain olsem i go aut. Momase rijon i gat nem long soka long larim ol distrik i ken ronim ol pilai olsem Finschhafen, Kaiapit, Aitape, Maprik na nau Aitape gen.

Ol narapela distrik insait long

Momase bai holim ol kain pilai olsem. Tasol Farok i tok ol narapela senta i holim dispela kain pilai long wanem em ol Rijinol kap tonamen na dispela em ol klab bai kisim taim long salim ol tim i go long pilai.

Farok i tok tu olsem Lae Futbol Asosiesen na Lahi bai i go pilai insait long dispela resis long wanem ol i gat gutpela sans long moni na sponsasip na ol narapela bai painim sampela kain hevi.

Farok i bilip bai ol opisols bilong MRSF bai painim narapela hap ples bilong pilai we bai mekim isi long ol narapela klab bai isi long go.

Long wankain nius, sempion klab bilong Lae Futbol Asosiesen Shorncliffe Blue Kumuls i stat trening pinis long pilai insait long dispela Rijinol klab sempionsip long Aitape.

Kosa Ludwig Peka wantaim kepten Michael 'saka' Yagum i stat kisim ol manki bilong ol long trening long las wik yet long Bumbu Polis Bareks trening graun. Ludwig i tok long wankain pilai las yia, ol i bin lus long fain-ols olsem na ol i laik winim dispela taitol na ron insait long nesinol klab sempionsip. Bikpela hevi nau em dispela pilai long Aitape.

"Mipela i bin lus long wanpela liklik skoa las yia olsem na mipela tingting moa long winim dispela gem long gutpela mak.

"Olsem na mipela stat trening pinis. Olgeta manki bilong mipela em ol sumatin i stap aut yet tasol sampela husat i stap yet long Lae i soim pes. Pinis bilong dispela mun bai mipela i gat ful haus," em i tokim Wantok Niuspepa.

Las yia em ol i lus long Lahi king Sobou.

Sauten rijinol soka tonamen

Papua Niugini Futbol Asosiesen (PNGFA) bai holim Besta Futsal Sauten Rijinol tonamen bilong long Kwins Betde long Jun, namel long yia. Na siaman bilong oge-naising komiti Scott Vavine i askim olgeta asosiesen long redim gut asosiesen bilong ol na kamapim ol gutpela pilai long kamap long dispela tonamen. "Sapos ol asosiesen i no afiliet long PNGFA orait ol i mas afiliet nau. Na sapos ol i afiliet pinis ol i mas i gat pilai long olgeta division," Vavine i tok. "Na bipo long tonamen i kamap ol asosiesen i mas makim ol gutpela tim bilong ol pastaim." "Mi laikim olgeta provins long salim tim bilong ol." Em i tok kain toksave em komiti i givim long 2005 yet na olsem dispela i no ken nupela tok-save sapos ol asosiesen i no afiliet na i no redim ol yet long dispela ol pilai. Em i tok long dispela yia ol samting bai i hat liklik na olsem em i tok ol asosiesen husat i no redi bai painim hat long kamap. Pilai bai kamap long Pot Mosbi. Ol asosiesen husat i afiliet long PNGFA na i laik rejisterim tim bilong ol long dispela tonamen i ken peim K300 bilong ol i go long PNG Futbol Asosiesen Akaun namba 12127106 long Pot Mosbi brens. Pinis bilong baim olgeta fi em long Mei. Na ol lain husat i baim i mas i gat lis bilong olgeta pilaia na tripela opisel. Long save moa ol asosiesen i ken ring long Scott Vavine long telepon namba 325 1991 o Dudley Yariyari long telepon namba 308 8300.

LFA redi long 2006 sisen

Bustin Anzu i raitim

NUPELA YIA na planti pilai insait long kantri nau i redi long ron insait long kainkain pilai resis.

LAE Futbol Asosiesen tu bai mekim wankain pasin long redim ol yet long pilai resis long dispela sisen 2006.

Ol opisol bilong LFA i singaut long olgeta klab long stretim ol afiliates bilong ol wantaim registresin pepa long dispela wik.

Junia Vais presiden Orti Atu i tok pri-sisen gem bai stat long Februari 18 na 19 na ol registresin bai kamap long Februari 14.

Em i tok tu olsem registresin fi em K25 long ol bikpela man na meri na K12 bilong ol pikinini.

Dispela fi em ol i mas putim i go insait long akaun bilong LFA long akaun namba namba: 1000386448 long Benk Saut Pasifik (BSP) Lae Brens.

"15-pela pilaia bai regista long sinia divisen bilong ol man na meri wantaim," Atu i tok.

Em i tok wanpela miting bai kamap long LFA klab haus long dispela wik Sande na em i laikim olgeta opisol bilong klab long kamap na klia long ol sampela ol



WIN GUT: Bihain long 9-pela krismas long wok hat Mopi i winim LFA taitol las yia olsem yu ken lukim long hia taim ol i pilaim Bara.

toktok. Wanwan klab i mas salim ol maus man/meri i kam long dispela bung.

Long wankain taim, em i tok bai i gat wanpela miting bilong ol referi long pinis bilong dispela

mun, Januari 31 long 4 kilok long klab haus na laikim ol referi long kam long dispela bung bilong ol.

Las yia LFA i pinisim yia bilong em gut taim ol meri Mopi i wok hat 9-pepa yia bipo long ol i kamap

long driman bilong ol long winim LFA taitol. Oltaim ol i bin save kamap ranap tasol. Ol i wet na lukluk na tingting tasol. Bai i gat sampela sans tu o nogat. Bihain long ol i winim Bara 1-nil long namba wan taim bilong ol long LFA gren fainol long tupela mun i go pinis, amamas i kilim ol. Mopi i bin olsem sampela ol narapela tim insait long kompetisen ol i gat ol hevi bilong ol yet. Olsem ol i sot long meri na i nogat gutpela meri.

Tasol taim Blue Kumuls (tim bilong ol polis) i bruk long kompetisen bilong ol meri, sampela ol gutpela pilaia i joinim Mopi. Na dispela i kamapim bikpela senis insait long Mopi klab bilong ol meri.

Ol pilaia olsem straika Nellie Wullat, stopa Carol Gule, winga Maria Are na mid filda Florence Wayne i kamapim bikpela luksave insait long Lae Futbol Asosiesen long dispela tim bilong ol meri Morobe Saut Kos. Dispela ol meri i go joinim ol pilaia husat i kamap wantaim klab olsem LFA i makim pilaia na klab kepten Laviniah Anio na liklik susa Sophia, Susanne Watpore, Michelle Lamei na tupela Gorgom sista.

Trukai Yut Spot program

spot program

PNG Spot Komisen na Trukai Industri i strongim gen dispela gutpela wok bung bilong ol long skruim wok bilong Trukai Yut Spot program long 2006. Dispela wok-bung i bin stat long 1995 na bihain long 10-pela yia nau dispela program i bin skulim inap olsem 3000 manmeri olsem komyuniti spot lida. "Tru tumas dispela program i karamapim olgeta hap bilong kantri we dispela i helpim long trenim ol spot lida long lukautim wok bilong spot na pilai long komyuniti bilong ol," program menesa Scott Vavine i tok. Em i tok dispela yia i wankain long ol arapela yia we i pulap long ol bikpela na planti samting long mekim. Ol hap we opis bai mekim wokabaut bilong em em ol bai ronim program long Western provins long Mei 22 i go inap long 26, Simbu Ogas 21 i go inap long 25, Wes Nu Britan long Novembra 20 i go inap long 24 na Is Sepik long Februari 19-23, 2007. "Olgeta spot lida i mas tren long lukim olsem ol i kisim gutpela save long mekim wok," em i tok

Lae lig givim 30-de toksave

ragbi

Bustin Anzu i raitim

OL NUPELA eksekutiv bilong Lae ragbi lig i givim ol 10-pela klab wanpela mun long stretim gut ripot bilong ol. Insait long dispela ol ripot, i mas i gat moni tu long peim afiliates fi bilong klab bilong ol long ron insait long pilai resis bilong dispela yia.

Nupela lig presiden Daniel Nandoma i tok taim ol jenerol Komiti i bung long narapela mun, namba wan samting em ol bai toktok long ol dispela ripot bilong ol klab.

"Planti taim, wanpela o tupela man i save ronim wan wan klab na dispela i save givim hatwok long ol. Na tu, aninil long ol bilong

PNGRFL, olgeta klab i mas i gat opisel na i no wanpela tasol i ronim klab. Em wanpela bikpela hevi i stap olsem na mipela i laik rausim dispela kain pasin," em i tok.

Em i tok insait long dispela ripot, ol i mas gat ol opisel, ron bilong moni bilong klab long las yia, K250 afiliates fee na toksave tu olsem ol i painim sampela sponsasip bilong dispela yia. Dispela ol samting em i no nupela samting.

Sapos ol i no gat dispela ol ripot, Nandoma i tok, ol bai kisim bikpela mekimsave. Em i no tok klia long wanem kain mekimsave ol bai kisim.

Em i tok tu olsem ol i putim toksave i go aut pinis long ol narapela komiti insait long Lae ragbi

lig. Ol dispela komiti em bilong helpim ol eksekutiv olsem judiseri, junia lig, referi, mets (match), seleksen na graun komiti.

"Mipela bai putim aut toksave long husat ol lain i laik aplai, ol i ken aplai long wanpela bilong ol dispela Komiti wok. I no olsem pastaim ol i save kisim ol man long laik bilong ol yet.

"Dispela em man husat i gat laik tru long dispela wok i mas aplai na kisim."

"Em tu bai soim olsem yu gat laik tru tru bilong wok," em i tokim Wantok Niuspepa.

Em i tok tu olsem ol bai kisim ol man long save bilong wok (merits) bilong ol na i no olsem pastaim ol i save makim nating taim ol i no gat laik long wok.

"Dispela i save kamapim wan-

tok sistem na ol narapela rot i no gutpela tumas na planti taim lig i painim ol hevi.

Ol dispela komiti bai i gat ol siaman na namba tu siaman wantaim on narapela opisel husat bai wok wantaim ol.

Em i tok ples bilong dispela ol wok nau em i op na ol manmeri, husat i wok bipo na ol nupela lain tu i ken aplai.

Long narapela bung bilong ol long mun Februari namba 18 de, ol eksekutiv bai sindaun na lukluk long dispela ol aplikesen wantaim ripot bilong ol klab husat i save pilai insait long Lae ragbi lig. Dispela bung bai kamap long Lae Intenesinol Hotel.

Boino kwalifai long Komenwel Gem

etelk

MOWEN Boino, PNG 400m hedola i mekim wanpela ron long laip taim em i abrusim mak bilong Komenwel Gem kwalifaing taim long ron na kamap long taim 51.62 seken. Komenwel kwalifaing taim em 51.64. Tasol i gat sampela moa resis olsem Australia Open sempionsip long Februari 2 na Australia klab Rilei Sempionsip long Februari 19 long Melbon we Boino i mas train long soim olsem em inap ron long Komenwel Gem. Boino i kamap long dispela resis long Kwinsten sempionsip las Sarere.



WANTOK SPOTS



SWIMMING

Paul Zuvani i raitim

RYAN Pini, bikpela "pis" bilong Papua Niugini bai traim ol wara bilong Australia long Australia swimming sempionsip long biksiti Melbon stat long dispela Sande i go.

Na dispela ol swim bai i no isi, dispela em ol bikpela traim bilong em.

Bagaman bai swim wantaim ol wol na biknem Australia swim man husat tu i sapim lekhan bilong ol long traim wara bilong ol yet.

Ol man olsem Ian Thorpe, Matt Welsh na Michael Klim wantaim sampela moa gutpela swim man i stap sambai long dispela ol resis.

Dispela ol pilai em bilong redim ol tim bilong go insait long Mas Melbon Komenwel Gem na long PNG Tim Pini i wanpela pilaia husat i kwalifai pinis long kamap long Komenwel Gem.

Sapos em i mekim gut na winim sampela resis long dispela Australia sempionsip dispela inap givim hop long PNG long namba wan taim long pilai bilong swim long winim medol long Komenwel Gem.

Long Olimpik wol mak Pini i stap eit (8) ples long 100m bataflai, em resis em i gutpela long em.

Las mun Pini i mekim histri long PNG swim long mekim sampela ai i hop long Australia swim wol taim em i winim bipo wol namba wan 100 mita bataflai sempion Michael Klim long Kwinslen sempionsip. Na dispela em ol Australia i save.

Long sempionsip i kam em bai kamap long foapela resis.

Long Tunde dispela wik Pini long telepon i bin tokim *Wantok Spot* long Brisben olsem em i redi long kamap long dispela ol pilai.

Em i tok dispela em i swim bilong ol manmeri bilong Australia tasol bikos ol i mekim askim long ol arapela swima bilong ol arapela hap long resis tu em i putim han long traim.

I go moa long pes 30...



MI KAM: Sempion swima Ryan Pini i stap isi na i wok long tren long Brisben, Australia long traim Australia swimming sempionsip long redim em yet long Mas 2006 Melbon Komenwel Gem. Pini i kamap long Australia sempionsip bihainim askim em i kisim long ol ogenaisa.

Pes 27: Ritim moa laip stori bilong Pini na tingting em i gat long swim.

KEEP YOUR TOYOTA GENUINE

For a limited time only we are offering special pricing on ...

SUSPENSION

Toyota Genuine Shock absorbers are specifically designed for each individual Toyota model to optimise handling performance and safety.

CLUTCH

Toyota Genuine Clutches feature torsion rubber springs that provide balanced and quiet operation for a more comfortable driving experience.

BRAKES

Toyota Genuine Brake pads and shoes provide strong and stable braking combined with outstanding wear characteristics.

UNIVERSAL JOINTS

Toyota Genuine Universal joints are made from premium materials to fine tolerances, required to provide a perfect balance and long life.

Ela Motors

NO TO COUNTERFEIT



TOYOTA GENUINE PARTS



TOYOTA QUALITY SERVICE

The publisher of the newspaper operates at Section 58, Allotment 3, Office 2, Waigani Drive

Celebrate what's great



Toktok bilong Australia Hai Komisina

Australia De, Januari 26, em i nambawan bikpela de bilong amamas insait long Australia na em i wanpela nesenel de bilong malolo taim ol Australia pipel i save bung olsem wanpela nesen long amamasim olgeta gutpela samting long Australia na ol Australia pipel. Em i de bilong lukluk bek long wanem ol gutpela wok i bin kamap na wanem ol samting ol Australia pipel i ken amamas long en insait long kantri bilong ol. Em i de bilong mekim bek tok promis long mekim Australia wanpela mobeta ples long bihain taim.

Insait long ol komyuniti long olgeta hap bilong kantri, ol Australia pipel i save wokabaut long rot, ol ples bilong malolo na baksait long ol haus bilong ol long amamasim graun, pipel, tumbuna stori na fridom bilong ol. Em i wankain tasol hia long Papua Niugini. Mi bilip olsem ol Australia pipel insait long PNG i wok long makim taim bilong amamasim dispela de na lukluk bek long wanem samting ol i mekim kamap long ol krismas i go pinis.




Tasol taim mipela i wok long amamasim ol gutpela samting long Australia na nem bilong Australia manmeri mipela i mas strongim tingting tu na lukluk bek long sindaun bilong mipela insait long intanesenel komyuniti, na moa yet, wok halivim i go long ol wan solwara na poroman bilong mipela olsem Papua Niugini.

Australia i strong long kamapim moa wok developmen insait long PNG. Mipela i gat wanpela spesol pasin poroman, we i bin kirap long bipo yet na i kamap strong moa long ol wok bung na poroman namel long ol pipel, ol bisnis na ol gavman. Mi bilip olsem tupela kantri bilong yumi bai wok bung moa yet long taim bihain.

Mi laik tok Hepi Australia De long olgeta Australia manmeri insait long PNG.

Michael Potts
Hai Komisina

Toktok i kam long Praim Minista bilong Australia John Howard



Australia De em i sans bilong amamasim ol spesol pasin we i givim nem long kantri bilong yumi na lukluk bek long ol planti gutpela samting long laip long Australia.

Long dispela bikpela de, mipela i luksave long ol bikpela pasin na as tingting we i bin helpim Australia long kamap wanpela strongpela na gutpela komyuniti we i stap tude.

Pasin bilong mipela long self rilains o lukautim mipela yet, strongpela tingting na laikim bilong mipela long senis sapos mipela i mas senis, na lukautim strong yet ol pasin tumbuna we i bin kamapim wanpela kantri we i gat strongpela bilip long em yet na sindaun bilong em insait long wol.

Mipela olgeta i mas amamas long dispela kantri we ol lain Australia bilong tude na bipo i bin kamapim long hat wok na wanbel long serim ol gutpela samting bilong dispela graun.

Bihainim dispela wanpela tingting, mipela i givim han bilong poroman i go long planti bilong tude husat i tok bel bilong ol i stap wantaim Australia na pipel bilong em.

Salens bilong yumi em long lukautim na strongim ol namba wan gutpela samting bilong laip long Australia nau we mipela i muv i go het insait long dispela wol i wok long senis.

Ol strongpela as tingting na bilip bilong yumi long givim luksave, gutpela pasin na pasin poroman em ol stia bilong halivim mipela long bungim taim bihain wantaim strongpela tingting. I stap long han bilong yumi nau long lukautim na banisim ol.

Mi laik tok Hepi Australia De i go long olgeta ol Australia manmeri, long wanem hap ol i stap long en.

John Howard

Australia De em i de we ol Australia manmeri long olgeta hap bilong wal i lukluk bek long wanem samting em i nambawan moa long Australia na long karim nem olsem manmeri bilong Australia. Mipela i lukluk bek tu long ol wok poroman wantaim ol wan solwara bilong mipela, olsem PNG. Dispela kantri na ol pipel bilong em i gat spesol hap insait long wok foren diensen bilong Australia. Wanpela we i bin kamap long wanpela histori o stori bilong taim bipo we i bin kamap strong moa yet long ol wok bung namel long ol pipel, ol bisnis na gavman. Halivim bilong mipela i kamap long kain kam hap olsem difens, wok risets, tred o wok bisnis, na spota em ol wan wan tasol. Ol dispela stori daun bito nau flidid long ol kain kain samting insait long dispela Australia-PNG wok poroman.

Australia-PNG Difens Koporesen Program: Strong moa yet

Wok difens bilong Australia insait long PNG i bin kirap moa long tupela kantri i stap klostu. Australia na PNG i bruk long sampela kilomita samting tasol.

Namba wan rot bilong Australia difens long wok wantaim PNG em aninit long Difens Koporesen (DC) Program.

Program i bin stat long 1975. Em i sapotim paitim toktok, senisim toktok namel long ol wokmanmeri bilong Difens Ogeniasesen bilong mipela, ol raun bilong ol sip na balus, trening insait long PNG na Australia aninit long ol baileterel ekasesais, sampela join infrastraksa na sekyuriti projek na sapot i go long 4-pela Pasifik Patrol Bot bilong PNG.

Difens koporesen baset i stap nau em i klostu AUD9.2 milien, wantaim wanpela moa AUD 40 milien i sapotim Difens Fos Rifom Program bilong PNG gavman. Bungim monimak bilong wok Australia Difens i givim em i abrusim \$1 bilien long dispela tripela ten krismas kantri i stap indipenden.

Australia i bilip strong yet long sapotim PNGDF Hom Groun Rifom Program. Program i gat tupela hap. Namba wan hap em long daun namba bilong PNGDF long 3,300 i go daun we i noken abrusim mak bilong 2,000 soldia.

Namba tu hap em i bilong strongim bek wok. Australia tok wanbel long givim samting olsem AUD 40 milien bilong dispela program.

AUD 20 milien em ol i bin makim pastaim. Long mun Me 2003, Australia i wanbel long givim namba



Meja Steve Giddon, CO bilong 21 Konstraksen Skwatron, i givim ol ki bilong nupela haus kaikai bilong PNGDF long Taurama Barracks long Sapot Komanda Kenel Joe Fabila. Dispela haus kaikai na ol arapela samting i kamap long moni na halivim bilong Australia Difens Fos.

tu hap bilong AUD 20 milien. I kam inap tude, 1013 memba i bin lusim difens bareks aninit long program. I gat strongpela bilip olsem ol 300 lain i stap yet bai lusim bareks bipo long mun Me long dispela yia.

Wantaim dispela hap bilong daunim namba, i no long taim i go pinis, Australia i bin sapotim wanpela kepabiliti na fos straksa rivi bilong Difens Fos olsem wanpela namba wan wokabaut long strongim bek wok bilong PNGDF aninit long rifom program. Antap long dispela, Australia i givim AUD 1 milien fil yunifom i go long PNGDF.

Epng 2004 Australia Difens fos i bin tok wanbel long givim moni long wanpela program bilong strongim bek PNGDF infrastraksa.

Aninit long dispela program bilong saplimentari infrastraksa halivim, Australia i bin go pas long wanpela program bilong stretim bek ol PNGDF bareks infrastraksa wantaim wanpela baset bilong AUD 1 milien long wan wan yia bai i go inap long 5-pela yia bihain.

Long namba wan hap bilong wok ol moni i bin go long stretim bek wara na pipela wara sistem long wan wan bareks.

Taim wan wan long ol dispela bareks i bin kisim gutpela paip wara na ol gutpela pipela wara sistem, ol arapela moni i stap yet bai go long kamapim ol jenerel wok stretim long ol haus slip bilong ol soldia, na tu ol marit manmeri haus slip.

29 Australia Difens Ogeniasesen wokmanmeri insait long kantri i wok long givim gutpela polisi, trening menesmen, maritaim, infentri, enjiniring, pesenel, lojistik na wok moni sapot i go long PNG Difens Ogeniasesen. Ol i lukluk strong moa long halivim long strongim wok bilong bosim ol arapela, stretpela

wok pasin na bihainim bikpela as tingting long sapotim strongim bek bilong PNG Difens Fos.

Difens i gat wanpela liklik hap wok insait long Enhens Koporesen Program. Wanpela opisa bilong Australia Dipatmen bilong Difens i wok wantaim PNG Dipatmen bilong Difens.

Long sait bilong rijen, Australia Difens fos i givim bikpela halivim long strongim Papua Niugini Difens Fos long wok insait long Rijinel Asistens Misin i go long Solomon Ailans. Gutpela wok kamap bilong ol dispela wokbung i soim klia ol wok poroman namel long tupela difens fos bilong mipela.

Australia Day Quiz Competition

1. Who was Australia's first Prime Minister?
2. What was Australia's Gift to PNG on its 30th anniversary of Independence?
3. Who is the current Australian Governor-General? (Give his full name and title.)
4. Where are the 18th Commonwealth Games going to be held?
5. Who captained the Australian Prime Minister's XIII against the PNG Kamuls in the rugby league match held in September 2005 to mark the 30th anniversary of PNG's Independence?
6. Where was the 17th Australia-PNG Ministerial Forum held?
7. When did AusAID start and what was its original name?
8. In 2004 Australia mobilised a major new program of support for the PNG National Education system. What was it called?
9. Name the exercise under the PNG-Australia Defence Cooperation Program (DCP) that saw the construction of the First Pacific Islands Regiment headquarter at Taurama Barracks?
10. How many men will the PNG Defence Force eventually have under its current down/right-sizing program?
11. Which PNG-born footballer currently plays for the Brisbane Lions in the Australian Football League?

The first six correct entries drawn at random will be declared the winners. The winners & correct quiz answers will be announced on Friday February 03, 2006 in the newspapers. Australian High Commission employees and their immediate family are not permitted to enter.

Competition Closes: COB Thursday February 02, 2006

Proudly supported by:



Goodman



Celebrate what's great



Great Prizes to be won:

1. CD player from Brian Bell, Westpac bag & a box of Twisties.
2. Westpac merchandise includes a T-Shirt, bag, umbrella & a box of Twisties.
3. Trukai Rice sporting merchandise, includes a sports bag, sun glass, water bottle, a rugby ball & a box of Twisties.
4. Trukai Rice sporting merchandise, includes a sports bag, sun glass, water bottle, a rugby ball & a box of Twisties.
5. Trukai Rice sporting merchandise, includes a sports bag, sun glasses, water bottle, a rugby ball & a box of Twisties.
6. A box of Twisties.

Celebrate what's great

Austrade: Strongim Australia-PNG bisnis

Austrade em i nambawan ejensi bilong Australia Gavman we i save halivim ol kain kain sais Australia kampani long developim ol bisnis bilong ol insait long ol arapela kantri.

Long narapela sait, Austrade i save wok bung wantaim ol bisnis haus insait long Papua Niugini long halivim ol long painim ol gutpela bisnis patna long Australia.

Baileterel mesendais wok bisnis namel long Australia na Papua Niugini i bin sanap long moni mak AUD\$2.9 bilien namel long 2004 na 2005 na i makim PNG olsem namba 22 bikpela bisnis patna bilong Australia. Long 2004 Australia i save kisim 27% bilong olgeta PNG mesendais eksport o samting ol i mekim long PNG na salim i go aut long kantri.

Opis bilong Austrade i stap insait long Australia Hai Komisn long Pot Mosbi i ken halivim ol PNG bisnis long painim ol Australia treid patna namel long ol kontek bilong ol we i karamapim ol Australia bisnis haus, ol semba bilong komes na industri, ol bisnis databes na netwok bilong em long ol spesolis eksport etvaisa long olgeta hap bilong Australia.

Ol Austrade opisa insait long Pot Mosbi i spesolais long ol bikpela industri sekta olsem risoses, bilding na konstraksen, kaikai na dring, ICT na edukesen na trening.

Austrade i ken halivim tu ol PNG bisnis long kamapim ol bisnis visit progrem long pulim ol Australia saplaia husat i bungim laik bilong ol PNG bisnis. Planti taim ol baia i save mekim ol dispela raun, na i no bilong bungim ol wanwok bilong ol long PNG, tasol long givim sapat na lokol save bilong ol we i ken hariapim wok bisnis bilong tupela sait wantaim.



Hanu Bokuik (Iephan) na Christine Lamur (raithan) bilong Austrade i sanap bilasim kona bilong ol long wanpela treid displei las yia.

Austrade i save halivim tu ol Australia bisnis long painim ol PNG bisnis patna insait long ol maket ektiviti o wok olsem ol treid misin i kam insait long kantri, ol prodak sempoling sokes na ol wan wan maket progrem insait long PNG.

Tupela bikpela treid misin we bai i kamap long dispela yia em Edukesen na Trening Rotso na Main Sait Visit. Tupela wantaim bai kamap long mun Jun.

Austrade i save wok klostu wantaim ol PNG bes industri bodi long promotim ol baileterel treid wantaim Australia PNG Bisnis Kaunsil na Bisnis Kaunsil bilong PNG. Dispela tupela Kaunsil i save wok hat tru long promotim o apim nem bilong wok bisnis. Wanpela long ol bikpela wok bilong Kaunsil em Australia PNG Bisnis Forum o kibung we bai i kamap long Kens (Cairns) long namba 14 na 16 de bilong mun Me.

Maski Austrade em i wanpela Australia Gavman ejensi, em i save wok olsem wanpela bisnis. Ol wokmanmeri bilong Austrade em ol i gat bikpela save long bisnis. Ol Sinia Tred Komisina, Tred Komisina na Bisnis Developmen Menesa

bilong em i save stap na wok insait long ol kain kain opis bilong ol long olgeta hap long wol. Dispela i save mekim ol i save moa long olgeta lokol bisnis wok, ol kastom na ol wok bihainim. Long dispela as tasol na ol i save kamapim ol nambawan bisnis eksport plen na painim ol bikpela savelain bilong ol insait long ol ovasis kantri long wok bung wantaim ol Australia saplaia bilong ol prodak na sevis.

Austrade i stap insait long 117 ples insait long 58 kantri na i gat bikpela domestik netwok insait long Australia. Austrade i save givim stia tok tu long sait bilong ol maket na sapat bilong ol Australia bisnis i laik strongim ol intanesenel maket. Austrade i save givim tu stia long wok bisnis ovasis na ol join vensa o sans bilong wokbung na halivim ol Australia bisnis long toktok wantaim ol ovasis binismanmeri.

Long kisim moa toksave, ringim Pot Mosbi opis bilong Austrade long +675 325 9510.

Long toktok long Austrade long Australia, yu ken ringim ol long +61 2 13 28 78.

ACIAR halivim long bungim ol PNG salens

AUSTRALIA Senta bilong Intanesenel Agrikalsarel Risets (ACIAR) i wok long Papua Niugini inap long tupela ten krismas pinis, na ol i save bungim na daunim ol kain kain saintifik, komyuniti na teknikal salens tu.

PNG em i wanpela bikpela patna kantri bilong ACIAR, we i makim tru long taim wok poroman namel long tupela kantri bilong mipela.

Australia i wok strong long lukim PNG i develop na painim gutpela sindaun wantaim wanpela developmen progrem inap long moa long \$300 milien.

I no long taim i go pinis moni mak ACIAR i save givim long PNG i go antap tru. Long strongim wok risets, (Olsem, kamapim wanpela strongpela pinat industri insait long Makam Veli) ACIAR i save kisim ol praivet sekta na ol NGO i go insait long ol dispela projek.

Plen bilong ACIAR insait long PNG em long sapatim ol aplait teknikal na ekonomik wok risets long strongim wirumoni o pe bilong ol liklik fama.

ACIAR i save wok bung wantaim ol lokol risets pata insait long PNG, olsem NARI, FRI, NFA, CCRI, CIC na ol arapela long luksave long dispela strateji.

Ol rut, plantesen na kumu kaikai, pis na forestry o wok diwai em ol bikpela ples bilong mekim wok risets o glasim. Ol i save lukluk long ol as ples krop na ol eksport krop long mekim winmoni bilong ol smol holda o liklik fama na bilong strongim kaikai sekyuriti.

Strongim bihain taim bilong ol riniuabul risos olsem ol pis na ol diwai wantaim ol krop na laipstok o abus em ol bikpela wok bilong wok risets.

PNG progrem i gat wanpela strongpela lukluk long strongim ol projek wokmanmeri na tu givim ol posgreduet trening bilong ol wan wan saintis i save wok insait long ol

ACIAR projek aninit long John Allwright Felosip skim na wanpela nupela skolasip skim long Unitech.

Ol projek wok kamap

- Wok risets we i kisim sapat bilong ACIAR i halivim long apim mak bilong ol meri i wok insait long wel pam industri insait long Wes Nu Briten provins. Aninit long 'Lus Frut Mama' Skim ol meri i bin kisim pe i kam long wel pam kampani bihain long ol i bungim ol hus prut. Taim ol i mekim wok aninit long dispela skim, ol meri i kisim samting olsem 1443 Kina olgeta wan wan yia. Industri i bin kisim halivim tu we olgeta prut i pundaun pinis we bipo ol i save tromoi olsem pipia em ol i yusim nau. Aninit long wanpela ACIAR projek, dispela skim nau i go aut long ol famili na ol arapela bihainim wanpela wankain rot bilong kopi na kakao industri.

- Wanpela narapela bikpela ACIAR projek i lukluk long banana skipa bataflai. Kiau bilong ol dispela bataflai i save kaikaik bagarapim ol lip bilong banana na i save daunim strong bilong banana prut long mau hariap na daunim hevi bilong han banana.

Em i bin kamap namba wan taim long 1983, we bataflai i go long olgeta hap bilong kantri, na ol i kaikaik samting olsem 60% bilong ol lip insait long sampela ples.

Wantaim wanpela liklik hap moni long mekim wok risets, wanpela tim bilong CSIRO Australia i kam mekim wok painimaut long PNG long kamapim wanpela kain binatang bilong kilim ol dispela snek. Nau dispela binatang i daunim hevi bilong dispela bataflai insait long PNG.

Nau dispela hevi i go daun insait long PNG, Australia tu kisim gutpela kaikai bilong en long wanem sapos dispela bataflai i bin kalap i go long Australia ol i ken kisim bikpela bagarap tru.

Wanem samting i kamap long Januari 26

Australia De, Januari 26, em i nambawan bikpela de bilong amamas long Australia. Em i save kamap wanpela pablik holidi insait long olgeta stet na teritori.

Ol Australia manmeri i save kisim sans long dispela Australia De long lukluk bek long wanem samting ol i mekim kamap na wanem samting ol i ken amamas long en na karim nem Australia. Em i de bilong ol Australia manmeri long olgeta hap bilong Australia na ol dispela i stap long ol arapela kantri long mekim tok promis long strongim Australia bai em i kamap wanpela gutpela ples bilong bihain taim.

Wanem samting i nambawan tru long Australia?

I gat planti samting i gat namba long Australia:

Ol pipel - Ol lain i save lukautim ol nambis na ol fama long bikbus; ol pani manmeri;

ol spot manmeri i gat namba, ol atis na ol lain i lukluk i go het; ol volantia husat i save givim laip bilong ol long halivim ol arapela; spirit bilong wok bung long taim bilong traime na mekim kamap gutpela wok; ol biknem Australia long kain kain wok; ol lain turangu na ol liklik Australia manmeri husat i gat namba na stail bilong ol yet.

Graun bilong mipela - Em i ken bagarap isi isi, tasol em i stap yet. Em i gat nem nogut, na em i gat gutpela nem na stail tu - wanpela bikpela ailan i winim olgeta arapela. Tumbuna graun bilong mipela i ken givim kain kain sans, em i lukautim mipela na em i givim nem long mipela.

Kain kain pipel - Em i kantri bilong planti manmeri tasol i gat yuniti. Ol pipel bilong siti, kantri o ples bus, ol kain kain kantri na stori na pasin kastom; mipela olgeta em wanpela pipel tasol i stap wantaim. Bihainim ol kain kain bilip na save mipela i

lainim long ol arapela na mipela olgeta i gro wantaim.

Ol as ples pasin tumbuna - Bikpela na strongpela save; save bilong at na histori. Ol Aborijini na Tores Stret Ailan pipel em ol i hap bilong nem na pasin kalsa bilong Australia.

Fridom na demokrasi bilong mipela - Wanpela komyuniti i sanap strong antap long ol rait na wok bilong wan wan. Fridom bilong tingting na autim tingting. Wok insait long gavman na onaim ol arapela olsem wankain tasol aninit long lo.

Gutpela sans bilong olgeta - Wanpela strongpela spirit bilong wokbung na pasin poroman. Wanpela komyuniti i gat gutpela tingting. Komyuniti i gat strongpela tingting long opim rot bilong painim wok, kisim gutpela haus slip, helt na edukesen. Graun bilong mipela em i sans bilong mipela long

mekim wanem samting mipela i laik mekim.

Stori bilong Australia De

De bilong ol Pipel

Australia De em i wanpela komyuniti de. Wantaim ol kain kain pait raunim kantri - pulim na apim flek, ol bung bilong kisim pepa olsem manmeri bilong Australia - wantaim olgeta ol lokol pati na progrem, dispela de em bilong ol pipel.

Ol amamas na pati i save kirapim tingting bilong wok bung bilong olgeta Australia manmeri, maski yu lapun o yangpela, yu bilong narapela kantri na kalsa. Planti moa komyuniti i wok long wok strong long givim luksave long dispela bikpela de bilong ol as ples Australia wantaim ol samting olsem ol indijines flek resing na bung bilong tok welkam.

Wanem samting i kamap long Januari 26

I kam long pes 18

Bai i gat luksave long olgeta stori bilong dispela de, tasol nau i gat moa awenes na tok klia long i mas i gat amamas long makim Australia wantaim olgeta gutpela wok i kamap pinis na ol wok bilong kamap long bihain taim.

Ol namba wan selebresen

Long Januari 26, 1788 Kepten Arthur Philip i bin kisim koloni bilong Nu Saut Wels na i kamap nambawan Gavana.

Dispela liklik koloni i gro na i makim anivesari bilong dispela de. Manning Clarke i makim 1808 olsem 'anivesari bilong kamapim bilong dispela koloni' i bin kamap taim bilong 'dring na amamas'.

Nambawan opisel amamas i bin kamap long 1818 long makim tripela ten krismas we ol waitman i bin kamap. Gavana Macquarie i bin go pas long lukim 30 gan salut long san na bikpela kaikai long Gavman Haus long nait.

Faundesen De

Long stat bilong 19 sensari, dispela anivesari i bin karim nem 'Faundesen De' na i bin i gat ol spot pilai, hos resis we i bin bikpela long 1820, na ol kanu resis i bin kamap bikpela long 1830s.

Wanpela long dispela, Anivesari bilong ol Regatta we i bin kamap nambawan taim long 1836 i save kamap yet long Sidni Haba long January 26 olgeta yia. Nau ol i kolim Australia De Regatta na em i winim olgeta arapela olpela regatta long wol.

Bikpela moa pasin bilong tingim kantri i bin kamap. Long 1824 Charles Tompson, husat i bin i gat nem olsem namba wan Australia man bilong raitim ol poem, i bin raitim Wild Notes from the Lyre of a Native Minstrel.

Faipela ten krismas bihain long Philip i kam sua, namba wan publik holide bilong Australia i bin kamap long makim Faundesn De 1838. Dispela nambawan holide i bin kamap olgeta yia na i bin kamap long January 26.

Yunaitet taim bilong amamas

Narakain long ol yia bipo, taim ol amamas i bin stap insait long wan wan haus, 1838 selebresen nau i kamap 'de bilong olgeta' wantaim ol nambis i bin pulap wantaim ol pipel.

Stat long 1888, ol i painim gol na namba bilong ol pipel i bin painim klostu 3 milien. Olgeta ol koloniel biksiti, Adelaide tasol nogat, i bin makim 'Anivesari De' olsem wanpela publik holide na bikpela amamas i bin kamap insait long olgeta wan wan koloni.

Namba 100 yia em ol i bin makim wantaim ol bikpela seremoni, ol mas, ol eksibit, faiawoks, bikpela kaikai, ol sios sevis na ol bot resis. Samting olsem 50,000 pipel i bin lukim Gavana Lod Carrington i rausim karamap long wanpela stetyu i onaim Kwin Viktoria. Maski olsem i bin i gat toktok long kamapim wanpela federesen gavman, ol pipel bilong Australia i bin givim luksave long mama kantri bilong ol.

Long namba 150 anivesari bilong ol waitman i kamap long 1938, em ol bikpela seremoni i bin kamap long makim kamap bilong Kepten Philip.

Bikpela amamas bilong ol selebresen long NSW em makim bilong Philip i kam sua long Australia wantaim tu ol pait wantaim ol Aborijini. Ol Aborijini em ol i bin kisim ol i go long Sidni we ol waitman i bin les long ekt wantaim ol.

Sampela awa bipo long ekt i laik stat, ol Aborijini sapota i kamapim wanpela 'De bilong Sore' long traim kisim sitisensip o nem bilong Aborijini i mas kamap wankain olsem ol waitman.

Long dispela taim i nogat toktok long ol tumbuna waitman bilong Australia husat i bin ol kalabus manmeri.

Australia De

Em nau, long 1946, Komonwel Gavman, Stets na Teritoris i wanbel long luksave long wanpela nesanel de 'Australia De' aninit long wanpela nem na taim.

Long dispela taim ol selebresen i go het long bihainim pasin bilong namba wan taim ol waitman i kamap long Australia.

Nesanel Australia De Kaunsil i bin kamap long

1979, wantaim ol stet na teritori kaunsil na komiti i kamap i no long taim bihain. Taim ol i bin kirap ol i wok long kamapim ol 'gras ruts' selebresen, wok wantaim ol lokol gavman atoriti long promotim moa bikpela selebresen bilong Australia De.

Tasol publik holide bilong makim Australia De i bin pundaun long Mande i stap klostu moa long Januari 26.

Long baisenteneri yia long 1988, Australia De publik holide i bin pundaun long January 26 stret. Bikpela samting long dispela taim em makim bilong nambawan lain sip i bin lusim Me 13, 1987 na kamap long Australia long stat bilong Januari. Briten i bin givim bikpela sip Young Endeavour, long Australia olsem presen bilong ol.

Bihainim ol 1988 selebresen ol i givim nem long wanpela Yia bilong Sore bilong ol Australia Aborijinel pipel, husat i bin luksave long dispela yia olsem yia bilong stap laip.

Dispela baisenteneri selebresen i bin lusim planti arapela gutpela samting. Em i save kisim mori long Federel, Stete, na Teritori gavman long kamapim ol gutpela projek na sanapim ol monumen long luksave long ol selebresen.

Long taim bilong baisenteneri i kam inap nau, ol selebresen bilong Australia De i gro i go bikpela na i wok long go aut moa long planti moa manmeri.

Long 1994 tasol, olgeta stet na teritori i givim luksave long selebresen bilong Australia De long de Jaunari 26 stret na i no long Mande i pundaun klostu long em moa. I kam inap nau, Australia De i save pundaun long Januari 26 stret.

Taimlain bilong Australia De

1788 Kepten Arthur Philip i opim flek bilong Gret Briten long Sidni Kov na tokaut olsem Briten i lukautim isten sibot bilong Australia.

1808 Namba wan selebresen long Januari 26.

1818 Gavana Macquarie i kamapim namba wan opisel selebresen long Januari 26, makim 30 krismas bilong ol waitman i sindaun long Australia.

1836 Nambawan 'Anivesari Regata' i kamap long Sidni Haba. Nau ol i kolim Australia De Regata. Em i olpela tru insait long wol.

1838 50 krismas bilong Kepten Philip i kam sua na stat bilong tumbuna 'Australia De' publik holide insait long NSW.

1888 Sentenari selebresen bilong Anivesari De 1901 Federesen bilong Komonwel bilong Australia.

1931 'Australia De' i kamap long Viktoria.

1932 'Australia De' i kamap long NSW, na bihain stet gavman i senisim i go bek long 'Anivesari De'.

1935 Komonwel Gavman na ol Stete na Teritori i luksave long 'Australia De' olsem nem bilong nesanel de. NSW tasol, nogat.

1938 150 Anivesari selebresen i kamap long olgeta hap bilong kantri.

1946 Olgeta Stet na Teritori i amamasim Januari 26 olsem 'Australia De'.

1960 Sir Macfarlane Burnet i kisim nem olsem nambawan Australian of the Year.

1968 Lionel Rose i kamap nambawan Aborijinel Australian of the Year.

1979 Nesanel Australia De Kaunsil i kamap, ol i sanapim gut long 1990.

1988 Bai sentenari selebresen long nambawan taim wanpela yunaitet publik holide i kamap long Januari 26.

1992 Nambawan Savaivel Konset i kamap long La Perouse, nau i save kamap olgeta yia.

1993 Olgeta Stet na Teritori i stat long selebretim Australia De long Januari 26.

Tok Promis

Olgeta nupela sitisen o manmeri bilong kantri i save mekim wanpela tok promis i go long ol Australia na ol pipel bilong em.

Mi tok promis long onaim oltaim Australia na ol pipel bilong em

Husat ol demokratik bilip i wankain olsem bilong mi

Husat ol rait na fridom bilong ol mi bai onaim

Na ol lo bilong ol mi bai strongim na bihainim.

Dispela afemesen o tok promis em i wanpela hap toktok we i makim olgeta pasin na bilip olgeta wan wan Australia i save laikim, bihainim Australia Sitisensip Plets.



Ol ileksen wok manmeri i givim stia long ol komyuniti pipel long Limitet Preferensel Voting sistem na vot bilong ol em i bikpela samting tru.

AusAID wok wantaim PNG long painim ol nambawan rot bilong kamapim komyuniti na ekonomik developmen

OL GAVMAN bilong Australia na Papua Niugini i gat wanpela bikpela as tingting we tupela i save bihainim - em komyuniti na ekonomik developmen insait long PNG.

Mekim kamap dispela samting em i wanpela bikpela salens we AusAID, Australia Ejensi bilong Intanesenel Developmen i amamas long i gat nem long en. Patnasip o wok poroman wantaim ol PNG wanwok, wok wantaim long painim ol gutpela rot long luksave long ol developmen gol, em wok bilong mipela.

Dispela i karamapim tu lukluk long rot we Eid o halivim i save go kamap long ol pipel. Mipela i save lukluk long sekta long lukim ol komyuniti wok. Bikpela lukluk nau i stap long strongim ol sevis insait long PNG olsem helt, lo na jastis na edukesen.

Bikpela samting em sastenabiliti o strong bilong kamap yet long bihain taim, long kamapim ekonomik gro na mobeta sevis i go moa yet.

Australia Gavman, ainit long AusAID, i wok long sapatim ol bikpela developmen tingting bilong PNG.

Mipela i ken kamapim ol dispela samting sapos mipela i go het long wok bung long karimaut ol develop-


men program na wok insait longkomyuniti. Ol gutpela taim bihain, bai i mas sindaun long strongim tingting bilong PNG long kamapim ol strongpela ekonomik polisi, politikel stability, na strongim lo.

Australia na PNG wantaim i luksave long bikpela kontribusen o wok i kamap long han bilong ol non gavman ogenaiesen (NGO) olsem ol sios na sivil sosaiti ogenaiesen. Wok patnasip i mas i stap long luksave long ol developmen gol. Mipela i lukluk long karim dispela wok poroman i go long 2006.

Dispela yia i kam i karim ol salens na sans long kamapim ol developmen gol.

Ol prairiti o bikpela wok we bai i go het yet em pait agensim sik HIV/AIDS na moa developmen bilong kamapim wanpela fri na gutpela ilektorel sistem we i save strongim gutpela wok gavanens.

Mipela i lukluk i go het long strongim dispela wok poroman wantaim PNG long olgeta mak. Long mak bilong politiks na tu ol pasin poroman namel long ol pipel yet long sanap strong insait long Pasifik.



AusAID i wok wantaim ol provinsel gavman long sapatim ol bus komyuniti long strongim ol trenspot netwok na opim besik helt, edukesen, maket na ekonomik wok sans i go long ol bus pipel.



Gavman long olgeta level insait long Australia i save givim sapot bilong ol kain kain asples komyuniti na ekonomik na kalsarel program, wantaim ol indijines helt sevis, mobeta edukesen level na lukautim pasin tum-buna long sait bilong ol at na kalsa program.

Sensus 2006 long givim tru piksa bilong nupela Australia

NAU Australia i wok long redi long amamasim Nesenel De bilong em tude long January 2006 na ol i wok long redi tu long kamapim wanpela nesenel sensus o kandim bilong olgeta manmeri insait long kantri long mun Ogas dispela yia. Na em bai givim wanpela klia piksa bilong Nupela Australia.

Insait long ol de i go antap long painim Ogas 8, wan wan haus insait long Australia bai kisim wanpela sensus pepa na wanpela stia bilong halivim ol long pulamapim dispela sensus pepa.

Australia Buro bilong Statistiks o namba, namba bilong olgeta manmeri long Australia nau i sanap long 20,454,546 pipel.

Kompyuta populesen kilok bilong Buro i wok long wokabaut yet na i save gat wanpela mama i karim wanpela bebi olgeta tupela minit na wanpela manmeri i save dai olgeta tripela minit na 56 seken. I gat wanpela intanesenel manmeri i kam insait long Australia olgeta 4 minit na 5 seken we i save apim namba bilong wan wan manmeri olgeta 2 minit na 2 seken.

Ogas 2006 Sensus bai halivim ol Australia

atoriti long kamapim wanpela bikpela profail bilong Australia na ol Australia pipel, na tu makim olgeta asples bilong ol na tok ples bilong ol, ol kalsa na laipstait bilong ol na ples ol i stap long en.

Kalsa bilong Australia na maltikalsarel profail bai kamap klia tru. Sensus bai givim piksa bilong Australia olsem wanpela nesen we i gat planti manmeri i wok long i go lapun na we planti Australia em mama i karim ol ovasis na ol i kam stap long ol haus we ol i baim o bilong ol yet.

Laspela nesenel sensus i bin kamap long mun Ogas 2001 na em i bin rekodim 18,972,350 pipel insait long Australia makim groa inap long 6.0 pesen insait long populesen bihain long 1996 sensus.

Nesenel populesen o namba bilong ol manmeri gro reit bilong Australia insait long 12-pela mun i pinis long Jun 2005 em 1.2 pesen. Dispela em i wankain olsem wol populesen gro reit insait long 12-pela mun i pinis long Jun 2005.

Populesen bilong Australia i bin groa inap long 0.2 pesen long Jun kwota 2005. Groa na net ovasis maigresen i bin lukim 53.6 pesen na 46.4

pesen bilong bikpela namba bilong ol pipel bilong Australia insait long yia i pinis long Jun 2005.

Ol pipel mama i karim ol long Australia em ol i makim 71.8 pesen bilong populesen long 2001, i go daun long 73.9 pesen long 1996. Tok Inglis em wanpela tok ples tasol we 79.1 pesen bilong ol manmeri i save toktok long haus. Em i go daun long 81.4 pesen long 1996. Namel long ol dispela pipel husat i toktok long narapela tok ples long haus, bikpela namba bilong ol i tok ples Itali inap long 1.9 pesen.

Namba bilong ol ol mama i karim i go daun na planti manmeri i wok long stap laip i go long taim moa i wok long kamapim planti moa bikmanmeri we i winim namba bilong ol yangpela. Namel krismas long Australia em 35 krismas long 2001 na 34 long 1996.

Namba bilong ol pipel we krismas bilong ol em 65 krismas na ova i go antap long mak bilong 12.6 pesen long 2001, we bipo long 1996 em i bin sanap long 12.1. Namba bilong ol man na meri insait long populesen i stap wantaim we mak bilong ol meri em 50.7 pesen bilong populesen na ol man em 49.3 pesen.

Australia De - de bilong gutpela komyuniti sindaun - selebresen i gro

AUSTRALIA De 2006 i wok long kamap wanpela bikpela de tru we bikpela lukluk bai stap long maltikalsarel profail na aidentiti o nem bilong ol Australia pipel.

Planti sitisensip seremoni bai kamap insait long ol lokol gavman kaunsil, we ol nupela manmeri bilong ol arapela kantri long wol i laik kisim nem olsem ol pipel bilong Australia bai kisim luksave aninit long lo bilong Australia long simenim nem bilong ol.

Ol dispela seremoni bai kamap insait long ol siti, taun na insait long bus raunim Australia bai i no ol bikpela samting, tasol bai kamap isi isi tasol long makim luksave bilong dispela bikpela de taim ol lokol gavman opisel i tok welkam long ol nupela setla manmeri olsem ol sitisen bilong Australia.

Ol dispela seremoni i save kam aninit long lukaut bilong ol meya bilong kaunsil na i save kamap insait long ol taun hol o ol arapela sivik bilding we ol nupela sitisen bai mekim tok promis long Australia.

Na wantaim ol i singsing nesenel anthem bilong Australia, Atvans Australia Fe, ol nupela sitisen bai kisim ol setifiket bilong ol olsem ol Australia Sitisen na kisim wanpela liklik presen long makim dispela spesol de bilong ol.

Na bihain long Australia De long Januari, ol wankain grup bai makim gen namba wan bikpela komyuniti samting i kamap long sapotim na stap insait long

Hamoni De 2006. Minista bilong Sitisensip na Maltikalsarel Afes, Mista John Cobb, i tok Hamoni De em i wanpela gutpela sans bilong olgeta Australia long amamasim kalsarel daivesiti na tok 'nogat' long pasir resisim o bagarapim narapela long as ples bilong em.

"Samting olsem 19 ogenaiesen long Australia i tok promis long wok wantaim gavman long winim dispela toktok bilong komyuniti hamoni o wanbel, na singaut long ol Australia pipel bilong kain kain wokabaut long save gut long ol yet na wokbung," Mista Cobb i tok.

Ol bisnis grup i gat longpela bipo stori wantaim ol Hamoni De patna, Ford Australia, McDonalds, Telstra, Woolworths, AMP Insurance, Mt Franklin Beverages, na Computer Sciences Corporation.

Mista Cobb i tok ol futbol na kriket grup bai promotim veliu o strong bilong komyuniti bel isi long ol pilaias na sapota insait long kantri.

"Spot em i wanpela bikpela samting long Australia kalsa olsem na mi amamas tru olsem mipela i kisim sapot bilong planti long ol bikpela spot bodi," Mista Cobb i tok.

"Hamoni De sapot i soim klia olsem ol Australia bisnis, komyuniti grup na spot ogenaiesen i luksave long strong bilong ol tok ples na kalsa bilong Australia insait long maket ples, long wok na long spots fil," Mista Cobb i tok.

More people Trust



TOYOTA

than any other brand

PNG's Top Selling Vehicles for 2005*



✓ **Top Selling Vehicle**
Toyota Hilux



✓ **Most Popular Bus**
Toyota Hiace




✓ **No.1 Selling PMV Bus**
Toyota Coaster



✓ **Top Selling Heavy Duty 4x4**
Toyota Land Cruiser

Quality Product from PNG's Only Quality Assured Automotive Supplier



Ela Motors
TOYOTA

Wheels for the Nation

For More Information Contact your nearest Ela Motors branch

Port Moresby... Ph 3228400	Goroka..... Ph 7321844	Wewak.... Ph 8562255
Lae..... Ph 4781800	Mt. Hagen... Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489080
Madang..... Ph 8522188	Lihir..... Ph 9884099	Poregera.. Ph 5479367
Kavlang..... Ph 9842788	Buka..... Ph 9738915	Alotau.... Ph 6410100

Quality System
Quality Endorsed Company

*Official Sales Statistics MTA PNG